

**NATIONAL ASSEMBLY OF
SEYCHELLES**

Tuesday 05th August 2025

The Assembly met at 0902am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou bann zofisye Lasanble ki pe asiste nou. E bonzour nou piblik an deor ki swiv nou fidelman. E mon remarke nou annan 2 viziter dan Galeri, bonzour imsyek madanm byenveni dan Lasanble.

Bon, pou nou komans sa travay ozordi nou a komans avek Prezantasyon Dokiman, mon war i an plizyer rapor sorti kot bann Komite e Madanm Clerk a prezant bann dokiman e parey labitid si i annan Chair oubyen Manm bann komite ki anvi fer en pti ladres lo zot rapor, zot a kapab fer li. Madanm Clerk, Prezantasyon Papye.

MADAM CLERK

Mersi Mr Speaker. Bonzour Mr Speaker. Bonzour tou bann Manm, tou bann staff Lasanble, nou bann envite dan Galeri e tou dimoun ki a

lekout. Bann Papye ki pe ganny prezante bomaten i: -

S.I. 49 of 2025 Business Tax Act (Amendment of Second Scheduled) Regulations, 2025.

Annual Report of the International Affairs Committee 2023.

Annual Report of the International Affairs Committee 2024.

Report of the Women's Parliamentary Caucus – January to August, 2025.

The Finance and Public Accounts Committee - Report on the findings of the Office of the Auditor General's 2019 & 2020 Reports (Public Hearings of 2021 & 2022). Mersi Mr Speaker.

MR SPEAKER

Mersi Madanm Clerk. Pou ladres si i annan okenn Manm ki oule adrese. *International Affairs Committee?* Non. *Women's Parliamentary Caucus?* Yes, Onorab Esparon.

HON REGINA ESPARON

Mersi Mr Speaker. Bonzour tou dimoun e lekout e nou bann viziter dan Galeri.

Mr Speaker, Madanm Komite- *Parliamentary Caucus* Madanm nou'n prezant nou rapor pou depi Zanvye 2025 ziska Out, parske nou santi poudir an vi ki Lasanble i pa pou kontinyen ek sa *Cohort* ki

la, nou'n bezwen reprezant nou tar sa bout Zanvye ziska ou ti pa ganny *unaccounted for*.

E ou'n sirkil nou rapor avek sekretarya e nou ti ava annan plezir pou prezant li avek Lasanble. Mersi.

MR SPEAKER

Mersi Onorab.

HON REGINA ESPARON

E Mr Speaker, lo non nou *Caucus* nou ti a kontan remersi ou sekretarya e tou bann madanm e nou bann sekreter lo nou komite pou sa travay ki nou'n fer pandan sa 8 mwan la. E nou dir zot bon kouraz bann ki pe retournen pou zwenn avek *Caucus* Madanm dan sa wityenm *Cohort*. Mersi.

MR SPEAKER

Tre byen Onorab. Be mersi pou ou bann mo lentrodiksyon. *Finance and Public Accounts Committee*? Yes.

HON SEBASTIEN PILLAY

Sorry Mr Speaker. Mersi Mr Speaker. Mr Speaker, *The Finance and Public Accounts Committee* i annan *report for findings on the public hearings*.

Selman ki mon oule dir Mr Speaker, nou annan detrwa rapor ki nou pe *submit throughout* sa bann sesyon ki

reste, i reste nou osi en *legacy report* e i reste nou en *special report on the Ports Authority*.

Regarding rapor Oditer Zeneral Mr Speaker, nou'n fer nou travay pou konsider tou bann diferan eleman dan Rapor Oditer Zeneral e pou fer sir poudir bann rekomandasyon osi ki nou'n deza fer rann rapor leparse in ganny pran an kont.

Nou kapab dir poudir nou'n ganny bon korperasyon avek ban diferan antite an sa ki konsern pou zot *take up* bann konsern ki nou ti'n *raise*. Me selman, i *still* annan bokou konsern ki bezwen ganny adrese atraver bann diferan Antite.

Nou a soumet sa rapor avek Lasanble pour ki Lasanble i kapab fer li al devan Egzekitiv ek Egzekitiv i kapab pran bann aksyon nesaser an sa ki konsern bann *short comings* si nou idantifye li avek bann rapor, e sa i ava *complete* travay ki *FPAC* i annan an relasyon avek Rapor Oditer Zeneral. Mersi Mr Speaker.

MR SPEAKER

Mersi Onorab. Nou annan *reading- en First Reading Public Bill*. Madanm Clerk.

MADAM CLERK

Mersi Mr Speaker.

This Act may be cited as the Business Tax (Amendment) Act, 2025. Mersi Mr Speaker.

MR SPEAKER

Mersi. Bon, avan nou al lo lezot biznes, mon ti a kontan fer en pti leksplikasyon lo *PNQ* an relasyon avek *question time* pour sa semenn. E sa mon oule notifie ki mon ti gannnen en demann sorti kot *Leader* Lopozisyon pou en *PNQ* ki i ti soumet parey labitid yer bomaten.

Me mon pa ti aksepte e rezon ki mon'n eksplik li e ki mon oule dir Lasanble e piblik se ki mon konsider *PNQ* koman en par *question time*, e si napa *question time* donk, i napa *PNQ*. Mon oule zis pou met Manm e piblik okouran partaz avek zot *PNQ* i ti ganny soumet i lir; -

“Eski Gouvernman i kapab klarifye lekel propriyeter later kot Bazar Sir Selwyn Clerk, e kan eski renovasyon lo sa Bazar pou komanse?” Mon napa okenn problemm avek konteni sa *PNQ*, mon desizyon i pirman lo prosedir.

E bomaten Onorab Pillay ti demann mon en *matter of privilege* ki mon pa'n aksepte. Mon rezon se ki mon krwar i kler. *PNQ* i ganny adrese dan *Standing Orders* dan sa seksyon ki adres kestyon, donk, se pour sa ki mon krwar

poudir *PNQ* i fer parti *question time* e lo mansyon *PNQ*.

Standing Orders i dir “*the PNQ shall be asked at the beginning of question time*”. So sa i en *Ruling* ki mon'n fer dan Lasanble oparavan e mon pe retenir li. Donk, mersi zot tou pou zot konprenezon e mon sipoze piblik ki pe demande aköz ki napa *PNQ* i a konpran mwan. Mersi.

Nou annan bokou travay lo *Public Bills* e nou ava avans lo la e mon a envit Madanm *Hansard* Raporter, ou ava demann Vis-Prezidan avek son premye *panel* pou antre silvouple.

Bonzour Vis-Prezidan Ahmed Afif e bonzour Mr Patrick Payet, Sekreter Deta dan Minister Finans Plan Nasyonal e Komers, e Mr Srinivasa Rao ki *Principal Legal Draftsperson* dan AG's Office. E mersi pou zot partisipasyon dan *Bill* bomaten.

Nou pou al premye lo *Public Procurement Amendment Bill* e mon a demann Mosyon pou *Second Reading*.

HON BERNARD GEORGES

Mersi Mr Speaker. Bonzour Mr Speaker, bonzour Vis-Prezidan e ou delegasyon. Bonzour bann koleg Onorab, bann dimoun ki pe swiv nou

including dan public Gallery bomaten.

Mr Speaker, avek ou permisyon permet mwan zis avan mon *move* sa Mosyon pou remersye *staff* Lasanble ki'n fer sa legzibisyon ki dan nou *lobby* pou sa bon travay ki zot in fer, zot in fer en travay ekstraordiner e piske nou *on air*, pou demann piblik vin an gran nonm si zot enterese avek konn en pe travay Lasanble pou vin vizit sa legzibisyon ki pou ouver ozordi ek demen e si mon pa tronpe ziska Vandredi.

Mr Speaker, mon Mosyon i anba *Order 69(2)*, ki nou pran *Public Procurement (Amendment Bill) 2025* pou en-pou ganny lir en Dezyenm Fwa bomaten. Mersi.

MR SPEAKER

Mersi. Mon a ganny segonnman pou Mosyon. Onorab Sandy Arissol.

HON SANDY ARISSOL

Mersi Mr Speaker. Bonzour Mr Speaker. Bonzour *VP* avek ou lekip, tou Manm Lasanble Nasyonal e tou dimoun ki a lekout. Mosyon i ganny segonde. Mersi.

MR SPEAKER

Mersi. Vis-Prezidan ou ava fer prezantasyon sa *Bill* pou Lasanble.

VICE-PRESIDENT AHMED AFIF

Mersi bokou Mr Speaker. Bonzour Mr Speaker. Bonzour *Leader Biznes* Gouvernman, tou bann Manm Onorab e tou dimoun a lekout.

Mr Speaker, Lalwa ki govern akizisyon piblik byen koni koman *Public Procurement Act*, i fer provizyon anba seksyon 24 pou Prezidan apwent en direkter ki pou donn administratif e profesyonnel *National Tender Board*.

E osi anba seksyon 8, i donn pouvwar Minis responsab pou Finans apwent en direkter ki pou administre *Procurement Oversight Unit*. Gouvernman ti war li nesese pou apwent en Sef Egzekitiv pou administre *National Tender Board*. Sa i anliny avek dezinyasyon sa *post* dan lezot lorganizasyon e osi pou swiv bann standar enternasyonal dan sa domenn.

Alors, pou normaliz sa sanzman, nou pe propoze pou amann seksyon 23, 24 e 26 dan Lalwa *Public Procurement Act, 2008* pou sanz referans direkter pou vin Sef Egzekitiv. Sa tit ki'n ganny re dezinyen pou reflekte bann responsabilite stratezik e operasyonnel asosye avek sa *post*.

Avek sa Mr Speaker, mon demann Lasanble pou donn

sipor sa Prozedlwa ki fer lamannman dan Lalwa ki govern *Public Procurement*. Mersi bokou Mr Speaker.

MR SPEAKER

Mersi Vis-Prezidan. Nou a pran deba lo sa *Bill*. Manm ki oule entervenir? Napa okenn Manm ki oule entervenir lo sa *Bill*? Donk napa repons lo deba non pli.

Eski- premye fwa mon war sa- bon mon pa ankor ganny sans ouver *Bill*, eski i annan okenn amannman lo sa *Bill*? Wi, Onorab John Hoareau atann, nou ava pas dan Staz Komite apre- *sorry*.

HON JOHN HOAREAU

Mr Speaker, bonzour. Bonzour Minis ek ou- *VP* ek ou lekip. Mr Speaker, zisteman mon ti pou demann ou anba 97(1) of the Speaker, ki nou suspend Order 70 ki nou pa pas dan Staz Komite an vi ki napa okenn lamannman ki'n ganny propoze par okenn kote latib, e osi napa okenn amannman ki sorti kot Komite pou *Scrutiny of Bills*. Mersi.

MR SPEAKER

Nou ti ankor dan *Second Reading* Onorab, so nou a pran sa. Premye si Minis napa okenn lezot komantr mon bezwen apel Manm pou vot lo *Bill* dan- *VP* eski ou napa

okenn keksoz pou azoute lo sa *Bill* avan nou vote?

VICE-PRESIDENT AHMED AFIF

Mr Speaker, mon mazine rezimen mon osi mon trouv li premye fwa nou pe fer en entervansyon apre ou fer ou *reply* toudswit apre.

Me mon *reply* i tre senp Mr Speaker, i en sanzman pirman administratif nou pe sanz sa *post* Direkter pou fer li vin *CEO* ki pli modern e ki pli apropiye dan kalite travay ki sa lorganizasyon pe fer. Alors, i kler poudir nou pou ganny sipor laplipar Manm e mon rekomann sa *Bill* pou laprouvasyon. Mersi.

MR SPEAKER

Mersi. Mon ava apel Manm pou vot lo *Bill* prezan. Manm ki vot an faver dan *Second Reading* lev lanmen silvouple? Mersi, tou Manm in vote, okenn Manm in vot kont? Non.

Lo *general merit Public Procurement (Amendment) Bill* 2025, 27 Manm in vot pour, 0 kont i annan 1 Manm ki'n *abstain*. Donk, sa *Bill* in aprouve dan *Second Reading* e Madanm Clerk a fer *Second Reading*.

MADAM CLERK

Mersi Mr Speaker. *A Bill for an Act to amend the Public*

Procurement (Amendment) Act.
Mersi Mr Speaker.

MR SPEAKER

Mersi. Onorab Hoareau, vi ki ou'n endike ki napa *amendment* nou aprezan pran, mon a bezwen demann ou pou repet ou Mosyon pou *skip Committee Stage*.

HON JOHN HOAREAU

Mesi Mr Speaker. Mr Speaker, mon pe demann ou ... anba 97 (1) ki ou *suspend Order 70* ki anmenn nou dan Komite, ki Staz Komite i ava ganny sote ki nou ava pran en *Third Reading*. Mersi.

MR SPEAKER

Mersi. Mon ava ganny segonnman pou sa Mosyon? Onorab Esparon.

HON REGINA ESPARON

Mersi Mr Speaker. *Motion seconded*.

MR SPEAKER

Mersi. Manm a vot lo sa Mosyon. Manm ki an faver lev lanmen. Byen. Manm ki vot kont? Mersi, napa personn ki vot kont?

Lo Mosyon pou *skip Committee Stage* lo *Public Procurement (Amendment) Bill, 2025* 19 Manm in vot pour, 0 kont, 8 in *abstain* sa Mosyon in aprouve par Lasanble e nou

kapab prosed avek vot- avek *Third Reading Bill*.

HON BERNARD GEORGES

Mersi Mr Speaker. Mr Speaker, anba *Order 76*, mon *move* ki the *Public Procurement (Amendment) Bill* as not amended i ganny lir en Trwazyenm Fwa. Mersi.

MR SPEAKER

Mersi. Nou a ganny segonnman. Onorab sandy Arissol.

HON SANDY ARISSOL

Mersi Mr Speaker. Mosyon Onorab Georges i ganny segonde. Mersi.

MR SPEAKER

Mersi. Manm a vot lo *Bill* dan *Third Reading*, Manm ki an faver lev lanmen. *Thank you*, Manm ki vot kont?

Lo *Formal Third Reading Public Procurement (Amendment) Bill, 2025*, 27 Manm in vot pour, 0 kont, 0 abstansyon. *Bill* in aprouve dan *Third Reading* e Madanm Clerk a fer *Formal Third Reading*.

MADAM CLERK

Mersi Mr Speaker. *This Act may be cited as a Public Procurement (Amendment) Act, 2025*. Mersi Mr Speaker.

MR SPEAKER

Mersi. *Bill is passed.* Mersi. Byen, be mon pou remersye Mr Patrick Payet avek Mr Rao. E mon a swet zot bon depar. Mon pa war zot lo lalis pou bann *Bills* ki reste, me selman permet mon konsilte avek Clerk lekel *Bill* ki nou kapab pran si i annan delegasyon ki'n pare. Mersi.

Bon, mon ganny enformen ki delegasyon pou nou pran *Seychelles Pension Fund (Amendment) Bill* i deza sirplas, alor nou a demann Madanm Raporter pou apel delegasyon pou zwenn Vis-Prezidan pou nou konsider sa *Bill*.

Alor, mon dir bonzour e swet labyenveni Mrs Shella Mohideen *Chairperson, Seychelles Pension Fund*, Ms Nisreen Abdul Majid *CEO Seychelles Pension Fund*, e akote nou annan Mr Jeffrey Moses *Chief Pension Administrator* e Ms Evelina Antha *Chief Risk & Policy Seychelles Pension Fund*.

Mersi pou zot prezans. Nou a pran *Second Reading* lo sa *Bill* e mon a demann Mosyon pou *Second Reading*. Onorab Georges.

HON BERNARD GEORGES

Mersi Mr Speaker. Mr Speaker, mon oule *welcome* sanzman dan delegasyon bomaten. E anba *order* 69 (2) mon *move* ki *the Seychelles*

Pension Fund (Amendment) Bill, 2025 i ganny lir en Dezyenm Fwa. Mersi.

MR SPEAKER

Mersi. Mon a ganny segonman pou Mosyon. Onorab Esparon.

HON REGINA ESPARON

Mersi Mr Speaker. *Motion Seconded.*

MR SPEAKER

Thank you. Vis-Prezidan, nou ava apel ou pou fer prezantasyon sa *Bill*.

VICE-PRESIDENT AHMED AFIF

Mersi bokou Mr Speaker. Bonzour ankor enn fwa Mr Speaker, *Leader* Biznes Gouvernman, tou bann Manm Onorab e tou dimoun a lekout.

Mr Speaker, sa Prozedlwa dan Lalwa Fon Pansyon 2025 pe propoz 2 reform enportan. Premyerman i pe entrodwir sa sanzman dan terminoloji ek lapros, par ranplas pansyon retret ki egziste avek sa ki pou aprezan ganny rekonnet koman laz pansyon.

Sa pa zis en sanzman non me i reflekte en nouvo realite. En kot bann Manm ki ariv lo laz pansyon preskri i kapab aprezan swazir pou komans resevwar zot pansyon an menm tan ki zot kontinyen reste dan en lanplwa. I pou

permet bann Manm par lao laz retret resevwar en pansyon me si zot ankor dan en lanplwa. E zot in fer nouvo kontribisyon i nesese pou permet zot kalifye pou en pansyon.

Mr Speaker, sa reform i rekonnet rol aktiv ki bokou nou bann sitwayen pli aze i mentenir dan zot landrwa travay, zot partisipasyon dan lafors travay menm apre ki zot in ariv zot laz pansyon. I osi donn zot pouvwar avek swa ek fleksibilite pou pran zot retret konpletman oubyen pou kontinyen kontribye dan lasosyete ek lekonomi an menm tan ki zot ganny akse avek bann benefis ki zot in travay dir pou gannye pandan zot lavi.

Avek sa lamannman nou bi i osi pou ankouraz bann manm ou vin pli konsyan e proaktiv lo zot kontribisyon pansyon e pou asire ki bann endividi i konpran lenportans pou planifye pou zot lavenir e pran en rol pli aktiv dan zot parkour pansyon. E an menm tan sa reform i entrodwir plis egalite e fleksibilite dan sistenm.

Aktyelman, i annan serten endividi ki fason travay oubyen ki komans travay en pe pli tar dan son lavi. Par egzantp en dimoun ki'n komans kontribye a laz 56 an i kapab li i napa ase letan pou satisfere bann kriter ki an plas,

tel ki fer 10 an kontribisyon kontinyel, oubyen 20 an kontribisyon total.

Sa i vedir ki malgre en manm in fer bann peyman konsistan dan bann lannen avan retret zot ti kapab pa ganny zot benefis pansyon konplet ki zot pa'n reisir kalifye anba sa peryod letan ki'n ganny preskrir dan legzanp ki mon'n donner 10an travay oubyen 20 an total.

An adreesan sa bann disparite, sa lamannman i kre en sistenm pli enkliziv enn ki rekonnet divers lanplwa e sikonstans lavi pou nou bann manm ki swa en dimoun tanporerman termin son lanplwa formel pou elve en fanmir, in retournen sorti en travay aletranze oubyen in zwenn lafors travay formel pli tar dan son lavi. Zot devret ankor annan en loportinite ekitab pou kalifye pou en pansyon.

Mr Speaker, i enportan pou enportan pou osi note ki laz retret i reste 65an e opsyon pou en manm pran retret boner *early retirement* apartir laz 60 an a en pansyon redwir i reste touzour aplikab parey i ete dan Lalwa aktyel.

Par fer li posib pou manm resevwar zot pansyon e kontinyen travay, nou pe moderniz nou sistenm pou reflekte nouvo stil lavi e kondisyon ekonomik. I en

lapros pli enklizif, pratik e ki don plis pouvwar bann dimoun lo zot retret.

Dezyenmman Mr Speaker, sa Prozedlwa i amelyor pansyon pou lenkapasite, en mekaniz proteksyon sosyal vreman enportan ki'n ganny konsevwar pou adres bezwen bann manm ki pa ankor ariv laz pansyon, me ki pa kapab kontinyen travay aköz serten enkapasite.

Anba sa provizyon en manm i kapab kalifye pou en pansyon lenkapasite si i ganny evalye par *Functional Capacity Assessment Board* koman annan en dezabilite fizik oubyen mantal ki sifizaman restrikte zot abilite pou travay. E si zot enkapab pou en peryod *minimum* 1an, pli enportan sa i an konformite avek definisyon klasifikasyon ki ganny etabli anba Lalwa *Functional Capacity Assessment Board*.

Pou kapab kalifye pou sa pansyon lenkapasite, sa manm i bezwen zwenn menm limit kontribisyon ki aplik pou laz pansyon. Setadir, *minimum* 10an kontribisyon kontinyel, oubyen an total 20an kontribisyon dan fon oubyen son bann *scheme* predeser.

Pou bann Manm i pa zwenn sa bann limit kalifikasyon, me ki ankor ganny determinen koman

enkapab pou travay? Lalwa i fer provizyon pou zot ganny ranbourse zot bann kontribisyon volonter e mandatwar avek lentere.

Mr Speaker, pansyon lenkapasite pe reflekte en lapros konpasyon, zis e striktire anver dezabilite e lenkapasite dan travay. I rekonnet ki bann endividi i kapab ganny forse pou sorti dan lafors travay avan zot ariv zot laz pansyon pou rezon medikal oubyen fizik. E i donn en mezir stabilite e dinyite pou sa bann endividi.

Mr Speaker, avek sa lesplikasyon mon prezant sa Prozedlwa avek Lasanble Nasyonal pou zot laprouvasyon. Mersi bokou Mr Speaker.

MR SPEAKER

Mersi Vis-Prezidan pou ou prezantasyon. *Bill* i devan Lasanble prenon pou deva. Nou a pran entervansyon Manm, Onorab John Hoareau i komanse.

HON JOHN HOAREAU

Mersi Mr Speaker. Ankor enn fwa bonzour tou dimoun ki a lekout. Mr Speaker, pou mwan ler mon pe get sa *Bill* ki devan nou i en *Bill* ki pe koriz 2 lenzistis, premye lenzistis ki i pe korize se: -

Ozordi zour, ler en dimoun i ganny 65 an, si i pe travay prive oubyen i pe travay pou li menm parey nou dir i kapab kontinyen travay me an menm tan i kapab retir en pansyon.

Me tandis ki en dimoun ki pe- ki annan 65 an ki travay avek Gouvernman ozordi i ganny demande pou li swa *resign* pou li ganny son pansyon oubyen swa si i oule reste dan son travay i santi i ankor kapab donner, i ganny, osi pa pou ganny sa pansyon ki i sipoze pe gannye sa laz.

Alor, i annan en disparite la deswit ki ou kapab konstate ki fer ki sa lenzistis i pe ganny korize par sa Lalwa ozordi zour.

Mr Speaker, mon pou pran 3 legzanp. Mon a pran legzanp en Ziz, i en profesyonnel ki a son laz 65 an- i annan en *security of tenure* ki i kapab travay ziske 70an. Alor ki dan son laz 65 an i ankor *still* kapab travay par Lalwa, me selman i osi kalifye pou li kapab ganny en pansyon. Me akòz sa dimoun pa kapab retir son pansyon?

Akòz in *meet* bann kriter ki fer li kalifye zisteman parey nenport ki lezot dimoun ki ariv 65 an pou li kapab ganny sa pansyon. Alor, i annan en keksoz ki pa zis la.

Dezyenmman Mr Speaker, ler ou get bann

dimoun parey bann Dokter, bann *surgeon*, bann enzenyer, a laz 65an zot in akimil sitan bokou leksperyans en *skillset* enorm e pou ou donn zot sa lopsyon pou zot kite travay pou al prive oubyen pou zot kite travay pou antre dan en retret *prematurely* akòz zot, pa'n tro, tro anvi fer ki Gouvernman li menm i perdi sa *skillset* ki sa dimoun i annan.

Akòz ler ou pe get en dimoun parey en *surgeon* dan sa laz koumsa in ariv *on top of* son *game* parey nou dir i annan ase leksperyans pou li pas- kontinyen deservi piblik e dezyenmman avek en o nivo konpetans e osi dezyenmman pou li kapab pe donn sa lenstriksyon bann ki pli zenn bann zenn dokter ki pe aprann anba son direksyon.

Alor Mr Speaker, mon war poudir sa i en keksoz ki bon i en keksoz ki mars dan bon direksyon e osi i en keksoz ki pou fer i nou *pool* travayer pou kapab annan sa kontinite en pti pe pou annan sa pli bon tranzisyon ant sa ki vye e sa bann ki pe pran la relev.

Esansyelman sa Lalwa i vin en Lalwa ki pou en pti pe an retrospektiv, savedir pou ou komans - annefe i pou pran lefe depi 1er Zanvye 2025, setadir sa bann dimoun i ganny afekte parey si i pou bezwen ganny li en

reazisteman en *back pay* pou sa.

E Mr Speaker, nou'n fer sa kestyon avek Fon Pansyon nou'n dir be konbyen dimoun zisteman ki pe ganny afekte par sa bann sanzman. E nou'n ganny asire ki i annan apepre 58 dimoun ki pou tonm dan sa kategori e osi *according to bann actuarial studies* ki'n ganny fer, sa lefe ki sa 58 dimoun pou tonm dan sa kategori pa pou afekte vreman soutenabilite Fon Pansyon.

Alor, mon krwar poudir si nou'n ganny sa lasistans poudir sa bann keksoz pe ganny gete de pre, i napa okenn lefe advers lo nou Fon Pansyon, mon krwar poudir nou kapab viv avek.

Mr Speaker, dezyenm keksoz enportan ki sa *Bill* pe anmennen se ki i pe donn si oule sa *capacity benefit* pou bann dimoun ki dezormen i ganny kalifye koman *moderate functional restrictions*. Si nou get dan Lalwa Sekirite Sosyal, bann dimoun ki ganny *moderate functional restrictions* i kapab *draw* zot pansyon avek Gouvènmman *earlier*. Ok pou sa rezon.

Me anba Fon Pansyon sa pa ti leka, alor ankor sa pe koriz sa lenzistis e pe met li anliny ki sa 2 Lalwa i vin koeran ki sa 2 Lalwa i vin konsistans avek kanmarad.

I fer ki ozordi zour en dimoun ki ganny kanser par egzanp ki ganny konsidere anba *moderate functional restriction* i kapab ganny en pansyon prematire akòz son konsiny maladi, akòz nou konnen poudir en dimoun ki ganny konsern i pa en *death sentence* dan plizyer ka i kapab ganny sonnyen si i ganny detekte boner.

Me i annan osi bokou ka ki zot annan en serten dele letan lavi pou zot viv, alor, i fer sans ki zot kapab *withdraw* sa *pension* zot bann benefis ki zot, zot in kontribye petet pandan sa bann letan ki zot pe viv pou zot kapab *alleviate* en pti pe zot sityasyon lavi, zot bezwen medikal ensidswit.

Akòz nou konnen poudir sa bann keksoz souvandfwa i kout ser ler en dimoun i bezwen deplase pou li al fer *radio therapy*, kekfwà dan Lenn oubyen dan bann, oubyen *Sri Lanka* oubyen dan bann lezot pei kot zot ale.

Alor i an en kou ki al avek e ki souvandfwa menm si Gouvènmman i ede 90 pousan me selman i annan sa pti 10 pousan ki fanmir i bezwen annan pou li kontribye pou fer siny ki sa dimoun i kapab pas en bon sezour dan son tretman e i kapab annan enn son pres avek li osi pou kapab donn li sa sipor moral, sa sipor pou li kapab fer pli vit.

Mr Speaker, mon oule osi profit sa loportinite pou dir sa size Fon Pansyon in enn ki in otour bokou polemik dan lepase aköz sa zafer laz, me nou, nou reste lo sa kote latab nou reste konfidan e nou reste dan konfyans ki bann letid ki'n ganny fer par bann *actuaries* i montre poudir ki nou o on i pli en pansyon a laz 63 an parey i ete i pa pou soutenab.

Alor, nou pa oule antre dan sa konversyon ankor, e sa bann konversasyon in ganny fer plizyer fwa e nou asire ki direksyon i nou Fon Pansyon pe pran i en ki pou premyerman reste soutenab e kontinyen delivre avek sa pep. Mr Speaker, avek sa mon a remersye ou. Mersi.

MR SPEAKER

Mersi Onorab. Laparol pou Onorab Romain.

HON GEORGES ROMAIN

Mersi Mr Speaker. VP, bonzour avek ou *panel* e tou koleg Onorab e tou dimoun a lekout bonzour.

Mr Speaker, sa Mosyon-sa Lalwa- (pardon)- mon pou donn tou mon sipor sa Lalwa aköz premyerman mon santi ki sa Lalwa depi lontan kekfw ti'n merit vi devan Lasanble, aköz enn mwan mon pa ti ankor ni vin en Manm Lasanble, dan mon travay

avan i annan plizyer dimoun ki'n vin devan mwan ki ti ankor for ki dir i ti a kontan kontinyen travay. I annan ki ti pe menm par lao 65 an sa letan ti 63 an, me zot ti'n deza fini par lao 65 an.

Aküz mon santi Mr Speaker, ozordi nou Seselwa pe viv bokou pli lontan e ler ou regarde Seselwa ozordi ler ou war li en serten laz menm ou ti krwar i bokou pli zenn. Aküz i pe byen mentenir son lasante e i pe viv pli bokou letan byensir e alors i kapab kontinyen kontribye dan son pei.

An plis ki sa Mr Speaker, mwan menm mwan, mon'n fer mon'n rankontre detrwa sityasyon kot bann paran sirtou bann manman kot zot annan en zanfàn ki dezabilite kot lakour ki parey ou dir otreman kapab ki zot bezwen en *carer* e sa bann dimoun byensir zot ti pe anploye e zot zanfàn ti annan en lot *carer* ki ti pe asiste zot.

Me byensir ler zot koste sa laz 63 an at *that time* sa letan pase ki la i 65 an, zot ti anvi aköz zot ankor for zot ti anvi vin *carer* zot zanfàn. Aküz mwan pou mwan sa mon santi sa i ti pou meyer ki manman ki okip son zanfàn kot lakour e ti annan enn de ka ki mon'n met devan Gouvernman.

E sa bann dimoun in gannyen aksepte byensir zot

pa ti ankor, sa letan ti parey mon dir ti 63 an. Avan sa ler nou'n- mon'n deza koz avek enn de lezot dimoun dan lepase. E an vi ki la nou pe koz laz i 65 an e sa dimoun si i an bonn sante i a kapab kontinyen byensir. E mon krwar sa i pou rezonn byen dan zorey bann paran kot lakour i okip zot zanfan byensir aköz bokou zot i ankor for parey mon dir Mr Speaker.

E pou mwan osi ler mon get sa Lalwa, ozordi bokou nou bann dimoun aze ki pe vremen pe okip zot lakour ki zot bann zanfan i ankor en bann i ankor en pe ptipti, zot ankor pe al leköl e alor zot pe depan lo zot paran ki byensir kekfwa selon laz pe aproz.

E si zot ankor for byensir Mr Speaker, zot ava kapab kontinyen travay zot ava kapab kontinyen okip zot lakour, e sa i en lot fason ki i ava ede kontinyen anmenn en reveni dan lakour. Aköz an plis ki sa, zot pou kapab ganny zot pansyon sa i tre byen e an menm tan zot saler.

E parey mon koleg Onorab Hoareau in touse mon osi mon ti anvi e en pti mansyon lo la, pli bokou sa bann dimoun aze ozordi Mr Speaker, zot vremen bokou, i vremen serye dan sa bann pozisyon kot zot pe travay zot annan en kantite responsabilite e zot in ganny

bokou leksperyans dan zot travay e byensir zot pe pas zot leksperyans avek nou bann zenn.

E alors, si letan zot ti pou ariv en serten laz 65 an zot ti pou bezwen war zot aret travay kekfwa i ti pou en pe difisil parey mon koleg in dir pou bous sa trou aköz byensir zot, zot ti annan bokou leksperyans. E alors i byen si zot kapab kontinyen travay lasante i permet zot, pas sa leksperyans, pa bezwen *rush* pou pas sa leksperyans avek zot lezot koleg travay, zot a kapab fer dan en fason vremen byen ki sa bann zenn ki pe swiv dan zot lepa i a kapab aprann pli byen.

E alors Mr Speaker, parey mon pe dir mwan mon war sa Lalwa i vremen en bon Lalwa. E ler mon regarde bokou dan sa Lasanble in deza ganny dir dan lepase ki met plis larzan dan pos Seselwa e mwan mon santi sa Lalwa i pe ede pou met plis larzan dan pos Seselwa, aköz Seselwa ki ankor for ki ankor kapab travay menm in ariv 65 an si i oule arete e pran son pansyon i lib pou li fer li.

Byensir si i santi i anvi kontinyen i a kapab kontinyen i a ganny son saler, menm i pou ganny son pansyon parey mon'n deza dir. E sa i en lot form i sa Gouvernman LDS ki pe fer pou met plis larzan dan

pos Seselwa e pou mwan sa bann dimoun i ava kontinyen kapab viv dan en lavi vreman avek dinyite ki nou pa bezwen devwar zot pe tay kot parey nou dir kot ASP kot pe rod benefis pou zot kapab sonny zot fanmir.

E sa i en lot form ki byen sir ki zot a kapab anmenn plis reveni dan lakour byensir si ou lasante i permet. Alors, Mr Speaker, mon pa war vreman bokou pou dir lo sa Lalwa ki vreman enn ki vreman pozitiv i vreman bon Lalwa e mon espere Seselwa la deor pe pran li dan en fason vreman pozitiv. Mersi Mr Speaker.

MR SPEAKER

Mersi Onorab. Laparol pou Onorab Naidu.

HON SATHYA NAIDU

Bonzour Mr Speaker. Bonzour VP ek ou delegasyon. Zisteman, Prozedlwa ki devan nou ozordi i tous en kous nou popilasyon ki en bon pe zot, zot ankor pe travay e zot ti a voudre kontinyen travay a resevwar zot benefis ki zot merite.

Zisteman bann lamannman ki'n vin nou pe promouvwar egalite, e i pe promouvwar enklisivite, e pe promouvwar en Fon Pansyon ki pou osi soutenab par atraver bann desizyon ki ganny pran ki pli tar i pou

kout nou ser me plito bann desizyon ki pridan.

Mon panse in bezwen annan travay ki'n ganny fer vizavi bann analiz a sa ki konsern bann manm ki pe kontribye e osi bann defi ki bann manm mon panse in bezwen egalman soumet avek Fon Pansyon.

Akoz mwan, si ti annan en *Private Members Bill* mon ti pou anmennen, i ti pou vize ver sa size zisteman ki la kot enn mon zabitan i ti pe travay i ti pe resevwar son saler e apre saler atraver Gouvernman, e pli tar i ti'n ariv son laz pasyon e i ti pe menm resevwar son pansyon.

E alors lo laspe finansyel *it wasn't picked up* le moman odit in realize poudir i annan en problem, zot, zot i met devan en pwen poudir i bezwen aret travay ouswa i bezwen lo kote son pansyon i pa *draw* son pansyon e i bezwen pran en swa ant sa 2, swa i aret travay ouswa i pou resevwar en saler zisteman ki sorti dan son lanplwa e non pa Fon Pansyon.

E alors sa i en lenzistis dan en serten sans pou mwan, espesyalman ler en dimoun in fini ariv sa laz ki i merit arive e byensir ozordi nou pe koriz en lenzistis dan en serten sans e nou pe bouz ver modernite dan en serten sans osi egalman Onorab Romain in fer

resorti poudir dimoun pe viv pli lontan e zisteman laz pansyon ganny revwar.

E alors dan en tel konteks mon panse ki ler en dimoun in fer son kontribisyon ziska sa tenm ki i merit fer, sa se laz 65 an, e ozordi mou konnen poudir pansyon en dimoun i kapab pran menm a laz 60 an *but it comes on a sliding scale*, prenon kont sityasyon Fon Pansyon li menm li.

E zisteman, an relasyon avek sa lot kriter ki permet en dimoun pou osi resevwar en benefis apre 20 an *aggregate* i fer ki nou pe koriz en lot lenzistis dan en serten sans. Akoz in annan pa mal dimoun osi ki'n eksprim serten konsern vizavi sa pwen ki la, e mon apresye pou dir ki ozordi atraver lamannman ki'n ganny propoze sa osi pe ganny pran kont.

E zisteman an zeneral ler nou pe regar standar lavi, ler en dimoun i ganny sans pou kontinyen travay e i resevwar son pansyon, son standar lavi i pou amelyore.

E i kapab fer bokou plis ki li byensir sa enn ki'n travay ki fer son kontribisyon pou pei e pou son fanmir egalman i kapab ganny sa lavansman pou li kapab leksperyans en standar lavi ki pli meyer posibil espesyalman ler zot in ariv sa laz ki zot ete.

E an zeneral, mwan mon vremen apresye travay ki pe ganny fer, vizavi Fon Pansyon i annan bann batiman *Pirates Arms Complex* nou war poudir i annan travay ki pe ganny fer apre plizyer lannen ki en tel proze in ganny koz lo la, ozordi nou war anba *leadership CEO* ek son lekip an antye nou war en mouvman lo *site* e sa i en keksoz ki pozitiv.

Wi, dan lepase in osi annan serten lenvestisman ki'n ganny fer, e nou tou nou konn listwar mannyer keksoz in marse. Me ozordi nou konnen tousala i pe ganny plase anba mikroskop pou asire ki tou bann lenvestisman ki'n ganny fer lo lapar bann manm i bann lenvestisman ki soutenab.

E wi, Mr Speaker, i annan gran posibilite *hopefully* lot kote latab *proves me wrong*, me nou konnen poudir sa size laz pansyon ou kapab pran a laz pli boner ensidswit i en size ki *populist*, i en size ki bokou politik in ganny fer lo la selman ozordi lemonn an antye e Lepep Seselwa i swiv nouvel.

Nou tou nou war tanzantan kot bann pei pli avanse bann pei ki annan bokou plis resours natirel ouswa lekonomi ki sitan for, rezilyan ki pou nou, i pe fer bann lamannman dan zot Fon Pansyon ki fer ki bann dimoun

ki ler zot pou bezwen retir sa benefis zot bezwen fer li a en laz bokou pli o.

E i annan bann lanons ki'n ganny fer, nou'n war tou resaman ki al ziska 72 an dan bann pei, sa i akòz lemonn antye direksyon ki pe ale i fer ki dimoun i viv pli lontan e wi, mon panse lo kote kontribisyon dan nou konteks Sesel in reste en pwen konserne ki mannyer eski sektè enformel nou pou kapab ankadre zot.

Ki mannyer eski nou pou osi ankouraz kontribisyon volonter sa i en pwen ki bokou dimoun mon panse a en serten pwen dan zot lavi zot pa ti'n realize, espesyalman bann manm. I annan serten manm dan Fon Pansyon ki'n dir si mon ti konnen mon ti pe fer en kontribisyon volonter, mon ti pou ganny rann an term benefis mon ti pou'n fer li lontan.

E i annan en group dimoun ki malerezman pa ti'n ganny enformen poudir ki *there is this benefit* e mon santi ki Fon Pansyon in met pa mal lanfaz lo sa size ki la. E i enportan pou tou bann manm ki la deor i reflesir ki sa pwen ki la. E osi egalman rekonnet poudir ler mon pe fer en kontribisyon volonter i en kontribisyon ver mwan menm pli tar dan mon lavi mon pou kapab ganny bokou plis

prosperite ver sa kontribisyon ki mon fer.

E parey mon'n dir, i annan bann desizyon ki'n bezwen ganny pran, desizyon ki bann rapor *actuary* in montre ki nou bezwen pran. E alors parey Onorab John in fer resorti si sa desizyon ki pe ganny pran ozordi napa en lenpak negativ. Mwan avek tou bann pwen ki mon fek fer resorti mon pou lev mon lanmen anler pou donn zot sa sipor pou fer sir ki sa Lalwa i vin an fors. Mersi.

MR SPEAKER

Mersi Onorab. Avan mon pran lot entervenans permet mwan dir bonzour e byenveni Ms Vania Marimba ki *Legal Draftsperson* dan *AG's Office* ki'n zwenn nou pandan deba. Onorab Roucou ou annan laparol.

HON MICHEL ROUCOU

Bonzour Mr Speaker. Bonzour Vis-Prezidan ansanm *CEO* avek bann zofisye sorti kot *Pension Fund*, avek bann lezot zofisye ki la avek nou. E bonzour spesyal bann zabitan Mont Fleuri.

Mon oule dir en bonzour spesyal enn mon ansyen koleg Ms Antat ki ti ek mwan kot *PMC*.

Mr Speaker, annefe sa Prozedlwa ki'n ganny anmennen devan nou parey

mon bann koleg ki'n dir avan i en bon *Bill* ki'n ganny anmennen, e mwan mon panse poudir se ki dan sa transformasyon ki *Pension Fund* pe fer se ki i pe asize ansanm avek Gouvernman zot pe ekout en pti pe zot bann kliyan.

Mon panse poudir *Pension Fund* i kapab koriz mwan, pli tar se ki zot in ekout en pti pe bann kliyan ki vin kot zot aköz nou konnen poudir a laz ki bann dimoun ki ti pe pran zot retret li menm li, i annan bokou dimoun ki ti ankör kapab donnen.

E mwan dan mon distrik mon zwenn bokou mon bann zabitan ki apre ler zot in ariv lo sa laz zot in vin zot mwan zot in dir mon zot ankör *still* anvi donnen, be selman anba Lalwa i pa ti pe permet zot.

Be la avek sa Lalwa ki pe ganny anmennen la, nou konnen poudir i pou annan bokou bann ki petet oparavan. Avan sa Lalwa i vini ki zot, zot ti deza antre dan sa staz pansyon li menm li ki zot pou anvi retourn dan lanplwa. Aköz zot santi ki zot kapab donnen- ankör kapab donnen.

Zis parey bann *teachers* li menm li, ozordi nou annan en mankman en pti pe lo kote *teachers*, e nou konnen poudir apre ki- avan ki sa Lalwa pou 65 an ti pe ganny mete i annan

bokou zot ki ti pe pran zot retret boner.

E petet avek sa nouvo Prozedlwa ki'n vini la, i ava ankörz bokou zot ankör pou zot kapab retournen, pou zot kapab vin donnen e ed bann Minister li menm li kot nou war poudir i annan sa demann.

Mr Speaker, zis pare lo kote carer li menm li, ozordi *carer* i pe dir ou poudir ou bezwen annan en serten laz ki ou pou kapab donn sa servis aköz ou bezwen ou bezwen en dimoun ki kapab annan sa potansyel li menm li, pou kapab get bann dimoun ki ou pe ede.

E nou war poudir i annan zot avek mankman dan sa domenn osi tou, i annan bann dimoun ki ti pe eksprimen zis parey dan mon distrik Mr Payet, ki li i pe okip son frer, i ti war poudir konmela ou pa kapab zis vini anmenn nenport ki dimoun dan ou lakour e i annan sa mankman e li i ti war poudir i ankör kapab donnen.

E la anba sa Prozedlwa la e mon sir poudir Mr Payet i kapab ede ladan pou li kapab kontinyen dan plas i pe mazine demen si i pou ganny fer arete donn- fer sa louvraz li menm li. E osi Mr Speaker, ler nou get anba sa Prozedlwa, i pe anmenn bokou plis finansman dan pos sa

dimoun, sa endividi li menm li, e i benefisye ladan.

E mon panse poudir avek bann travay ki Gouvernman li menm li i pe fer, i pe ekout Lepep Seselwa deor e *Pension Fund* li menm li bann ki zot menm zot pe annan en lizye pou zot vwar lo ki direksyon ki demen *Pension Fund* i kapab kontinyen la pou li kapab soutenir nou bann pansyoner, mon mazin poudir avek sa.

Be selman lo finisyon taler ler VP i pou adres Lasanble pou reponn, si i kapab dir nou dan bann travay ki zot in fer Minister Finans ansanm avek bann zofisye kot *Pension Fund* ler zot in fer sa travay pou anglob lo tousala pou sa Prozedlwa ki manner *Pension Fund* li menm li i war sa benefis?

Eski i pou ed zot plis a lonterm li menm li, ki demen zot pa war zot dan en pozisyon ankor kot ou pou bezwen revwar ankor laz pansyon e sa pou ede kot nou pou annan plis dimoun dan lanplwa aprezan e osi Mr Speaker, pou ankouraz plis bann ki ozordi zot pa pe pey en pansyon.

Bann ki pa pe pey en pansyon li menm li ozordi, eski pou annan en travay la aprezan ki ler zot a war dan sa bann transformasyon ki *Pension Fund* pe anmenn pou zot- pou ankouraz zot pou zot osi demen pey zot pansyon.

Akoz mon konnen poudir aprezan bann doker zot annan en travay ki'n ganny fer poudir demen zot kapab ganny en pansyon zot osi, e osi i annan bann drayver taksi li menm li, bann peser tousala osi zot pe pey en pansyon ki demen zot pa ava war zot dan en pozisyon li menm li kot zot, zot napa en pansyon parey nou tou nou pou benefisye.

E mwan mon krwar Mr Speaker, avek sa Prozedlwa ki in ganny anmenn devan nou i ti vremen enportan. Akoz sa i pou ede demen kot nou war bokou plis dimoun li menm li kot zot pou annan plis opsyon, plis opsyon, aköz i annan bann ki'n deza parey mon'n dir ou oparavan ki zot, zot ti'n deza fini pran zot *retirement* kot la aprezan zot kapab retournen pou zot kapab donn en pti pe plis.

Akoz nou war poudir ozordi dan lemonn lanplwa, in montre poudir se ki i manke bann dimoun ki annan sa leksperyans pou li kapab gid bann zenn ki ozordi pe mazin pou zot antre dan lemonn lanplwa.

Mr Speaker, avek sa 2 mo, mon pou donn mon sipor VP avek sa. Si ou kapab zis taler ler ou pe *wrap up* si ou kapab tous enn de bann pti pwen ki mon'n met devan zis pou li eklersi.

E mon panse poudir *Pension Fund* avek sa Prozedlwa la zot pou bezwen aprezan retourn anver piblik li menm li pou kapab donn zot en pti pe plis leksplikasyon lo la- ki mannyer sa, espesyalman bann ki avan sa Lalwa i vini ki zot, zot ti'n fini antre dan zot *retirement*. Mersi.

MR SPEAKER

Mersi Onorab. Onorab Loze, ou annan laparol.

HON JOHAN LOZE

Mersi Mr Speaker. Mr Speaker, pou komanse keksoz i mwan mon oule dir se ki nou lo sa kote sa latap i napa size ki tabou, napa konversasyon ki tabou, napa konversasyon ki'n fini fer, frenmen, take dan en bwat kot nou pa pou koz ankore lo la, parey in ganny dir la bomaten.

Kot i konsern byennet, benefis sa pep ki apel Seselwa, nou pou fer tou konversasyon i annan pou fer, nou pou eklersi tou size e nou pou egzamin tou bann pwennvi ki ganny met lo latap devan nou.

Mr Speaker, en premye keksoz mon krwar nou bezwen dir lo pansyon se ki Onorab Naidu in annan rezon letan in dir ki kontribisyon volonter ki mon fer i vin pou mwan. E sa i tou kontribyab, ou

kontribisyon volonter ki ou fer i vin pou ou.

Be selman mon zis anvi elabor en pti pe lo sa ki Onorab Naidu in dir, tou kontribisyon ki ou fer vizavi ou pansyon i vin pou ou menm. E mon oule dir sa Mr Speaker, aköz ozordi 2025 nou ankore annan dimoun Sesel ki tant pou krwar ki pansyon i parey *tax*, en larzan ki pe ganny tire lo mwan.

Letan mon get mon saler larzan ki'n ganny tire, pansyon pa ganny tire lo ou, pansyon ou larzan sa, ou *savings* pe ganny investir lo ou *behalf*. Person pa'n tir naryen lo ou, pansyon i pa en net *deficit* sa.

E mon krwar nou bezwen nou koman Manm Lasanble Nasyonal servi plis sa pipit ki nou gannye pou nou koze pou edik dimoun en pe dan sa sans aköz i enportan sa bout ki nou pep i konpran. Ou kontribisyon pansyon i en lenvestisman dan ou prop lekor. I pa en larzan ki'n ganny tire lo ou. Sa i mon premye pwen ki mon ti oule fer Mr Speaker.

Dezyenm pwen, mon oule tous lo la se ki sa- mon'n tann Vis-Prezidan letan in koze in nonm kondisyon mantal mon krwar, fizik ou mantal, ki ganny anmase dan en kapasite. Zisteman, sa ti en konversasyon ki mon ti pe fer

resaman avek Ms Abdul Majid akòz ler mwan mon ti pe lir lo zit *website* mon'n war zis *disease, sickness*, aksidan fizik mon krwar, prezan mon ti pe poz li sa kestyon lo *mental health incapacity*.

E si ti pou annan nesesite ouswa non pou evantyelman ki nou amann Lalwa pou fer sa bout kler ladan ouswa si i ganny kouver anba *sickness, disease then that is fine*. Si nou enterpret e eksepte li koumsa *that is fine*.

Be selman si evantyelman nou pou bezwen *further* moderniz nou Lalwa pou nou okip sa bout byen, klèman pou tou nou dimoun ganny anmase legalman *then* i en konversasyon ki mon krwar nou devret pe komans fer depi la kot nou ete.

Mon lot size ki mon oule touse Mr Speaker, se ki bann lamannman ki devan nou i lo sirfas letan ou gete zot pa move, zot pa mesan. Be selman de fwa letan nou tann serten keksoz ganny dir prezan nou rode be kot sa bann zafer i sorti, par egzantp nou anmenn en lamannman la e legzanp ki ganny donnen se Ziz, enzenyer, sirizyen, dokter.

I byen, zot in *accrue* leksperyans, zot in kapab travay, be lenpresyon i dimoun dir i kapab gannnen se ki nou pe fer en amannman pou *cater* pou bann ki pi anler,

nou pe fer en lamannman pou *cater* pou bann ki pi *elite*, dan lasosyete e ki nou pe kit forseman lezot dimoun ater par sa travay ki nou pe fer ozordi.

I annan, en kantite en kantite *issues* dan nou pei ozordi, en kantite difikilte ki dimoun i pas atraver. E i annan bann pti keksoz ki kapab ganny aranze, ganny fite ganny rekipere akòz nou tant pou kit dimoun deor zot tousel.

I annan dimoun ti pe ganny R500, R500 in arete, in re ganny R500 apre in pran R500 net in donn li R400 prezan zot pe rode oli zot R500, zot *call MNA*, zot al kot ASP, zot al kot *Pension Fund*, dimoun i dous i troun an ron.

Be, benefis ki en dimoun i gannnen ou pa pran, ou pa pran ou pa devret pran ou pa pran zanmen. E la mon pe koz *real life situation* ki dimoun pe pas atraver deor. So, mwan mon koz lo lakoz sa i bann kondisyon bann soufrans, bann difikilte, bann keksoz ki Seselwa pe eksperyanse.

En lot keksoz mon ti a kontan touse Mr Speaker, se ki lannen pase nou'n met en Lalwa an plas *Functional Capacity Assessment Board*. Mon krwar apre ki Lasanble in met li an plas in vin an- mon krwar i vin an aksyon an Septanm si mon pa tronpe so i

pou al ganny lan la mwan prosen.

Prezan i domaz ki nou Lasanble nou pe al fini an Septanm menm, akòz rezon ki mon met sa devan ou Mr Speaker, si sa *Board* in ranplas *Board* Medikal li, si sa *board* ti a posib pou fer Lasanble ganny en rapor zot aktivite pandan sa dernyen 12mwan en fason ki i a permet nou konpran pli byen sa bann size ki nou pe diskite ozordi, ki nou pe dil avek e nou a konpran pli byen kantite dimoun i annan.

Ki zot bann difikilte e ki difikilte administrative ki sa *Board Pension Fund* avek *ASP* zot pe pas atraver fas avek *provide* swen e soutyen sa pep ki apel Seselwa. I enportan pou nou koman sa group lezislater ki pran desizyon dan pei, pou *être* enformen ki nou kapab pran nou desizyon en pe pli byen lo sa bann size sansib ki vin devan nou.

E i annan en Onorab ki'n koz avan mwan in dir i *hope* nou a *prove* li *wrong*, be travay devan nou pe deza *prove* serten pozisyon *wrong*. Akòz enn bann *issues* ki nou'n annan se en fleksibilite, nou pe get pansyon koman en blok keksoz ki in *flexible* pa kapab touse, pa kapab zwe avek nou annan zis en lapros ver li e sa lapros, se sa.

Be la ozordi nou pe fer laprev fleksibilite, ozordi nou pe vin avek *age pension as opposed to retirement pension* ki deza pe montre ou nou pe bouz ver en *tide pension system*. Ki nou a kapab kontinyen *build* lo la, nou a kapab kontinyen evolye lo la. I nepli zis en blok an beton kot personn pa kapab touse *actuary* in vini in gete, gras a *actuary* nou pa kapab fer naryen.

Non, nou koman lezislater nou pa kapab zis kontinyen dir nou pa kapab fer naryen. Nou kapab *at least* poz kestyon, nou kapab *challenge* bann pozisyon ki Gouvernman i anmennen, pa akòz nou anvi *être* difisil, be nou annan en fonksyon reprezantasyon.

E si deor nou pep pe dir nou sa i en pwen konsern, nou reprezante. Nou pa kapab zis reprezant sa ki Gouvernman in dir nou, nou bezwen reprezant sa ki lepep osi pe santi deor. E Mr Speaker, la ki nou pe komans annan bann *tiered pension systems*. Posibleman akfer nou atas *retirement* kole avek *super glue*, *Social Security* ek *Pension Fund* ansanm?

Pension Fund ki annan problemn *actuary*, *Social Security* and *government benefit* li i napa en problemn *actuary*.

So, nou deza pe komans bouz lo *age pension*, i nepli en strikteman *issue retirement pension*, i nepli en *issue retirement age*, sa travay devan nou la ozordi i prouv avek nou ki sa zafer *retirement age* pe komans ganny deleye par Gouvernman li menm.

So, nou kapab parfetman annan *Social Security* a 63 an e ou *Pension Fund benefit* a 65 an, ou benefis son *actuary*. Nou kapab annan *Social Security* a 63 an, aköz nou nepli pe lager *retirement age* la, la nou pe komans koz *age pension*, i nepli *retirement benefit* la.

So sa largiman ki zot pe dir mwan prouv ek zot sa largiman dan laz retret, laz *retirement* ki ti pe kol sa 2 keksoz ansanm, be ler nou entrodwir en *age benefit* osi ou pe dir menm nou ou kontinyen lager? *Retirement age* menm, ouswa nou kapab koman entrodwir fleksibilite fer *Social Security* desann 63 an pou le moman kit *Pension Fund* 65 an.

Mon krwar i posib, i devret posib parske nou pe komans bouz dan sa bann direksyon la, e pou largiman kot zot pe dir nou prouv avek zot, *actuary* in dir sa, *actuary* i – be *actuary* li dan mon *minimum* enkapasite mon osi mon *minimum* kapasite ki mon posede.

Sa ki mon ganny en konpran ki *actuary* i dir li, ou annan ou tan dimoun pe pey pansyon zot dan *workforce* an se moman zot pe pey pansyon pou tan kantite dimoun ki'n *retired*. E, ler ou pe annan plis dimoun i pe *retire* a en pli zenn laz e ou annan ou mwens dimoun dan ou *workforce* alors *actuary* i dir ou, ou fon pa soutenab, be *actuary* li, ki i pe gete li dimoun dan *workforce* ki pe pey pansyon dimoun in *retired*. Zot ava dir mwan si mon mal apre.

Be Mr Speaker, Fon Pansyon i forse pey pansyon zis avek larzan ki kontribyab pe mete pou pey pansyon ouswa li Fon Pansyon i kapab mat li, fer en lenvestisman, aste *shares* ankor dan *SEYBREW*, aste *shares* dan *Nouvobanq*, fer bann bon lenvestisman ki pou aport li rannman ki ava ed li pey sa bann kontribisyon pansyon *going forward* dan le fitir.

Mon pa krwar *actuary* pe anpes li, mon pa krwar *actuary* pe fors li pa fer. Aköz Fon Pansyon li i *hold* en kantite *assets* li, kantite bout later, kantite batiman, *prime real estate* i pe *hold* lo non bann manm e mwan osi mon en manm.

Mwan, mon pa pe kritike selman mon pe zis met bann posibilite devan ki *going forward* annou parey nou pe

entrodwir fleksibilite la annou entrodwir plis fleksibilite annou aret kole avek manm i donn- pe pey 50 sou be resipyan nou pe *pay out* lavalè R1.50 alòrs, forseman nou se solisyon e pou pini resipyan.

Be, bann Manm ki'n koze bomaten in dir zot, dan pei deor ki annan plis resours ki nou pe ariv ziske 72an. Sa i en swa, i en direksyon, akòz la ozordi nou pe koz 72an i pou ale ziske 100 an li pansyon. Pou ariv en staz kot ou pou mor ou pa pou ganny pansyon. Mon konnen mon pe egzazere, mon konnen mon pe al a lekstrenm be selman a i en direksyon.

I direksyon kot pou mon fer Fon Pansyon vin soutenab nou pini resipyan pansyon, be napa lot fason fer, napa lot fason kalkile, napa en lot lapros, napa en lot direksyon kot nou rode ki mannyer nou fer? Nou Fon Pansyon sistenm pansyon vin soutenab san ki nou pini son bann manm.

Mon krwar i bezwen annan en lot direksyon. I demann lavolonte, i demann travay, i demann kontribisyon akòz nou pep i ganny demande pou vin inovativ li. I ganny demande pou li vin rezilyan. Be oli renovasyon- inovasyon dan Fon Pansyon? Zot pa *innovate*?

Be ziska kan zot pou kontinyen dir nou ki dimoun ki dan landrwa travay pe kontribye 50 sou, dimoun ki resipyan pe tous R1.50. Mwan mon annan manm mon fanmir ki'n travay aletranze mwan, e ler in travay aletranze in kontribye pansyon.

In pey pansyon, in fini son travay aletranze in kite, in desann Sesel, be 9 mwan pli tar ki son kontribisyon pansyon, en poursantaz, en poursantaz kontribisyon ki in fer dan Fon Pansyon kot i ti pe travay aletranze 9 mwan pli tar ki e poursantaz son kontribisyon i ganny ranbourse avek li e i antre dan son kont isi Mahe Sesel.

En poursantaz ki vèdir li pandan letan in travay laba li, enn i ti pe ede soutenir Fon Pansyon sa pei kot i ti pe travay, e menm apre ki in kite in ale en poursantaz son kontribisyon in reste laba pou kontinyen soutenir Fon Pansyon sa pei kot i ti pe travay.

I dir mersi in ganny en sans in travay, in devlope, in grandi koman en imen e in kontribye dan sa pei ki'n *heberge* li pou li travay. Be nou, nou pa pe *heberge* etranze travay kot nou, nou? Nou pa pe *heberge* bann dimoun pou vini, travay, grandi, devlop kot zot, mon krwar zot kapab ed nou

soutenir nou Fon Pansyon si nou mazin lo la, nou pous dan sa direksyon.

Mwan mon pa pe fors naryen selman mon'n ganny demande pou prouve ki i annan posibilite i an fason ki mwan mon pa dan en kote ki pe zis fer politik *populist*. Mon pe sey prouve ki i annan lot swa pou Fon Pansyon fer. I annan lot direksyon pou Fon Pansyon pran ki pa zis pini bann kontribyab bann manm Fon Pansyon.

Akoz, sa direksyon ki nou lo la, la, sa semen ki nou pe trase, i pou sorti 65 i pou mont 70 i pou ariv 72 i pou ariv 78. E sa mon pa pe blanm Gouvernman, mon pa pe atak politisyen mon pe zis dir sa swa ki'n ganny fer, sa direksyon ki'n ganny pran.

E, sa i pa en parti politik ouswa en lot parti politik e i pa ni menm sa bann dimoun li la devan. Akoz mon rapel sizyenm Lasanble Fon Pansyon ti fer en prezantasyon kot zot ti'n fini fer sa swa, Onorab *Leader* Lopozisyon ti *attend* sa letan e Prezidan Ramkalawan ozordi e letan i ti sorti sa prezantasyon i ti'n fini konvenki *back then* ki sa i sa bon direksyon.

I pa ti sorti kot Prezidan Ramkalawan sa, i desizyon e swa Fon Pansyon li menm. Prezan mwan mon pe zis poz en kestyon. Eski Fon Pansyon

i kapab mazin en pe pli lwen? I kapab sey eksplor bann lot swa? Bann lot direksyon? Ki i a kapab vin avek en pli bon desizyon ki a benefisye sa pep dan son lantyerite? Mersi Mr Speaker.

MR SPEAKER

Mersi Onorab. Onorab Aglae ou annan laparol.

HON EGBERT AGLAE

Mersi Mr Speaker. Mon a dir bonzour Vis-Prezidan, *Chief Secretary* ek *panel* e bonzour tou dimoun ki a lekout. Mr Speaker, sa *Bill* ek son lamannman ki la devan nou, i enn ki touzour tre en size ki mon krwar tou travayer i konsernen avek.

E me si in en size sa kontansyon lo bann desizyon ki'n ganny pran dan leparse, me selman mwan mon *maintain* e parey lo nivo nou parti ki mon *still* konvenki ki laz Sekirite Sosyal ti merit reste 63 an e ki li Fon Pansyon vi ki i en fon kontribiter in pran li son desizyon pou li reste 65 an i annan son bann rezon e taler mon pou sit enn de keksoz dapre e mon resers ki mon'n fer.

E letan mon'n tann serten entervenman lo kot kote latab in dir- en pe letan mon pa'n tann nonmen sa parol, sa parol mon ti ganny tann nonmen avan eleksyon 2020

sa met larzan dan pos Seselwa. E toudenkou sa parol in aparet la dernyen semenn Lasanble larzan dan pos Seselwa in ganny nonmen, i fer in poz mon lekor serten kestyon e refleksyon.

Mon pa pe war larzan pe ganny mete dan pos Seselwa atraver sa lamannman, *ok*, si Fon Pansyon ti'n vin ek en lamannman pou reviz kalkilasyon dan *rates* ki i pe donn benefis ler ou'n kalifye sa laz retret la ti ava en logmantasyon la mon ti a dir zot pe met larzan dan pos Seselwa.

Ou pe donn li sa ki i ti *entitled* me selman ou pe vin avek serten lamannman prosedir an term letan ki ou kalifye e ki ou fer pou ou kalifye. So pou mwan sa bout larzan dan pos Seselwa mon pa tro *buy in* aköz Seselwa lontan pe esper larzan dan son pos e i pa ankor war.

En pwen ki letan mon pe regard, e bann pei pe ganny site *ok*, bann *trend* pei e dernyen enterven an Onorab Loze mon koleg in koze, in poz kestyon lo ki direksyon plizyer pei pe ale, e nou koman Sesel aköz mwan mon konsernen ek Sesel sa ki pase laba deor i en lot zafer, me mwan mon konsern Sesel.

Aküz plizyer pei wi, i annan diferan laz ki zot konsider li koman *the*

retirement age, *ok*, E letan mon'n get bann pei mwan, *ok*, pli o ki mon'n war la i Zapon, Zapon 68 an. Son *retirement age* ki i donn ou. *La Chine* an se moman 60, Lerop i komans 62 i ale ziska 65, e i annan ki ale ziska 67. E Lafrik, Sidafrik i 60.

I montre ou poudir sa bann pei ki mwan mon'n site la i annan diferan konteks sosyoekonomik zot, Zapon nou konnen ki dimoun i viv pli lontan aköz zot annan en kalite koutim e *lifestyle* ek en *economic program* ki siport premyerman son sitwayen depi son ledikasyon, depi son lasante ki zot met lanfaz en kantite lo *sustainable living* dan en sans.

Ki fer ki son popilasyon in pou viv pli lontan e pli vye dimoun i sorti laba lot zot. Zot kapab viv zot annan mwayen pou viv e zot annan sipor. *Ok*. E son Gouvernman in war poudir ou kapab 68 an e i annan bann diferan program ki fer lo sa pei. Ou pou war dimoun 70 an i ankor pe travay e i pe travay bann louvraz ase fizik tou, *ok*?

Me letan nou pe regard konteks Eropeen li osi bann pei sirtou bann pei *Scandinavian* ki zot, zot gard 62, 65 ou war poudir sa bann pei zot annan bann *level of income*, zot en *very high GDP*, *per capita*. Bann *earning* ki zot

gannye n i vremen o konpare ek en saler Seselwa ki fer ki zot osi zot kapab mentenir en lavi ase balanse, soutenab ki permet zot viv pli lontan. *Ok.*

Me letan ou pe regard nou lo kote Lafrik, nou anba devlopman bann pei- malgre nou, nou'n ganny kategorize koman en *high income countries*, me letan ou pe regarde sa kalite distribisyon larises ki egziste ozordi i pa reflekte konpare ek sa bann pei ki mon'n site.

Nou kalite travay, nou kalite klima, nou fason- mon pou kapab dir nou fason manze, nou ladyet ki nou konsonmen i fer ki i pou annan en de balans e nou reveni ki nou, nou pe resevwar koman en pei nou pa pou kapab *meet* sa ki sa bann gran pei pwisans pou fer ki nou dimoun i viv pli lontan, i travay pli lontan. En fakter sa.

Prezan letan nou get nou Sesel, *Pension Fund* i annan anviron 44mil si mon pa tronpe *plus* kontribiter ki pe kontribye dan sa fon, i ti annan en pti rediksyon petet kekfwa bann rezon lanmor konparab avek 2021 apepre 208 ki en pti rediksyon petet *Panel* i kapab eksplike ki sa rediksyon vedir dapre zot statistik ki mon'n fer resers lo la sa. *Ok.*

I fer ki laz retret ozordi, laz pansyon si nou pou gard li

dan sa lenstans 65 an e osi mon ti a swete, i annan en kanpanny eleksyon ki pe vini la, nou bezwen dir dimoun sa ki korek, sa ki laverite. Eski i annan lentansyon ankor dan 5 an, ankor dan 10 an pou fer monte sa laz?

Wi, i enportan nou konnen sa, nou pa ganny sok aköz i annan plizyer dimoun ti'n *plan* son lavi boner 2020, 2021 avan lanons sanzman vini. E sa in arive ki zot in bezwen war zot pe reaziste, zot in reaziste zot a i annan ki ankor pe reaziste.

E nou, dan konteks medikal, lasante, plizyer nou ban dimoun travayer letan in ariv en serten laz zot komans fer fas avek serten konplikasyon lasante. Statistik i la sa, mon pa pe koz lalang mwan, nou annan en-nou en pei ki nou annan problemn tansyon, nou annan problemn dyabetik.

E resers in fer atraver bann diferan resers par bann eksper ki'n war poudir nou annan en problemn ki i annan ti pe- eksper ti pe mansyonnen tou ki i kapab bann fakter erediter ki koman en popilasyon Sesel, Seselwa Kreol nou annan en *high rates* of problemn kardiyovaskiler.

Kanpare avek en pei parey Zapon, ki li in met son *retirement age at 68*. Kot son bann prevalans problemn

kardiovaskiler i *minimal*. So, mon pe fer sa konparezon akòz pou nou konpran poudir nou en nasyon ki letan nou pe get nou *life expectancy* dayer ki'n desann en pti gin, i riske ki menm si nou pou travay nou kontinyen travay, i annan nou ki pa pou arive sa laz retret. Ok, sa i en keksoz ki reel.

Prezan letan mon'n regard osi dan bann lamannman ki dan sa lamannman- dan sa *Bill* devan nou, i fer referans osi avek diferan seksyon, ok. In *capacity benefits* dayer mon dakor sa bout mon dakor avek sa enn.

Kot ou pou bezwen kapab annan sa balans e dayer nou ti kre, Lalwa ti kre sa komite pou reviz bann benefis ki atase avek *incapacity*. Sa mon napa problem ek sa akòz i kapab ou ti pe travay in ariv en lensidan en aksidan ou tonm malad e ou war ou bezwen kapab ganny soutenir akòz petet ou annan ou bann lobligasyon finansyel ki ou'n met ou lekor ladan pou, ou kapab siport ou.

Sa bout ki la, *I don't have a problem with that*. Sa i apel en responsabilite ki lasosyete i annan anver son kontribisyon ki in fer. Lo kote *death gratuity*, akòz i annan en dimoun in koz ek mwan lo la

ok, Lartik seksyon 34 sa, 11 ok.

I annan serten konsern ki atase avek lafason ki sa benefis i ganny *pass on* ok. Letan nou travay nou tou la mon krwar ki pe kontribye dan Fon Pansyon ranpli sa form nou dir *the next of kin* sa i nou *beneficiary* sa, ou mete ou.

Me letan i ariv sa lanmor i pa neseserman ki sa i vin otomatik sa *beneficiary next of kin* ki ou'n mete. Akòz i annan dimoun malgre i ti lo sa *next of kin and beneficiary* in bezwen war li al rod avoka pas Ankour. So, mon mazin petet Fon Pansyon a lavenir i annan en ledikasyon ki bezwen ganny fer i partaze avek bann kontribiter lo lafason ki sa i bezwen ganny adrese e ki mannyer sa benefis pou ede ki napa konfizyon, ok?

E osi i annan en devwar petet lobligasyon moral ki i bezwen ganny swivi avek, akòz letan en zanfann son paran in mor, ki li i ankor en miner i war li pa pe benefisye avek kontribisyon i son paran in fer ki al lo sa lot dimoun ki petet pa ni son papa ou pa ni son manman i annan en serten problem la ok.

Mon krwar ki sa i en refleksyon ki bezwen ganny fer pou vwar ki mannyer nou adres serten keksoz ouswa ozordi nou annan en problem adiksyon ou war poudir i al ver

sa dimoun laba ki li i en adikt ozordi ki pa pou la servi sa larzan ni pou sonny sa zanfan, ni pou okip lafanmir, ni pou okip lakaz.

So, mon konnen poudir Lalwa li i napa, i pa neseserman al ver bann proteksyon dan sa, be selman i en refleksyon ki nou bezwen fer lo ki mannyer sa bann benefis dan bann sirkonstans parey i ganny partaze. Menm si sa dimoun in kapab swa in swazir swa i pa'n swazir sa.

An terminan Mr Speaker, i annan osi parey plizyer pei, mwan mon pe met sa devan, eski Sesel nou, nou kapab petet mazine pou ki nou kapab al dan bann direksyon parey si nou pou ankouraze kot sa travayer malgre i pe kontribye dan Fon Pansyon i osi kapab kontribye dan bann lezot Fon, sa i pa anpese.

I zis parey ou anvi fer en lenvestisman selman Sesel nou, nou napa bann lenvestisman parey, parey i annan bann *hedge funds* ouswa bann *trust funds* ki ganny fer kot i ava vin en *bonus* ki mon kontribye ladan dan sa bann Fon pou mon kapab ganny *additional income* si mwan mon deside si mwan mon anvi fer li.

Malgre nou kapab fer kontribisyon volonter, me eski sa kontribisyon volonter osi i ti kapab *manage by* lezot Fon.

Me selman i bann nide, i annan bann pli gran-Lanmerik i annan bann diferan kalite Fon ki zot etabli pou donn dimoun swa, pou zot kapab osi ganny serten benefis adisyonnèl.

Petet koman en pei an mezir larises i grandi i ava en direksyon ki nou kapab al ladan atraver bann diferan lenvestisman ki bann dimoun i kapab fer li menm pou kapab ankouraz bann lezot parol, me selman dan en fason transparans kot napa bann vyolasyon ouswa, bann fason koripsyon ki arive ki nou'n war dimoun in perdi larzan dan serten *State* akòz sa bann Fon pa ti bann Fon ki ti kredib.

So avek sa Mr Speaker, mwan mon krwar mon *maintain* sa ideoloji ki Sekirite Sosyal ki Gouvernman i peye atraver sistenm *tax* i merit reste 63 an, e ki li Fon Pansyon baze lo bann lenvestisman ki i kapab fer, i kapab vwar ki mannyer i soutenir sa Fon e osi *maintain* ki en laz retret ki ase rezonnab. Mersi.

MR SPEAKER

Mersi Onorab. Bon, nou'n ariv ler pou pran poz, nou ava repran deba 11er. Mersi.

(BREAK)

MR SPEAKER

E nou a rebran lo deba. Onorab Deshiela Bastienne ou annan laparol.

HON DESHEILA BASTIENNE

Mersi Mr Speaker. Bonzour Mr Speaker. Bonzour Minis ek delegasyon. Bonzour tou koleg Onorab e bonzour tou dimoun a lekout espesyalman bann zabitan Perseverance.

Mr Speaker, sa Proze Lalwa ki devan Lasanble i annan bokou merit e i en lamannman ki pou anmenn bokou benefis dan bann lakour. I en sanzman ki pe ganny konsidere senpleman konman laz ki pe ganny sanze konman laz pansyon dan plas pansyon retret.

Mr Speaker, sa Lalwa pou vin dan lentere tou dimoun e i pou osi permet travayer par lao laz retret ki annan- ki 65 an aktyelman kalifye zot pansyon e an menm tan reste dan en travay si zot santi zot kapab kontinyen.

Mr Speaker, atraver sa *Bill* bokou dimoun ozordi ava annan sa enn swa, annan dimoun ki'n konmans travay byen zenn depi laz 16 an, 17 an ki a laz 55 an par ler ou menm 60 an zot santi ki zot in fatigue e zot in ase travay. La zot ti bezwen- la zot ti bezwen al lo *early retirement pension*.

I annan ki'n konmans travay a laz 25 an 30 an zot sa group zot santi ki zot ankore

anvi kontinyen. Zot ankore anvi kontinyen pou zot travay.

E ozordi sa *Bill* Mr speaker pe koriz sa sityasyon ki si ou annan 65 an ou bezwen *resign* e al viv lo sa pansyon ki ou merite. Mr Speaker, sa *Bill* ozordi, bokou dimoun ozordi i dir ek ou koumsa a laz 65 an zot ankore for, zot anvi kontinyen travay, kontribye byen dan zot pei e anmenn plis reveni kot lakour.

E ozordi, nou pe vwar klerman ki sa Lalwa pe donn zot sa posibilite. I osi montre nou ki en *early retirement* i reste, i pa pe ganny tire i pa ni pe ganny forse. E parey mon'n dir sa i pou zot swa e i pou depan lo sa ki zot santi sa i *ok* pou zot.

Mr Speaker, sa *Bill* ozordi i pou donn travayer sa loportinite pou zot kontinyen travay si zot santi zot ankore for, zot pe *enjoy* zot travay, zot pa anvi al asize kot lakour nanryen fer. Alor i a permet zot e i pou osi pandan letan ki zot pe kontinyen travay menm zot in ganny zot 65 an i a permet zot kontinyen anmenn reveni dan lakour.

Mr Speaker, mwan mon pou dir wi, larzan pou atraver sa *Bill* wi, larzan pou antre dan pos Seselwa. Ki fason? Zot pou annan si zot pe tous- zot in ariv 65 an zot pe tous zot Sekirite Sosyal, zot pe tous zot pansyon, zot pe kontinyen

travay e zot pe ganny ankor en lot saler. Tou sa tou le 3 ki mon'n nonmen li i ganny- i en saler ki zot pou anmenn kot lakour.

Mr Speaker, mon pou osi tous en pe lo peyman pansyon lenkapasite, sa pansyon mon santi ki i osi i merit ganny sa latansyon spesyal. E son prosesis mon krwar i sipoze en pe pli vit, aköz tro bokou dimoun ozordi ou santi ki zot pe esper pou tro bokou letan.

E menm i arive parfwa ki annan dimoun ki lo sa bann pansyon spesyal kot maladi i konsernen, zot esper menm annandler plis ki 4 mwan pou zot kapab ganny zot pansyon malgre ki Dokter in sertifye ki zot kondisyon maladi zot pa *fit* pou retourn dan en lanplwa.

E la Mr Speaker, ler nou koz lenkapasite nou pe koz en keksoz ki annan pou fer avek maladi. E osi parey mon koleg Onorab Hoareau in touse lo peyman pansyon pou bann dimoun, bann pasyan ki annan maladi kanser, en pansyon byen kalkile i a osi ede pou sipòrt sa pasyon dan- sa pasyan dan son bann depans.

Mr Speaker, mwan mon war ki sa lamannman dan sa *Bill* i tre enportan, i menm en lamannman senp e bokou dimoun la deor pou kontan sirtou bann ki kontinyen- ki pou zot anvi kontinyen travay

pou zot kapab ed zot fanmir ek zot prop lekor. E zot pe vwar ki kot sa lamannman pe anmenn en lot loportinite pou zot ek zot fanmir.

Alor, mon pou donn mon sipor pou sa *Bill* e mwan mon osi mon byen apresye ki sa lamannman in vin devan Lasanble ozordi ki ankor mon pou dir i pou benefisye tou Seselwa an zeneral. Mersi.

MR SPEAKER

Mersi Onorab. Onorab Audrey Vidot, ou annan laparol

HON AUDREY VIDOT

Mersi Mr Speaker. Bonzour Mr Speaker. Bonzour Vis-Prezidan avek ou delegasyon, tou Manm Onorab e bonzour spesyal zabitan Roche Caiman.

Mr Speaker, mon oule premyerman dir avek VP ki lentansyon lo sa kote latab ler in anmenn sa Prozedlwa se byensir pou evite annan politik, me koz lo, lo byennet petet an term kwa, kwa ki nou osi konman bann dirizan nou kapab donn serten kontribisyon anver petet zefor ki Fon Pansyon e menm osi en ladministrasyon i merit pran, pou li kapab aport serten soutyen e sipor an term nide ou loportinite ki zot kapab fer Fon Pansyon bouz dan en direksyon.

Byensir pou soutenir son Fon ki i permet ki nou bann Seselwa ki'n annan sa valer, konn sa valer travay dir ki'n kontribye pou plizyer lannen dan lekonomi son pei, me ki'n investir pour ki letan i ariv ki swa son laz retret oubyen son laz ki i ti a kontan tous son pansyon i kapab ganny en sans zwir son kontribisyon oubyen ki swa volonter oubyen ki'n ganny kontribye atraver kontribisyon ki in fer dan son letan travay.

Me par kont, depi konmansman deba lo lot kote latab direksyon ki zot in pran pa neserman in anmenn sitan dibyen anver sa deba.

E mon ava plito felisit mon koleg Madanm Onorab Bastienne, dan lapros ki in pran byensir pou koz lo serten pwen ki en kantite sitwayen la deor ki pe leve debourye pe travay i aport serten menm partaz menm, menm santiman lo serten pwen ki in fer resorti. Espesyalman bann ki annan kondisyon lasante.

Me par kont, lezot espesyalman bann ki'n dir poudir bann desizyon ki kout ladministrasyon ser, mon bezwen dir poudir wi, sa ladministrasyon ki la ozordi in fer bann desizyon ki'n kout en kantite ser pou pei e pou pep Seselwa.

Akoz nou'n vwar en kantite desizyon ki zot in pran

i pa'n neserman anmenn lavi nou bann sitwayen pli byen, santi zot pli benefisye, ki ozordi bann ki'n travay, ki ti'n prepar son leta lespri parey Onorab Aglae fer resorti, ki ti'n kondisyon li, ki ler i pou pran son, son laz retret oubyen i pou resevwar son pansyon pou ki pou zwir li byen e i pou vwar poudir lavi i pou meyer ziska son dernyen zour.

Mr Speaker, devan nou sa Prozedlwa ki la, i enportan ki dan sa deba nou reflesir diran sa plis ki 4 an ki nou'n la sa setyenm Lasanble bann kontribisyon ki bann Manm sa Lasanble in anmenn espesyalman lo kote *United Seychelles*. Byensir, kot nou ankor reste ferm avek nou panse poudir ki laz retret byensir i merit konsidere 63 an.

Me byensir avek Fon Pansyon, fason pou li kapab annan serten lenvestisman parey Onorab Loze in fer resorti ki mannyer zot kapab ede pour ki bann ki ozordi ki parey Lalwa pe demande ki menm si in ariv son laz pou li *retire* oubyen in ariv son laz pou li ganny son pansyon.

Me si i santi i anvi kontinyelman travay e i permet li kapab kontinyelman debourye, si lasante byensir i permet li pou li ankor loportinite kapab kontribye plis kot son lakour e i aport

serten soutyen avek son fanmir. E osi pou li kapab sey viv en lavi konfortab ziska son dernyen zour.

Me par kont nou bezwen realize poudir i annan ankò an en group Seselwa ki nou bezwen kontinyelman pe edik zot, pe donn zot sa sipor, pour ki zot konn valer lenportans leve debourye, kontribye pour ki zot osi ler in ariv moman pou zot zwir zot bann lezot benefis ki zot in travay diran plizyer lannen zot nobou kapab zwir.

Me par kont, malerezman i pa posib pou bokou, akòz parey mon'n dir nou lo sa kote latab resaman ankò enn mon koleg Onorab Uranie kot in tous lo en group travayer kot nou santi poudir si Ladministrasyon ti rod fason pou aport serten soutyen e sipor ki permet zot kapab redebout for lo zot lipye, leve, travay kontribye dan sa fon, kontribye dan zot Sekirite Sosyal pou ki zot osi dan zot moman kot zot pou ariv ki swa zot laz retret oubyen pe baz lo laz pansyon ki zot kapab osi zwir bann benefis.

Me malerezman a sak fwa ler nou lo sa kote latab nou anmenn bann keksoz ki nou anvi rod aport serten soutyen avek nou sitwayen nou pa ganny sipor mazorite ki LDS ozordi ki dan Gouvernman, e sa pa abouti

pou fer dibyen, dibyen pou ede kontribye dan Fon Pansyon.

Mon osi mon deza annan Mosyon i ankò pe espere si pou pase ou non, kot ankò nou pe sey anmenn fason ki mannyer nou kapab donn sipor bann zenn ki anvi travay, ki anvi leve debourye, pou ganny en benefis, ganny en saler, sipor zot lekor, sipor zot fanmir.

Pou zot kapab kontribye osi dan Fon Sekirite Sosyal, kontribye dan Fon Pansyon pour ki zot osi byensir avek bann regilasyon ki annan an plas ki a permet zot kapab zwir e benefis ki zot, zot ava voudre ganny en loportinite leve, travay. Me ankò nou vwar kot latansyon pa ganny anmennen e vize ver pou ki sa bann keksoz i ganny vin en realizasyon.

E bokou nou bann sitwayen la deor zot vwar, zot pe obzerve, zot in realize poudir vremen lekel group dimoun ki annan zot konpasyon aker, lekel group dimoun ki vwar e konpran pare pou ekout zot konsern e zot bann benefis pou zot kapab vwar en serten laklerte.

Mr Speaker, en pwen ki byensir sa Lalwa pe touse, e i annan Manm ki'n koz lo la se lo pansyon kot nou konnen bann dimoun ki'n travay in kontribye tou dilon zot lavi e zot pas dan serten difikilte lo

baz medikal, ki swa kanser, ki sa zot in war zot pou en rezon ou en lot fer serten loperasyon ki met zot ater dan en serten sans.

Ler mon dir met zot ater, i pa permet zot kapab annan sa lenerzi deswit pou zot kapab leve al travay. I annan bokou i pas dan difikilte ki bezwen annan en kantite konze dokter. Mon felisit bann lorganizasyon travay ki annan serten konpasyon pou sa bann group travayer ki en fason ou en lot zot vwar serten soutyen ki zot kapab aporte.

Me par kont nou *still* annan en group anplwayer ki pa neseserman donn sa soutyen, sa sipor moral sa travayer ki'n donn tou a son lorganizasyon e ou war li ozordi ki pou rezon medikal i annan sitan kantite konze dokter, i ganny refer avek Sekirite Sosyal e i war li pe benefisye zis R2500 tou le mwan e i bezwen espere pou li kapab kalifye si pou ganny son pansyon ou non en bout ladan, e i pas dan bokou difikilte.

E sa bann dimoun i bann dimoun parey mon dir ki'n travay, ki'n kontribye i pa bann parese. I annan dimoun ki'n anvi, ki'n ganny en kiltir travay dir. E zot en bann dimoun ki annan en kantite, en kantite zot ki annan det lo

zot, swa zot annan det pou peye.

Zot annan zanfan pou kontinyen fer grandi, zot annan komitman kot lakour, e sa kontribisyon ki zot pe gannnen ozordi pa pe soutenir zot ozordi avek sa kou lavi. I annan ki dan zot letan i zot ti benefisye avek zot *long service allowance* ki ozordi i annan pa pe gannnen.

Tou sa i bann difikilte i bann desizyon ki'n kout ki'n kout bokou nou sitwayen ozordi. E sa in ganny fer atraver en ladministrasyon ki la ki ti pou vin fer pli byen. Malerezman i pa'n leka.

E la ozordi nou pe ganny dir plis larzan pou antre dan zot pos, lavey- ki mannyer nou dir sa? Eleksyon mwen senk, eleksyon mwen senk la kot nou pou vini, nou pou vin dir nou pou reve si doker i egziste, si drayver taksi i egziste. Tou sa konmsi *as if* Seselwa la deor i ankor pe dormi.

Non, non, Mr Speaker Seselwa la deor i konn tre byen ki pe pase i pe swiv nou tre byen, i pe vwar ki kalite politik, ki kalite travay ki swadizan mazorite pe fer pour ki zot prepar zot pou avan sa eleksyon mwen senk be in tro tar, *too little too late*.

Mr Speaker, mwan sa ki mon kapab dir avek Seselwa, ki parey zot Prezidan in deza dir ozordi Larepiblik ler i ti dan

sizyenm Lasanble kot i krwar fermeman dan ranpli zot pos, get dan zot *welfare*.

Me malerezman son manda 5an ki in la avek son ladministrasyon ek son lekip mazorite pa'n fer dibyen pou zot, zot annan zot sa pti moman letan la ki reste. Me nou, nou kontinyelman lo sa kote latab debout for lo byennet Seselwa, nou pou kontinyelman koz pou byennet Seselwa.

E nou pou fer sir ki nou, koman i en parti *United Seychelles* ki annan mazorite pep Seselwa aker nou, nou pou vwar ki pli bon fason nou merit tret nou bann dimoun ki'n travay, ki'n kontribye dan sa pei pour ki zot ganny zot, ariv zot en laz Sekirite Sosyal ki permet zot en laz retret ki rezonnab e i resevwar zot pansyon en moman letan ki rezonnab e ki permet zot kapab zwir plis letan e ganny sa soutyen ki zot merite. Mersi Mr Speaker.

MR SPEAKER

Mersi Onorab. Laparol pou Onorab sandy Arissol.

HON SANDY ARISSOL

Mersi Mr Speaker. Ankore en fwa bonzour tou dimoun ki pe swiv nou e tou dimoun ki a lekout.

Mr Speaker, mon ti a kontan premyerman felisit VP

avek delegasyon ki la devan Lasanble Nasyonal pour sa Prozedlwa ki zot in anmennen, pou zot *professionalism*, pou travay ki zot pe kontinyen fer inovasyon pou rode ki mannyer nou fer keksoz pli byen pour ki i satisfere nou bann dimoun ki laba deor.

An menm tan mon anvi dir poudir laz 65 an i en keksoz in reste i pa pou al okenn par, parske menm ladministrasyon ki ti la devan nou ti'n fer sa prediksyon an relasyon avek laz 65 an. E ti'n deza annan en mansyon lo la, e letan nou fer letour dan lemonn nou vwar poudir plizyer pei ki pli gro ki nou zot annan bokou plis resours ki nou zot osi zot pe revwar zot laz an relasyon avek parey nou nou'n fer sa ki pou nou.

Sesel nou ti pou kapab fer nou laz desann vin 63 an, 60 an, 55 an, si nou ti en pei kekfw ki ti annan bokou plis resours, resours mineral par egzant. Si nou ti'n dekouver lor nou ti'n dekouver delwil, nou ti annan bokou plis dimoun pe travay kekfw sa ti ava ede.

Me malerezman sityasyon nou pei ozordi kot in arive nou'n bezwen pran sa desizyon, en desizyon parey mon'n dir ki ti'n deza predir depi avan nou, nou vin dan ladministrasyon parske ti annan tou sa bann

konsiltasyon an relasyon avek laz ki zisteman ki nou pe koz lo la ozordi.

E mon anvi dezyenmman Mr Speaker, pou mon koman en dimoun, koman en Seselwa ki dan lanplwa depi mon ganny laz travay mon pe travay e ozordi mon ankour pe travay pou mon ankouraz osi mon bann frer Seselwa. Sirtou bann zonm isi deor dan Sesel ki la, ki pe ekout nou pou zot osi kapab antre dan en lanplwa formel, en lanplwa kot ou kapab osi fer serten kontribisyon zisteman anver sa fon ki nou pe koz lo la.

Parske souvandfwa nou kalkil nou viv ozordi pou ozordi be letan i ariv nou en aksidan, letan i ariv nou en maler se la kot nou tay dan tou direksyon, se la ki nou konnen poudir mon pa'n zanmen fer kontribisyon dan Fon Pansyon, se la ki mon konnen poudir be mon ti kapab rod en lasirans pou kouver mwan, se la ki mon konnen mon ti kapab fer sa.

Mon krwar la i sa moman letan pou nou kapab osi anvoy mesaz pozitiv laba deor pou nou demann nou bann dimoun, sirtou nou bann zenn, nou annan en bon pe ki la ki pa neserman dan en lanplwa pou nou ankouraz zot pou zot annan en lanplwa formel.

E nou ti ganny dir en sif anviron 8mil, 8mil Seselwa ki pa neserman dan en lanplwa formel me ki pe fer bann travay enformel. Kekfwa sa osi i ava ede dan annan plis rannman pou sa dimoun li menm li koman sa travayer avek en lekspektasyon poudir pli tar i pou annan en keksoz letan i ariv son laz i *retire* oubyen i an en lasirans kekfwa ki li menm li in fer.

Me en keksoz ki nou realize Mr Speaker, ozordi dam nou pei letan ou en drayver tou dimoun ki rod en loto i asire i fer sir ki son transpor i annan en patant ek lasirans, i pa zanmen konplent kantite lasirans i bezwen espere pou son transpor. Me par kont bann lezot pti detay ki konsern nou koman en travayer souvandfwa i annan pti mirmirasyon ki nou fer lo la

So, mon krwar Prozedlwa ki devan nou i lo bon semen e an menm tan i enportan pou nou kalite mesaz ki nou, nou pe partaze Mr Speaker avek bann dimoun ki la deor ki pe ekout nou e kwa ki nou dimoun i gannnen avek sa Prozedlwa ki la devan nou.

Mr Speaker, mon kontan i annan en kantite benefis ki'n ganny donnen ki letan nou pe koz pansyon mon krwar i enportan pou nou fer e pou nou rekonnet Mr Speaker, letan mon'n tann diferan

Manm in dir par egzantp ozordi letan Gouvernman in entrodwir en trezyenm mwan saler sa i en fason ki nou bann travayer i ganny rekonpanse an relasyon avek zot servis depandan travay ki zot in fer pandan lannen par zot anplwayer.

Letan Gouvernman in asire ki Seselwa travayer in ganny en logmantasyon 7 pousan, 10 pousan, 17 pousan Mr Speaker, sa i bann mwayen ki montre poudir in annan keksoz ki'n ganny fer pou travayer e pou asire ki zot osi zot perform byen dan zot travay.

Mon kontan letan *Welfare* bann *rates* kot *Welfare* in revize Mr Speaker, in sorti pli ba in mont par lao, e sa i en revizyon i pa'n egziste pou plis ki 10 an, e mon kontan ozordi. Sa in fer ki in soulaz plizyer fanmir an relasyon avek letan nou pe koz annan plis larzan dan son pos, in ed li parske bann *rates* in osi ogmante an relasyon.

E i annan en lot keksoz ankor ki mon kontan letan nou pe koz lo sa Proze Lalwa ki sa Proze Lalwa i fer referans avek se *incapacity pension*. Ki mon krwar i enportan parske souvandfwa i annan serten difikilte letan en travayer i ganny trouve poudir i pa kapab *perform* ankor dan

travay me i annan en keksoz ki kouver li.

Me ozordi sa ki mon osi kontan apresye se ki sa fasilite pou en dimoun ganny vwar pou li ganny en lasistans. Lontan nou ti bezwen pas lo *board* detrwa fwa, retournen renouvle, me ozordi i osi annan sa posibilite kot en dimoun i ganny vwar poudir wi i pa kapab travay, alor sa i ale ziska i ava ariv son laz kot i devret ganny son tou lasistans nesese Mr Speaker.

Me sa ki devan nou ozordi la pe fer provizyon sa ki mon anvi demann avek *VP*, se avek son delegasyon ki la byensir, se detrwa kestyon an relasyon avek letan nou pe vwar tou sa bann reaniman pou nou asire ki nou dimoun i dan konfor mon ti a kontan ki nou osi *VP* pou nou pa bliye pou nou osi revwar kontinyen revwar bann *Scheme* ki annan, pou nou amelyor zot pou nou transform zot, fer zot vin modern e pou nou asire ki tou kous nou popilasyon pa ganny kit deryer.

Par egzantp, letan mon pe koz lo sa bann *scheme* ozordi pou nou asire ki bann *scheme* ki nou annan par egzantp pou lakaz, pou nou vwar kalite lakaz nou pe donn bann dimoun an relasyon avek son ki fason in ganny konstrir an relasyon avek ki nou servi pou konstrir, par egzantp pour ki

son kou i kapab en pe pli fasil pou nou dimoun akse, later.

E osi toultan mon mazin bann *carers* par egzanp, letan nou annan bann *carers* e bann *carers* souvandfwa letan ou vizit zot, zot annan difikilte, par egzanp si i anvi azout en bout kot son paran i vwar difikilte, letan i anvi fer serten keksoz konmsi pou nou letan nou pe fer tou sa bann travay pou amelyor lavi nou dimoun la deor pou nou revwar osi bann *scheme*, pou nou asire ki tou dimoun, tou dimoun ki ganny afekte dan zot prop fason nou kapab enkli zot e pou zot pa ganny kit deryer an relasyon avek bann travay ki nou pe fer.

Me tousala Mr Speaker, sa ki mon kontan parske ler mon get sa Prozedlwa, mon rapel ti annan en madanm ti vin kot mwan, mon krwar an 2019 en madanm ki sorti dan distrik Bel Air ki nou ti ganny sans zwenn, nou ti koze sa madanm ti travay dan en lakonpannyen.

E letan i ti vin kot mwan la i ti ganny son kaz li an Oktob, e kan i ti ganny son laz 63 an, an Oktob lakonpannyen i kriy li i dir ek li ou'n fini ariv ou laz alor, nou pe demann ou pou ou, parey sa i kontan dir ek zot nou permet zot pou fer zot depar. Alor, lakonpannyen i dir ek sa

madanm mon pe envit ou pou ou fer ou depar.

E sa madman li son lakoler sete Mr Arissol, mon ganny mon laz an Oktob, mon ankor annan kouraz pou mon travay mon, e deplis i ti pou ganny son trezyenm mwan saler Desanm. I ti a dir omwen zot ti a les mwan travay ziska Desanm mon ti a ganny mon trezyenm mwan saler plen e deplis mon ankor annan kouraz pou mon travay.

Letan nou pe koze la deor Mr Speaker, i annan en kantite dimoun e Bel Ombre mon konnen i annan en kantite dimoun menm zot in ariv zot laz zot ankor pe travay dan distrik mon krwar Lalwa sa ki pe permet bann dimoun kapab fer. Nou annan sa laz kot nou dir ou laz *retirement* i la, me selman an menm tan i donn ou posibilite pou ou kapab kontinyen travay.

E souvandfwa bann dimoun i dir ek ou get sa mon zanafan i dan drog, mon zanafan i *Montagne Posée* e mwan ki pe soutenir mon pti zanafan. Mon ti a kontan kontinyen travay mon pa ankor fini sanz mon *louvres* pou met mon *sliding*, i annan mon *tiles* pou mon mete, pou mon kontinyen okip mon lakour. I annan dimoun letan ou fer vizit ou koz ek zot se sa reaksyon li zot donn nou.

Me par kont, nou annan en lot group dimoun ki dir ek

nou non, mon depi laz 14 an mon lo mon lipye depi laz 17 an sa letan mon pe travay mon pe espere ki zour ki mon laz i arive pou mwan kapab *enjoy* mon pti larzan, pou mon al vizit mon pti zanfan Ostrali, pou mon ganny sans al fer tes medikal, nou annan sa balans dan konversasyon letan ou koz ek bann dimoun Mr Speaker, e sa i reel la deor.

Alor, sa ki mon ti a kontan demann avek VP. Eski savedir atraver sa Prozedlwa mon koman en travayer ki'n ariv la 65 an, letan mon'n ariv mon laz mon anvi kontinyen travay, sa i vedir ki mwan menm mon sa poursantaz ki mon ti tire pou met dan Fon Pansyon mon aret peye e mon anplwayer ki li menm li i ti pe fer en kontribisyon 1 poursan oubyen 2 poursan pou mwan i osi aret fer sa kontribisyon anver mwan, sa deza i fer sa biznes.

Li osi i pa pe anmas en keksoz aköz i e pe anmas en keksoz anver ou e ou sa larzan i ou ti pe tire la ou saler ki ti pe al dan en fon pou ou menm gannnen pou pli tar ki otomatikman i aret tire, savedir la deza ou antre avek en saler plen dan lakour, ou menm ganny ou benefis ou pansyon e osi ou ganny sou Sekirite Sosyal.

Eski sa ki nou pe dir VP. Savedir dimoun Bel Ombre ki

pe ekout mwan, ler zot ganny zot 65 an ou anplwayer i arete fer kontribisyon pou ou koman sa biznesmenn savedir li osi i met en pti larzan an plis dan son kont pou met li met lo ou.

E ou koman sa travayer ou saler pa ganny tire sa poursantaz ki al dan Fon Pansyon pou ou gannnen ou antre ek ou saler plen dan lakour ou osi antre ek ou pansyon ki ou'n kontribye e osi ou antre avek ou Sekirite Sosyal ki garanti ki ou gannnen.

I en pti pe plis larzan dan lakour s VP oubyen mwan ki pe mal konte? *Good*, taler ou ava eksplik mwan, sa i mon premye leksplikasyon.

Dezyenm leksplikasyon ki mon anvi demann ou se an relasyon avek labank, labank ou konnen i ariv en serten laz dan pei kot dimoun i dir e ou ou be la mon pa kapab pran en *loan* parske mon laz kot mon'n arive labank neserman pa pou donn mwan s lo la parske mon pre laz pou mon *retire*.

Eski nou annan en diskisyon avek *bankers association* bann servis banker pour ki letan en dimoun i pe kalkile li, in fini kalkile poudir get sa laz 65 an i pa ankor ariv 65 li, mon pa ankor arete travay be sa ki i annan sa posibilite ki li osi.

Menm ki nou konnen bann trwazyenm az i annan bann benefis ki zot gannnen bann dimoun aze i annan bann benefis ki zot gannnen atraver bann *loan*, *HFC* pou rekouver son lakaz, pou li re aranz son *vicinity* kot i reste, lev en pti miray, met en pti baro pou anpes bann lisyen eran vin *disturb* kas son fler zwe dan son legim.

Eski i annan osi sa posibilite pou vi ki la i pa anvi arete travay an vi kontinyen, be i pa bezwen donn li en *loan* pou 25 an ou, be selman i ava annan en bann pti *Scheme* ki ava ganny etabli la an konsiltasyon pou nou asire ki sa dimoun aze ki'n ganny 65 an me i ankor for, i anvi kontinyen donner pou li kapab pran en pti *loan* zisteman pou li rod en *fridge*, rod son *cooker* aköz li ki pe get son pti zanfan ki papa i dan drog i a kapab azout en pti lasanm, met en lili, en keksoz pou konfor son fanmir ki viv avek li Mr Speaker, sa i mon lesplikasyon.

Lot leksplikasyon ki mon ti a kontan demann avek *VP* avek *panel* an relasyon avek laz 65 an, si en dimoun i anvi deside aret travay- i deside kontinyen travay eski sa dimoun i bezwen annan en rapor medikal par egzamp?

Ki sertifye poudir wi, i *fit* pou li kontinyen travay

oubyen sa dimoun li avek son anplwayer zot ganny en konversasyon e son anplwayer ki'n swiv li pou 10 an, 15 an i vwar poudir li i leve granmaten toultan i vini i a ler kontrè i pli a ler ki sa zenn ki fek komans travay, zanmen i annan leskiz, toultan i prezan.

Eski i bezwen sa rapor medikal oubyen zis sa konsiltasyon ant li ek son anplwayer depandan tou sa ki in fer pandan tou sa letan ki permet ki fer li kapab kontinyen travay pour ki i ganny son benefis Mr Speaker.

Mon ti anvi demann *VP* sa detwa kekyon parske mon krwar sa ki zot in anmennen la i osi ankouraz- i ankouraz nou bann dimoun parey mon'n dir i annan plizyer me selman an menm tan mon mazine poudir dousman, dousman en dimoun ki pou annan son biznes i pou anvi annan en dimoun ki sa laz, parske i pli responsab i pa pe deza pe donn li en kontribisyon sorti dan fon biznes e sa dimoun li menm pa pe kontribye naryen.

So, mwan mon mesaz dan sa ki nou pe dir la Mr Speaker, nou bezwen kontinyen rod bann keksoz inovativ, keksoz ki enteresan pou ankouraz nou dimoun an menm tan i antre avek en *incentive* dan lakour, parey nou tou nou kontan annan en *incentive*.

E an menm tan mon dezyenm mesaz mon anvi se nou bann zenn, ki ankò for, ki ankò annan kouraz pou nou sorti dan sa monn eroïn, dan sa monn drog asize o bor semen ouver lanmen, *être en tenant* lo en *bus shelter*, en *tenant* o bor en laboutik oubyen en *take away* me nou'n pri dan en monn pa travay.

So mon anvi ozordi la, koman en travayer pou mon ankouraz ban zenn pou nou vini vin devan travay, kontribye parske sa ki nou pe fer ozordi nou pe ed nou vye manman, nou vye papa ganny en kontribisyon.

E letan nou, nou a tonm dan nou fotey dimoun aze nou osi, nou osi nou ava kapab annan keksoz ki ava al ver nou parske sa serk i kontinyen vire dousman, dousman pour ki nou tou nou al lo menm paz e nou pe ganny sa benefis ki nou, nou ti ava swete.

Mr Speaker, mon avek sa Prozedlwa mon kontan, mon parey in ganny dir mon *happy* avek sa parske mon santi poudir i donn posibilite, pa pe fors personn, me i donn ou sa posibilite pou ou swazir.

Ou kapab pran nou *retirement* trankil, ou al get ou pti zanfan ou al fer ou rezo medikal, ou *enjoy* ou larzan parey nou dir. Oubyen si ou ankò annan sa kouraz ou

santi poudir ou annan ou pti zanfan ou annan ou lakour ou kontinyen mentenir, me sa i ava reste ou swa, me omwen la ou annan en swa. Avan ou ti napa en swa, ler in ariv ou laz mon demann ou pou fer ou depar, mersi pou ou servis e ou ale.

Me ozordi ou annan en swa pou ou fer, pou ou deside kwa ki ou anvi koman sa dimoun, koman sa imen, koman sa travayer ki pe viv da nou pei. Mr Speaker, mon ava aret la e mon ti a kontan dir zot mersi pou zot latansyon.

MR SPEAKER

Mersi Onorab. Onorab William ou annan laparol.

HON WAVEN WILLIAM

Mersi Mr Speaker. Bonzour tou dimoun ki a lekout. Bonzour Vis-Prezidan avek bann dimoun lo *panel*.

Mr Speaker, bokou in ganny dir. Mon pa pou fer bann repetisyon. Me pwen ki mon ti a kontan avanse se ki – enn, se ki mon pou donn mon sipor ver sa lamannman *Seychelles Pension Fund (Amendment) Bill, 2025*.

Me mon ti a kontan ki konman en reprezantan distrik, letan ou pe fer letour ou pe koz avek bann dimoun, mon santi poudir en bon pe bann dimoun zot napa ase lenformasyon.

E mwan mon ti ava lans en lapel e an menm tan fer en demann avek *panel*. Ki apard ki Lasanble pe koz lo sa lamannman, ki *Pension Fund* ouswa Departman Gouvernman. Zot al lo medya pou kapab pas lenformasyon avek dimoun.

Akoz bokou dimoun deor la, si ou pou fer bann *meeting* piblik – aköz nou'n vwar. Nou'n annan leksperyans, nou *meeting* piblik pa bokou dimoun ki *attend meeting* piblik.

E lo sa bann konversasyon ki nou pe fer la lo sa bann size, i enportan ki dimoun i konnen e konpran egzakteman son drwa e ki i foudre fer. Ki bor i sipoze ale.

Akoz i annan bokou dimoun deor la ki en pti pe inyoran. Mon pa pou dir par ekspre. Me par natir zot fason viv e par priyorite ki zot mete lo serten keksoz.

So, mon pe demande ki *panel* - i annan sa Program *Tête à Tête* mon mazine ki zot kapab petet swazir. Kot dimoun mon konnen zot ekout *Tête à Tête*. Bann lenformasyon i kapab pase.

Mr Speaker, lot keksoz ki mon ti a kontan avans devan se ki, demande ki dimoun ozordi i met son larzan labank.

Me petet *Pension Fund* i devret mont en kanpanny kot zot al dan tou bann landrwa

travay. Sey ankouraz dimoun pou kontribye en pti pe plis volontermen. An menm tan, sey regard osi *incentive* lo kote lentere.

Akoz parey in ganny dir, san larzan ki pe ganny tire, i pa pe – Gouvernman pa pe pran sa larzan. *Pension Fund* pa pe pran sa larzan. Me i en lenvestisman ki sa dimoun pe fer pour son lavenir. So, i annan posibilite e gran potansyel la deor.

Me mon'n ekout en pe bann konversasyon ki'n ganny dir par lot kote latay. Mr Speaker, ozordi i gou tann dimoun pe dir ki – be, konmsi keksoz i normal la.

Akoz dimoun pe pran son responsabilite konpare avek lontan. E dimoun ozordi pe *look forward* pou travay. E dimoun pe rod fason pour li kapab soutenir son lekor.

Me lo pwennvi soustenabilite sa fon, mon santi poudir Seselwa ki pe travay – parey i pe met son larzan labank, fer *savings*.

Fon Pansyon osi petet ti kapab fer en *scheme* kot ankouraz dimoun ankore plis pou kapab kontribye volontermen.

Mr Speaker, mon lot pwen se ki, mon'n ganny bann leksperyans kot bann dimoun ki'n aret travay. I annan ki pran 1 an pour li kapab ganny son larzan letan in ariv sa laz,

ki mon panse poudir i en pti pe tro bokou. E i pa normal pour serten endividi pas dan sa bann kalite difikilte. Menm si pli tar ou bezwen *refund* li son larzan.

Me ou met en *stress* lo sa dimoun ki'n ariv lo son laz benefis. Me solman i pa pe kapab tous son larzan.

Lot pwen ki mon anvi met devan Vis-Prezidan se ki, sa *Board* la. Sa – ki mannyer i apele sa *Board? Functional Capacity Assessment Board*.

Petet ti a bon donn en pti pe lenformasyon. Akoz la deor i annan bann dimoun ki – par egzanp, mon'n zwenn en *case* kot en dimoun in ganny katara ki pa war kler. Me in ganny lasistans pour 6 mwan.

Me epi, ki mannyer sa dimoun – ki prosedir i devret fer pour li kapab kontinyelman ganny benefis? Ouswa zot donn li son pansyon pour lavi. Akoz sa dimoun ler i pa war kler, i pa pe kapab travay.

E eksplik en pti pe ki bann prosedir ki i fodre fer pour li kapab enn, *attend* sa lobzektif.

Lot pwen ki mon anvi avanse se ki, letan mon'n ekout lot kote latab - Me Mr Speaker, Prezidan Faure avan Eleksyon 2020 ti dir ki laz pansyon pou mont 65 an.

E son *running mate* ki Minis Finans ti dir i osi poudir

laz pou bezwen monte pou vin 65 an.

Mr Speaker, letan mon regard sa 2 zonm i pa 2 nenport ki dimoun. Ou annan en Prezidan e en potansyel Vis-Prezidan dan ka Minis Finans, Mr Loustau-Lalanne, ki ti pe koz lo sa bann tandans lavenir. Ki nou'n vwar ki lemonn osi, bokou pei in bouz dan sa direksyon.

So, mon pa pe ganny en konpran e mon pe demann mon lekor la; be si dizon *US* in ganny eleksyon e sa bann Lalwa ti vin devan Lasanble, ki nou bann koleg dan Lopoizisyon zot ti pou dir lo la?

Me ozordi i fasil pour nou fer bann politik bon marse. Akoz, parey zot dir zot menm, zot ki zot pe akiz nou akoz eleksyon pe vini. Me Mr Speaker, sa mon vwar i bann politik vremen iresponsab.

Letan nou pe koz nou menm lo soustenabilite bann fon, nou anvi tou keksoz ozordi pour demen.

So Mr Speaker, mon vwar poudir i annan bann keksoz ki pe ganny dir. Letan nou lo sa kote latab nou pe met lanfaz lo dimoun al travay, pran zot responsabilite.

Mr Speaker, de lot kote, i annan bann politik iresponsab. Nou pe detourn bann lenformasyon. Tir keksoz dan realite e fer dimoun krwar

poudir keksoz i parey ti ete dan leparse.

Mr Speaker, parey mon'n dir mon pa pou tro long. Lesansyel bann pwen in ganny tous lo la. E parey mon dir, se ki mon pou donn sipor lo sa lamannman. Akoz mon krwar i bann direksyon ki nou bezwen ale.

E mwan mon ava demande ki Fon Pansyon zot kontinyelman annan bann konversasyon. E regard en pti pe bann lopinyon ki dimoun pe dir lo ki mannyer sa fon i kapab kontinyelman reste soutenab. Ki dan lavenir, tou dimoun ava satisfè. Mersi.

(APPLAUSE)

MR SPEAKER

Mersi Onorab. Mon pe remarke ki deba pe vin plizanpli lo en deba ki'n deza ganny fer lo laz pansyon.

I pa irelevan. Me selman mon a zis sizere avek bann Manm ki sa pwen in ganny fer par tou lede kote. Zot pwen in ganny repete.

So, petet pour larestan deba nou kapab evit sa e nou a retourn ankor lo sa ki devan nou ozordi. Kot nou ete la? Onorab Henrie, ou annan laparol.

HON GERVAIS HENRIE

Mersi Mr Speaker. E mon ava dir bonzour tou bann manm

panel prezan avek nou. E en bonzour spesyal pour bann zabitan dan distrik Mont Buxton.

Mr Speaker, parey ou'n fek presize. Bomaten dan son lentervansyon pou entrodwir sa *Bill* ki devan nou, VP in ensiste lo 2 pwen.

E dir ki lamannman ki devan nou ozordi, prensipalman i pe permet en dimoun ki'n ariv laz retret – setadir 65 an, ganny son pansyon avek *Seychelles Pension Fund* ouswa *SPF*, menm ler ki i pe kontinyen travay.

E la foudre note ki en dimoun i a swazir pour li pran son pansyon. I pa en keksoz otomatik. So otomatikman i pou bezwen fer en aplikasyon avek Fon Pansyon.

E mon prezimen i ava osi tonm dakor avek son landrwa kot i pe travay. Ki zot ava satisfè poudir i ankor annan lafors fizik pour li kontinyen fer son travay. E osi, son fakilte mantal i *ok* pou reste dan lanplwa pour ankor en pe letan.

Dezyenm pwen ki VP in dir se ki, aprezan lamannman ki devan nou i fer ki Fon Pansyon in anmenn en lamannman ki, akoz lentrodiksyon sa *Functional Capacity Assessment Board*.

E ki bann dimoun ki *partially incapacitated*, i a

kapab ganny konsidere pou ganny en lasistans. Oparavan, sa i pa ti neseserman leka. Kontrerman avek par egzanp sa ki ASP li i ti pe konsidere.

So, aprezan en dimoun ki ganny kek lensidan, dimal dan travay. Parsyelman i pa kapab kontinyen fonksyonnen. Swa pour larestan son lavi. Ouswa pour en peryod letan. Aprezan i ava kapab ganny konsidere favorableman.

E Mr Speaker, bomaten mon'n al vwar *panel* avan ki Lasanble in komanse. Akoz nou ti lev sa kestyon; konbyen dimoun ki pou ganny afekte pozitivman avek amannman ki nou pe anmennen?

E wi, oparavan parey Onorab Hoareau ti'n mansyonnen. Zot ti'n mansyonnen nou en senkantenn. Swa 53. Swa 58. Be bomaten zot in dir mwan poudir pou annan en pe plis. 126 zot in dir mwan.

E evidaman, dan 126 dimoun i pa zis bann dimoun ki dan bann o pozisyon. Par egzanp, Ziz. Sertennman, non. I annan plis dimoun ki dan tou kategori saler. Ouswa tou kategori travay ki ganny kouver par sa.

E sa ki enportan la pour nou konnen se konbyen larzan sa pou kout Fon Pansyon. Prenan kont ki *short title* e *commencement* sa *Bill* i dir ki, "*This Act may be cited as the*

Seychelles Pension Fund (Amendment) Act, 2025 and shall be deemed to have come into operation on the 01st January, 2025".

So i annan detrwa mwan la ki zot pou retourn an aryer. E parey mon'n dir, i pa zis bann dimoun anler. E la mon mazin en kantite bann dimoun dan distrik Mont Buxton ki mon konnen ki ti pe travay. E ki apre zot ti swazir pou aret travay akoz zot pa ti pe kapab ganny zot pansyon.

Solman ki sa bann dimoun in fer, zot in al dan bann sekter enformel. Par egzanp si zot ti pe travay en landrwa, bann dimoun i konnen kontribisyon ki zot ti pe anmennen.

I pran zot pour sepaman detrwa zour. Ouswa detrwa erdtan dan lasemenn. Zot ganny en larzan an plis.

Be solman pour *coverage* sa bann dimoun, i pa neseserman en bon sityasyon pour zot met zot lekor ladan.

Akoz bann keksoz parey lasirans. Ou si i ariv en keksoz maler ki nou pa prevwar. Donk aprezan, lefet ki zot a kapab reste dan lanplwa, zot annan *better coverage*.

E sa size plis larzan dan pos. Be evidaman, nou pa bezwen en dokter konn tou dan matematik. Si en dimoun in ariv 65 an i pa arete travay,

i kontinyen travay. I ganny son saler.

Ladan menm i fer laplikasyon pou ganny son pansyon. Be sa pansyon ek sa saler ler ou azout ansanm, eski i pa plis?

Ladan menm lo son saler i pa pou tire pansyon. Be pa eski i pa vedir larzan dan pos sa dimoun? So, i osi kler ki sa.

E tou dimoun evidaman Mr Speaker, pou swazir pou pran son pansyon. Parski napa personn kot larzan i konsernen, i zwe bon boug. I pou dir ou; non, mon pa bezwen. Non.

Menm si li i pa bezwen, be i ed lezot dimoun, manm lafanmir, kominote. I fer kontribisyon avek legliz. Ek bann NGO. E alor sertenman i pou dan plas – i pou benefisye tou dimoun.

Mr Speaker, i annan solman en keksoz osi ki'n ganny evoke dan deba depi bomaten, ki mon pa krwar ti nesaser pou anmenn pansyon ki ASP i peye.

I apel *Retirement Pension* or *Retirement Pension* avek sa ki Fon Pansyon i peye. Akoz i 2 keksoz konpletman diferan. E ler nou fer sa, i konfiz nou bann dimoun.

Sa ki nou ti bezwen nou, dir nou bann dimoun poudir sa ki ASP i peye i en laliny dan Bidze pei. E si nou regard byen, pour *retirement benefits*

an 2024 larzan ki ti *end of year revised figure*, R865milyon165mil.

E pour sa lannen sa ki'n prevwar i 989milyon578mil. E pour lannen prosen, sa sif i sot en bilyon Roupri. R1bilyon25milyon816mil.

E sa ki nou bezwen nou koman Lasanble ozordi, ankouraz – ankouraz dimoun pou travay dan sekter formel.

Akoz ler zot dan sekter formel, i annan en sonm ki ganny tire lo nou saler lafen le mwan - *personal income tax*. An gran parti sa larzan i kontribye pour sa *retirement benefits*.

E ozordi, irespektiv ki bann komanter ki parfwa i ganny fer ki pa apropiye e malere, nou annan en tandans serten dimoun i konplent legzistans travayer etranze. Sa gran kominote *expatriate workers* dan nou pei.

Be si ti napa zot, nou pa ti pou kapab ede avek sa laliny Bidze pour *retirement benefits* anba ASP. So, i byen ki zot la e pe zot donn nou en koudmen.

E akoz par egzanp letan mon get – mon get sif dan Rapor Anyel *Seychelles Pension Fund*, mon vwar ki zot pe pey bokou plis – non, mwens larzan. Mwens larzan ki ASP i peye pour an term pansyon.

I annan en diferans. Li Fon Pansyon a lafen lannen

2024 in pey apepre R671.1milyon. Sa *Pension Fund* ki'n pey son bann *beneficiaries*. Me ASP li atraver *retirement benefits* in pey an plis R318.478milyon.

E alor i enportan ki nou ankouraz bann Seselwa pou al dan sekter formel kot *personal income tax* i kapab ganny tire lo zot. Nou *broaden the tax base*. E ki alor nou ava kapab ed Leta Sesel pou soutenir nou bann dimoun aze.

Ozordi par egzanp, dapre statistik Fon Pansyon, bann dimoun ki dan *self-employed* ki pe kontribye Fon Pansyon baze lo sif 2024. Selman 2944 dimoun.

Solman parey Onorab Arissol in dir, i annan en sif ki pe flote pou dir i annan apepre 8mil Seselwa ki dan Sekter Enformel. So, *we need to capture them*. E mon krwar sa ki nou Lasanble nou merit pe ankouraze. Akoz sa bann dimoun i sorti dan nou *constituency*.

E i annan en keksoz ki mon war Mr Speaker, ancor konman parti bann konversasyon la ki nou pe fer la koman *panel* i la e met sa pwen lo latib.

Dan Lalwa Fon Pansyon, i kler lekel ki kalifye pou ganny en pansyon. I ava dir ou par egzanp, si ou'n kontribye 10 an *continuous*, ouswa *aggregate* 20 an. Sa i kler dan

Lalwa Fon Pansyon.

Be pour anba ASP. Pour *retirement benefits*. Sa ki nou apel Sekirite Sosyal, napa en kondisyon. Sel kondisyon se sa ki apel *residency test*.

Setadir, par egzanp si en Seselwa in viv en kantite letan aletranze. Ler zot retournen zot le pansyon Sekirite Sosyal. La tou son bann dokiman, paspor i ganny regarde.

E ou bezwen satisfere ASP, pou dir mon krwar ou'n viv en *aggregate* Sesel 12 an, apre ki ou'n ganny 18 an.

Be solman si i annan en Seselwa ki li apre ki in ganny 18 an in fini lekol. Zanmen in kit Sesel li. Solman zanmen, zanmen, zanmen in kontribye formelman. I pa'n dan Sekter Formel li. I kapab in travay. In debourye. In tap isi. In tap laba. Be solman i kalifye otomatikman.

So, pour mwan, pour nou ankouraz dimoun pou antre dan Sekter Formel pou *broaden the tax base*. Pou asire ki *both* Fon Pansyon e ASP i kapab soutenir dimoun ler zot in ariv zot laz retret, i byen ki nou kalkil ki mannyer nou ankouraz nou bann dimoun.

E pour mwan sa formil met en – sa pour mwan Gervais Henrie ki pe dir. Pou met en kriter ki ava dir ou; be, ou'n dan sekter formel pour en

serten peryod letan. *I think it's fair.*

Ant 18 an a 65 an i bezwen annan en pe lannen ki sa boug i for. I a kapab antre dan en sekter formel. Pey son *Personal Income Tax*. Kontribye son pansyon.

E ki koumsa i ava kapab ede pour son lekor ler li i ganny son laz retret e osi ed son fanmir ou zanmi ki'n ariv laz retret.

Alor Mr Speaker, mon an zeneral, mon krwar poudir sa i bann lamannman ki nou pe anmennen pou kontinyen amelyor lavi dimoun. Konmsi nou bezwen regard li dan son – *the bigger picture*.

The bigger picture. Sa ladministrasyon in koz lo responsabilite personnel. Donk aprezan si nou pe permet ou travay *beyond the age of 65*. Nou pe dir ou, dan ou zenn tan, mazin byen.

Dan nou letan zenn i en moman kot nou prepar pour nou laz retret. Setadir nou pran swen avek nou lasante. Nou pa abim nou lekor. Nou ava kontinyen travay, kontribye.

E ki letan nou'n ariv nou laz retret, nou pa pe trenn malad. Nou kapab viv en pe letan. Zwir nou *retirement age*.

E sa i form parti sa *culture of personal responsibility* ki

Ladministrasyon LDS pe promouvwar.

E donk, i – menm si in pran en pe letan pour sa bann keksoz vini, i pa'n vin eleksyon mwen senk. Mwan mon konn byen aköz mon swiv aktyalite.

Mon konnen poudir depi an 2024 sa zafer reform dan Fon Pansyon pe ale vini ant *Cabinet* Fon Pansyon avek tou bann lezot *stakeholders* Minister Finans pe diskite.

E finalman – *ok unfortunately* in ariv ozordi. Ti kapab ariv pli boner. Be soman in arive. Aköz baze lo bann remark, bann sizesyon, bann komanter ki bann *beneficiaries* in pase avek Fon Pansyon.

Nou a rapel poudir Fon Pansyon tou le-z-an i fer son *Annual General Meeting*. I fer sorti en Rapor Anyel. E ou ki en Manm parey mwan, annou pran en lentere dan sa bann zafer. Koumsa nou kapab met nou bann konsern de lavan.

E plis ankor, nou soutenir Fon Pansyon dan tou fason ki nou kapab. Aköz *actuary* in dir; pour li reste soutenab, kontribisyon fodre i 18poursan.

Me si nou ti entrodwir 18poursan se pour tan, tou dimoun ti pou sot anler tir seve dan latet, aköz i pou tro bokou lo nou saler.

So, *provided* ki *panel* i kapab dir nou apre poudir

menm ler zot pou'n pey sa bann dimoun *from January 2025*. E apre letan nou pe get lavenir, i pou reste soutenab.

Sa personnelman mon lentere ladan, i se ki mon pa anvi ki letan mwan mon pou ariv mon laz retret 65 an, ankòr dan 12 an, pou annan problem ek Fon Pansyon. Mon pa pou kontan ditou.

E se pòrtan – se pou sa rezon ki bann dimoun Mont Buxton i konn sa byen. Sak fwa mon zwenn zot dan kominote, mon fer en konversasyon avek zot lo Fon Pansyon.

Mon dir zot, antre dan Sekter Formel, kontribye. Pli enportan, servi fon volonter koman en *retirement fund* pour ou. I a benefisye ou. Mazin byen lo la.

Kekfwa ou lasante ou pe bezwen al fer entervansyon. Twatir ou lakaz in ler pou sanze. Ou anvi al fer en voyaz lo en *cruise* ki ou'n reve toultan, ou pa'n ganny loportinite.

This is one way. Akòz sa larzan ou pa kapab touse nenport ler. *Either* ou servi sa. Ouswa ou servi *shares account* dan *Credit Union* koman ou *retirement fund*.

So Mr Speaker, mon ava fini lo la. Mon krwar ki i en bon lamannman e mon pou siporte. Mersi bokou.

MR SPEAKER

Mersi Onorab. Onorab Sultan, ou annan laparol.

HON VALDANA SULTAN

Mersi Mr Speaker. Bonzour Mr Speaker. Bonzour Minis ek ou delegasyon. Bann koleg Onorab.

Mr Speaker, i avek en sans responsabilite ki mon osi mon anvi dir 2 pti mo lo sa *Bill*. Mr Speaker, sa sanzman dan sa Prozedlwa i - pour mwan i pe reprezant en zefor kolektiv pou garanti sekirite finansyel pour tou sitwayen.

Pli espesyalman bann ki'n kontribye bokou dan devlopman nou pei pour plizyer lannen.

Mr Speaker, mon santi ki sa lamannman i enn tre benefisyel pour tou nou sitwayen. Sa i akòz i a fer ki en sitwayen i a kapab tous son pansyon parey sa *Bill* i dir, e kontinyen travay an menm tan apre ki in ariv son laz retret.

Sa i a osi fer ki tou sitwayen i ava viv avek plis dinyite. Akòz zot osi zot a konnen ki zot in pran zot responsabilite.

Mon mazin ki sa Lalwa i a petet ankouraz plis dimoun. Ki swa ou konmans fer kontribisyon volonter anver zot pansyon. Ou menm ogmant sa ki zot deza pe fer, pou fer ki sa reveni ki zot a –

zot a gannnen a la fen i a vin – i ava vin enn en pe plis.

Mr Speaker, sa lamannman pe osi fer ki nou bann dimoun ki pe ariv laz retret pa pou bezwen asize ler zot pe ariv sa laz retret, konmans fer 'bayon dibi.' Eski mon pou kontinyen travay, oubyen mon pou pran mon pansyon?

Sa i a fer parey ou'n dir, fer zot kontinyen travay. Petet menm, sa bann dimoun ler in ariv laz retret zot kapab dir; be *ok*, mon'n ariv laz retret. Mon anvi kontinyen travay. Mon annan kouraz pour mwan donnen. Mon annan lanvi pour mwan kontinyen travay.

Me petet sa pozisyon ki mon ladan i annan bokou responsabilite atase avek. Me mon anvi kontinyen travay. I kapab sanz son louvraz al rod en lanplwa. En lot louvraz avek mwens responsabilite. Petet menm avek mwens saler osi.

Akoz i pou osi konnen ki, mon annan mon pansyon laba. Mon pansyon pou ariv tan. E parey Fon Pansyon i dir, i konnen poudir avek son pansyon i pou viv ere. Zot ava annan en swa pour zot kontinyen kontribye pour pei e vyei dan dinyite.

Mr Speaker, la mon profite osi pour mwan adres bann zenn. Akoz sa sanzman ki pe ganny anmennen i pa

konsern zis bann dimoun ki pe retrete.

Me i pe osi konmans – pe osi ankouraz bann zenn ki zot ki pe antre dan en lanplwa, konmans fer sa kontribisyon volonter si zot pa'n zanmen fer.

Me si zot osi santi zot pare pour zot kapab ogmant sa ki zot pe fer, fer li. E sa i pa pour zis bann ki dan lanplwa formel. Bann ki dan lanplwa enformel osi.

Petet bann parey nou dir zot dir zot travay *freelance*. E souvan sa bann dimoun ki nou pe dir zot travay *freelance*, zot pa pe fer. Zot pa pe peye en kontribisyon pour zot pansyon.

Alor, mon pe servi sa zour ozordi la ki nou pe koz lo sa lamannman pou ankouraz zot pey en pansyon. Akoz demen ou pa ava annan zis ou Sekirite Sosyal pou viv lo la.

Ler ou a'n fer sa kontribisyon, i a ed ou annan en sekirite en fondasyon finansyel ki stab. Ki soutenab osi. Pour ou kapab annan en lape dan ou lespri ki demen mon lavi pou osi meyer, pou osi byen ki ler mon annan en saler.

E pou fini Mr Speaker, mwan mon pe envit tou bann Manm Lasanble pour nou donn sipor sa lamannman lo sa *Bill*. Donn sipor sa *Bill*.

Akoz sa i pe fer ki nou fer sir ki demen i pli meyer pour tou nou sitwayen, parey mon'n dir. Sa sanzman i pa zis enn lo papye. Me i en sanzman dan nou lavi. En sanzman dan nou fitir ek en lespwar pour nou pep. Mersi Mr Speaker.

(APPLAUSE)

MR SPEAKER

Mersi Onorab. Mon annan bann Manm ki pe kontinyen lev lanmen. Mon annan 2 Manm ki'n lev lanmen en pe resaman la. Eski i annan okenn lot Manm ki pou entervenir?

Ok. Dan sa ka mon a pran sa 2. Vi ki zot in lev zot lanmen tar, mon pou dir zot gard zis 10 minit. E apre nou a pran bann *Leaders'*. Onorab Loizeau?

HON NORBERT LOIZEAU

Mersi Mr Speaker. Bonzour VP avek ou delegasyon. Mr Speaker, avan mon al direktman lo *Bill*, mon ti anvi zis fer enn de komanter lo Fon Pansyon.

Dabor mon dir mon anvi felisit Fon Pansyon pour sa bon travay ki zot pe fer. E zot in menm kapab vin ek en lamannman ozordi dan Lasanble pou soulaz bann dimoun ki ti pe rankontre serten lenzistis.

E pou kontinyen Mr Speaker, mon anvi zis met lo rikord, vi ki mon pe tande ki par lot kote latab ki Gouvernman pa pe fer naryen. Nou napa naryen pou fer pou ed dimoun.

Mon anvi fer resorti ki Fon Pansyon ti annan en moman ti pe azir konman en labank. Sa ti dan bann lannen 2016 an desandan.

Kot Fon Pansyon ti pe servi larzan kontribisyon ki nou, nou pe peye. ki Lepep Seselwa ti pe pey dan Fon Pansyon pou donn *loan* zot lekor. Mon krwar VP pou mazin sa tre byen.

Kot en senp pti sekreter ti pe ganny li – e ti napa lentere lo la. En senp pti sekreter ti pe ganny R200mil pou aste en pti *Kia*. Me sa ki pli o *CEO* an montan, zot ti pe ganny ankouri milyon, *flat rate* napa okenn - Sa i enportan ki nou met lo rikord ler mon pe tann sa bann keksoz.

E nou ler nou'n vini nou'n fer sir ki tou sa dezord ki ti pe arive dan Fon Pansyon, in ganny met ater. E la ozordi, mon satisfè ek lafason ki Fon Pansyon pe travay.

Mr Speaker, mon anvi siport sa lamannman. Enn, aköz parey Onorab Hoareau in dir ek plizyer Manm, ti annan en lenzistis ki ti pe arive.

E i fer mwan mazin ti annan en moman kot atraver

bann dimoun ki ti pe ganny demande pou aret travay a en serten laz.

Kot mwan mon ti trouv mon pe komik avek Fon Pansyon a plizyer fwa pou gete ki mannyer zot kapab ganny zot larzan en pe pli vit. Akoz menm zot ti'n ganny met deor, zot ti pe rod lezot travay. Zot ti ganny dir ki zot vye.

E la mon mazin enn mon zanmi ki mon kapab nonm son non, Roland. Li a 59 an i ti ganny dir sorti dan son travay. E i ti sey rod en travay. I ti ganny dir ki son laz i eleve. Alors zanmen in ganny travay.

Kot mon ti vwar mwan pe koz avek Miss Nisreen, *CEO*. Mon krwar i rapel. Pour li fer serten demars pour sa msye kapab ganny son larzan pour li kapab *survive* lo la. Akoz i ti ganny met deor. E souvandfwa sa bann ka la, sa bann dimoun ti ganny forse pou kite. Pou sorti.

E la mon osi mazin en madanm dan mon distrik ki ti travay kot Ledikasyon. I pa ankor ganny 63 an, son lannen avan i pe ganny dir i bezwen *resign* pou donn *post* en lot dimoun.

Kot mon ti war mwan ganny trouve pe *call* Prezidan, *call* Minis Ledikasyon dir; sa madanm i ankor for, i ankor kapab travay. Akoz ki i bezwen arete? E la i ti ganny retournen

dan son travay e kontinyen travay.

E Mr Speaker, e sa bann dimoun, zot ti aktiv. Ler mon get sa dimoun ki mon pe koz lo la, sa madanm pour 63 an, ou pa pou krwar. I ti annan sa lafors konmsi pour li kontinyen travay. E i ti pe ganny dir.

E la, avan i ganny 65 an, i pe ganny dir i bezwen sorti. E sa Mr Speaker pe arive par lekel? Par serten dimoun kot son landrwa travay ki anvi enn son zanmi vin pran sa plas.

Akoz li sa madanm li i pa dil ek zot. Pourtan sa madanm pres 40 an i travay laba. E la petet avek sa ki pe arive la, sa madanm ava kapab reste dan son travay.

Mr Speaker, ler nou kit bann dimoun sa laz ki'n ariv 65 an ki ankor anvi travay. Mr Speaker, sa i ed zot viv en pe pli lontan.

Akoz mwan mon konn dimoun dan mon distrik ki'n ganny demande pou kit lanplwa aköz in ariv laz retrete, ki pa'n viv ankor plis letan. Aköz?

Souvandfwa bann dimoun, ou konnen zot ti annan sa labitid travay. I annan i tonm dan en depresyon. Me selman zot pa pe dir zot fanmir zot.

Selman eternalman zot pe tonbe dan sa depresyon ki tap zot for e ki apre ou osi

tande madanm entel in kit nou. Msye entel in kit nou .

Se sa rezon. Akoz i ti aktiv. I ti ankor for. Me zis soudennman i ganny dir i bezwen ganny retire, zis aköz son laz.

Me selman Mr Speaker, dan mon parkour i annan serten departman ki i annan dimoun ki ti pe ansarz bann pozisyon. Zot in *resign* dan sa pozisyon aköz ganny retreat.

Selman mon war zot *still* pe kontinyen vini pou travay konman swa konsiltan, ouswa *part time*. Malgre i annan en dimoun ki'n pran zot *post*.

Akoz olye kite, petet atraver sa Lalwa si ti'n vin pli boner, sa dimoun pa ti pou bezwen kite pour li kapab apre al rod en pti tyak konsiltan *or part time*.

I ti a kapab la dan sa *post* pour ankor detrwa lannen. 65, 66 an, 67 an ziskan ler li i ti ava deside retere. I annan serten landrwa ki mon'n pase i annan sa pe arive.

E an terminan Mr Speaker, mon anvi dir ki vreman ler mon get sa Lalwa, pou annan serten benefis ki pou anmennen pour sa bann dimoun.

I annan pe dir pou napa larzan dan pos. Mwan mon krwar i annan keksoz ki pou antre. E ler ou get byen, parey Onorab Henrie in eksplike. Mon pa pou repete.

I pou ganny son lapey. Son pansyon retreat. E son Fon Pansyon ki i pou gannnen. E lo son lapey naryen pa pou ganny tire. Sa pou en gran rekonfor pour zot Mr Speaker.

Akoz souvandfwa, sa bann dimoun sa laz la, parey Onorab Arissol i kontan dir, se zot ki pe okip sa bann pti zanfan. Aköz zot paran swa i dan drog. Swa i dan lalkol. Ouswa i dan nenport kalite keksoz ki pa byen.

Ouswa zot dan en lanplwa enformel. Souvandfwa se sa bann dimoun ki pe okip sa bann marmay. E dan mon parkour dan distrik mon war bokou sa mwan. E atraver sa, i pou permet zot ganny en pti pe plis pour zot kapab soutenir zot lakour.

E la Mr Speaker, an terminan osi, mon anvi – mon anvi enplor ek nou bann zenn. Annou pran en lanplwa formel. Aköz ler zot ganny en difikilte parey Onorab Arissol in eksplike.

Zot ganny en *injury*. Zot *end up* pe al rod en larzan kot Sosyal. Zot *end up* kot Lasante ki gratwit. Ki zot, zot pa kontribye naryen. Kot lezot dimoun i kontribye. Zot *end up* laba pour zot ganny sa servis.

E souvandfwa i annan ler i al laba pou ganny sa servis, zot ganny difikilte. Zot menm zot ki konplent plis. Me selman zot, zot pa pe

kontribye. Zot pa dan en lanplwa formel. Zot prefere *cool casual* ganny en pti larzan vitman. E sa i annan bokou zenn ki ladan.

An terminan mon anvi dir ki mon ti a kontan war plis zenn antre dan lanplwa. Pour ki petet i a ede pour nou kapab annan plis larzan pour nou kapab met dan sa bann fon. Pour zot ler zot in ariv en serten laz retret, zot osi zot ava benefisye. Mersi Mr Speaker.

MR SPEAKER

Mersi Onorab. Onorab Gill, ou annan laparol.

HON CHURCHILL GILL

Mersi Mr Chair. Bonzour *panel*. Bonzour tou dimoun prezan. Mr Speaker, sa lamannman devan nou, leklersisman ki mwan mon ti le gannyen avek *panel* lo la.

Enn, ki mon remarke se dan *short title* nimerò 2 in koz lo seksyon 16 dan sa *Act*. Me selman i pa'n reflekte okenn landrwa lo dokiman ki nou annan.

Whereas premye ki pou *deemed* pou *have come into operation* le 1er Zanvye, zot in klersi anba byen. Ki zot *mean by* sa? Me olye sa seksyon 16, li mon pa vwar li lo dokiman ki nou'n gannyen.

Lot leklersisman ki mon ti a kontan gannyen ek *panel* se, baze lo sa 2 rezon prensipal

ki sa *Bill* in vin devan nou. Enn se pou sanz sa – *instead of retirement age*. Pou fer li *age pension*.

In annan konversasyon konsernan met larzan dan pos. Zis ou kalkile. Me selman mwan mon ti anvi konnen konbyen dimoun dapre rikord Fon Pansyon, ki pou *eligible* enn fwa ki sa *Bill* i pase, pour zot ganny zot – ki swa zot deza pe ganny pansyon. Oubyen zot pou ganny pansyon.

E zot pou osi kapab kontinyen travay parey sa *Bill* pe demande. Konbyen dimoun nou pe fer referans avek baze lo zot rikord?

Dezyenm klarifikasyon ki mon ti a kontan zot donn Lasanble se, sa bann dimoun ki pou benefisye avek sa dezyenm parti sa Lalwa konsernan zot kondisyon lasante.

Si zot kapab dir nou – mon konnen regilasyon nou pa pe *cite* regilasyon la. Akoz i pa devan nou.

Me selman mazorite keksoz pou determinen baze lo regilasyon an term kriter sa bann dimoun ki pou annan sa bann problem lasante ki pou benefisye avek sa provizyon.

E an menm tan, ki *formula*? Sa osi i pa kler. Pour nou, pour nou *at least* annan en nide; be konbyen sa bann dimoun i sipoze gannyen si zot kalifye dapre kriter ki Fon

Pansyon i pe deside zot annan dan zot plan?

An menm tan, si pou annan sa bann diferan kalite maladi ki pou kalifye anba la. Sa osi si nou ti kapab ganny en nide kwa ki zot pe *anticipate*.

Akoz, lakantite peyman ki pou fer i pou depann lo lakantite dimoun ki kalifye anba sa bann kriter ki zot, zot pou mete.

E an di-z-an sa, eski zot kapab osi dir nou ki kantite kou ki Fon Pansyon pe antisipe enn fwa ki zot in fer sa regilasyon, ki pou kout zot pour sa bann dimoun ki pou tonm dan sa kategori benefis an term lasante?

E si zot deza annan sa bann prozeksyon? E ler Lalwa i pase la, trwa kar lannen 2025, konbyen zot *anticipate*? Pour 2026, 27 si zot annan en nide ki kantite ekstra pou kout Fon Pansyon baze lo sa Prozedlwa ki zot pe met devan nou?

An menm tan, mon ti a kontan osi zot donn en leksplikasyon lo sa *clause* – lo sa *monthly age pension* anba sa Lalwa ki zot in donn nou. Sa i anba *Amendment Section 31 (4) (c)*.

Mon ti a kontan ganny en leksplikasyon lo al. Akoz dapre zot, sa ki pou kalifye bann dimoun anba 28 – anba *clause* 28. Sirtou bann dimoun ki zot,

zot in pran *early retirement* avan sa Lalwa.

E apre zot in dir ki sa bann dimoun ki'n pran *early retirement*, si zot in ariv zot *age retirement* ler zot ti – *sorry*. Ler zot in pran *early*, zot pa ti ankor ariv zot *age retirement*. Me selman zot ti pe ganny *proportionately*.

Apre zot in dir ki i annan serten kriter an term kontribisyon kantite lannen. E sa i annan dan serten ka ki sa bann dimoun pa pou kalifye ler zot ariv sa laz ki sa ki nou ti apel li *retirement*. Ki zot, zot pe sanz sa laz.

Si zot kapab eksplik sa 2 *clause*. Akoz i annan en pe detay ki petet ti a bon pour piblik konpran ki konmsi egzaktaman zot pe dir ek sa. E dan ki sans ki bann dimoun ki pou tonm anba la? Si zot kapab ganny en leksplikasyon.

E mon dernyen klarifikasyon ki mon ti a kontan. *Given* la ki zot pe regard sa bann keksoz, eski Fon Pansyon osi i pou revwar son *mode* son bann fason ki i fer biznes pour zot kapab...?

Vi ki la zot pe konmans avek – *basically* pou vin en *extra expense*. Avan sa, zot ti napa sa bout. Ler ou annan problem lasante, sa pa ti pe ganny peye kot zot. I en nouvo. Zot kapab koriz mwan lo sa

enn. E i vedir ki pou annan en *additional expense* lo pansyon.

E ki fason zot pe mazin re moderniz zot lapros pour zot kolekte plis reveni e pour zot, si – apre si i annan lezot propozisyon ki zot deza pe diskite, pou amelyor lo sa bann ki zot in met deva nou la? Mersi Mr Speaker.

(APPLAUSE)

MR SPEAKER

Mersi Onorab. Mon pe regard letan. Nou pou termin deba avek sa 2 *Leaders*'. Me pour nou nobou termin dan en moman rezonnab, mon pou demann zot pou gard *limit* 15 minit sakenn.

E apre nou a bezwen pran poz e apre, apre midi mon espere ki *panel* napa okenn difikilte pou retournen pou avek nou. Menm si nou ti'n boukte zot zis pour bomaten.

Apre midi nou a pran repons lo deba e osi Staz Komite pour lamannman. Onorab Pillay, mon a donn ou laparol.

HON SEBASTIEN PILLAY

Mersi Mr Speaker. Mr Speaker, mon – mon'n vwar sa *Bill* dan son premye iterasyon ki i ti vini. E mon bezwen dir pou dir sa *Bill* i met nou dan en sityasyon konplike

Lasanble Nasyonal ozordi. Tre konplike.

Mon pou eksplike aköz. E mon ti a kontan ki nou pa pran sa konman okenn polemik politik. Me plito pran li konman en largiman serye ki nou bezwen fer. Lasanble pa kapab zis *vote* lo sa Lalwa aköz Gouvernman in anmennen.

Nou tou ki la nou konnen poudir en dimoun i travay. Labaz sa Lalwa letan nou pe koze, *the main gist*, tou dimoun i travay. *Right?*

E nou tou nou travay nou fer nou kontribisyon. E ler nou ariv en serten laz, nou ekspekte poudir a sa *pensionable age* nou pe ganny sa kontribisyon.

E nou tou nou travay dan diferan kalite louvraz. I annan nou ki travay nou ganny en lapey 50mil, 60mil, 70mil, 75mil. I annan dimoun ki travay i a ganny bokou mwens.

E ler nou ariv sa *pensionable age*, nou ganny nou pansyon e tou bann lezot keksoz ki asosye ek ki mannyer pansyon i ganny determinen. Sa nou konpran.

Prezan nou'n annan sa deba lo laz pansyon e mon pa pou retourn ladan. Aköz, si nou fer sa *then* nou pa pou fer zistis vreman sa size ki devan nou ozordi.

Aköz en size serye dan lesans ki nou pe koz lo en

group dimoun ki pou kapab kontinyen travay apre ki'n ariv laz pansyon. Sa ki nou pe koz lo la, la.

Nou pe fer li posib parey sa Lalwa i dir, “*elect to draw the age pension upon reaching the prescribed pensionable age while continuing to be employed*”.

Prezan mon largiman i vin lo en baz *fairness*. Pran en travayer ki ganny apepre R10mil tou le mwan. E i ariv li *pensionable age*. E i kapab kontinyen travay pour li kontinyen ganny sa R10mil.

Son pansyon mon pa krwar i pou plis ki R3mil a R4mil. Mon pa krwar i pou plis. R5mil. Annou dizon i ganny R5mil en pansyon. So i pou ganny li R15mil.

Me sa travayer ki egalman ganny sa loportinite anba sa Lalwa, i osi pe ganny menm loportinite ki en travayer ki pou ganny bokou plis. E la nou koz lo sa size *fairness* ki mon le vin lo la. E mon le ki *panel* i konpran mon largiman la.

Ler mon dir i konplekse pour Lasanble Nasyonal, aköz mon pa kont sa. Si en dimoun i anvi kapab kontinyen travay e i anvi kapab kontinyen kontribye. Nou devret donn li loportinite pour li kapab kontinyen kontribye.

Aköz apre tou, bokou dimoun ler i pran *retirement*, i

war difikilte pour li rebran son lavi. E bokou zot, zot ganny bann problem lasante ki zot pa ti gannyen ler zot pe travay.

I annan ki ganny depresyon. Aköz zot ti abitye bann dimoun *busy* pe fer en kantite keksoz. Me *suddenly* zot *retired* e zot napa bokou.

Get bann ansyen *teachers*. Bokou i le retournen. Kantmenm zenou i fermal. Kantmenm leren i fermal. Zis *at least* pou ganny sa *drive*.

Aköz levan bomaten pou al travay bomaten *is your main drive*. Ou konpran? Me ler ou napa. Ou pe leve bomaten ou dan *retirement*. *Ok*. Si ou plante ou al deor ou get ou fler. Si ou kontan fer en lot aktivite.

Be ler sa aktivite in fini, ou lespri ki'n pas 40 an son legzistans. Oubyen menm 50. 50 an son legzistans, pe fer en keksoz ki ou ti kontan. I *suddenly* pa pe kapab fer sa keksoz.

So ou anvi *call* ou landrwa travay pou dir li poudir mon le kontribye. Mon le dir sa. E souvandfwa ler ou le ganny sa loportinite pou kontribye, ou landrwa travay ki annan bann nouvo zenerasyon. I dir ou vini, espere. En *meeting*.

E ou santi poudir dan en landrwa kot petet dan lepase ou ki ti fer en dimoun espere pour en *meeting*. Ou ki pe espere pour en *meeting*. So i

annan sa problemm ler en dimoun i *retire*.

Now, annou vin lo sa size *fairness* prezan ki relye ek sa. En kategori dimoun ki pou ganny afekte avek sa par egzant. Mon ezitan pou pran legzanp Speaker Lasanble. Me mon pa fer li aköz ou laz.

Be admeton ki nou annan en dimoun ki Speaker ki'n ariv li *pensionable age*. Ek son saler Speaker ki i pe gannyen e sa saler.

Annou tir Speaker dan zwe, annou met en lot dimoun. Aköz mon pa le ganny war konmkwa mon dir mon pe fer politik avek sa.

Annou pran en Ziz par egzant, ki son saler i tre o. Me i pou *still* kapab *draw* son pansyon ler in ariv *pensionable age*.

So ou annan ou 2 dimoun. Enn ki pou viv lo R15mil. Enn ki riske pe viv lo, *I don't know*. Pres R80mil. Eski – eski i *fair*? Eski i *fair*? *I mean*, mon konnen tou Lalwa i annan en kategori ki ganny afekte. Me eski i *fair*?

Mon pa kont. Mon pa kont sa. Me pour mwan i en keştyon difisil pou reponn aköz, *i don't feel it is fair*. Annou pran par egzant en Vis-Prezidan ki nariv *pensionable age*. *Right*.

E eski, mannyer Lalwa in prevwar *interestingly* la. In ariv *prescribed pensionable age*.

Kapab pran son pansyon. *At the same time*, i kontinyen fonksyonnen konman en Vis-Prezidan.

It's like, yes. Saler en Vis-Prezidan i dan 70 an montan mil Roupi. *Plus* bann lezot *perks*. E i ganny son pansyon. En *PS*. En Direkter Zeneral ki'n ariv sa *pensionable age*.

So, largiman fondamantal ki nou pe sey fer la se, nou toultan bezwen prevwar ki Lalwa i vin pa zis en *public good*. Me en *social good*. I benefisye sosyalman lo *ladder* sosyal. Tou dimoun parey.

Be devan nou, nou annan en Lalwa ki son merit, *whilst* lo en kote i prevwar pour en keksoz ki byen. Lo lot kote dan mon lopinyon, dan mon lespri, i frot o bor sa ki Konstitisyon i dir *in terms of fairness and equitability within our society*.

E prezan ki mannyer nou, nou dil avek sa sityasyon ki nou ladan ozordi? E mon ti a kontan konpran prezan en lot keştyon. Aköz ki Gouvernman in deside pou anmenn sa Prozedlwa a sa moman la?

That's the key question pour mwan. *Why now*? Mon pa oule dir Mr Speaker. Me eski Gouvernman i oule fer faver serten kategori dimoun ki benefisye anba sa Lalwa?

Me si sa i leka, *then* sa gran mazorite dimoun ki pou ganny zis R15mil *plus* son pansyon ek son saler an plis. Sa i pa en benefis pour zot.

So pour mwan la i *raise* en kestyon lentansyon ki sa Lalwa in vin avek. Malgre ki nou tou nou pou aplodi ki en dimoun ki'n ariv *pensionable age* e ki anvi kapab kontribye, i devret kapab fer son – fer son kontribisyon.

Mon tann mon koleg Deputy Speaker pe dir, Mr Speaker, lo lot kote, ki zanmen pou annan *the right time*. Nou tou lede nou politisyen. *But let's agree to disagree* ozordi, Onorab.

There is such a thing as the wrong time also. E mwan mon krwar la ozordi pour mwan, *the timing is off* aköz - mon pa le servi term kolokyal ki tou dimoun i le servi dan semen. Me, ki annan en lapo bannann. Pa pour nou glis lo la. Me ki Gouvernman in glise lo la, e prezan i war li dan en sityasyon kot i bezwen anmenn sa Prozedlwa devan Lasanble.

E nou bezwen *être* fran. Koman en politisyen mon bezwen *être* fran. Mon pa kapab per en group dimoun e pa dir san ki mon krwar. E petet VP ou kapab dezagree ek mwan.

I normal pour nou dezagree. I normal pour 2

imen dezagree. I normal pour 2 dimoun dezagree. Napa naryen mal ek sa. Be nou ava dezagree avek respektan lopinyon kanmarad.

E mwan mon lopinyon i se ki i annan en group dimoun ki met presyon lo Gouvernman pour ki Gouvernman i anmenn sa Lalwa.

Ou ava dir mwan non. Ou ava *deny*. Ou ava prezant lefe devan nou, e Lepep i ava zize si mwan ki pe koz sa ki korek. Nou pa pe koz laverite la. Nou pe koz sa ki korek. Oubyen si Gouvernman ki pe dir sa ki korek.

Akoz kot nou'n arrive la ler nou pe koz en Lalwa koumsa, mon napa letan pou al fer *political jabbing* oubyen *point scoring*. Aköz i afekte bokou dimoun, dan lesans ki son *unfairness* ki i kree dan lafason ki i pou ganny enplimante. *And i don't see it as fair.*

Me *it doesn't excuse* ki i annan merit. Se sa ki mon'n dir i annan en konpleks. Aköz *on the one hand*, ou anvi ki sa dimoun ki pe travay kapab kontinyen e ganny en lot *additional income*.

But on the other hand, ou pou annan en group dimoun ki zot *income will already be very high* e pe ganny en *additional income*.

So the gap between – mon pa le servi sa 2 term, be

mon bezwen servi. *The gap between the rich and the poor* dan nou pei pou kontinyen ogmante.

Now, nou, nou en parti ki progresiv. E en parti progresiv i bezwen regard keksoz dan ki mannier ou redwir sa *gap*. *And this will contribute to increase the gap.*

So si fondamantalman sa ki sa Lalwa pe prevwar pou fer – la nou pa pe koz lo – nou pa pe *nitpick* lo bann keksoz ki dan sa Lalwa. Nou pe *focus* lo son *main objective*. Son *main objective*.

Si fondamantalman nou annan sa *discrepancy* ki egziste, *then* i enportan ki nou adres li pour Lepep konpran deor. I enportan ki nou eksplik zot kwa egzakteman ki sa Lalwa pou anmennen pour zot.

Akoz dan en benefis lonterm, *probably yes. Probably yes*. Be ou kapab kont lo ou ledwa ki kantite dimoun Sesel ki kapab kontinyen travay, pas *pensionable age*. Or ki *legally – legally are able* pou kontinyen travay *past the pensionable age*. E sa i en keksoz ki nou bezwen – nou bezwen regarde.

Finalman Mr Speaker, mon le koz lo en *disconnect* petet ki egziste. *Assuming* ki Onorab Georges pa ganny re elekte Mamelles, e i retourn konman en Manm

Proporsyonnel dan Lasanble e in ariv laz pansyon.

E konman en Manm Proporsyonnel i ganny peye konman – mon pa konnen si pour *Leader* Lopozisyon sa letan. Sel pwen politik ki mon a fer pour ozordi.

Me Onorab Georges i ganny son saler. E eski i pou osi *draw* en pansyon? *Because he's reached pensionable age. Now if ever there was an example* ki pou Lepep Seselwa deor debout e mazin en kwa ki – *what this really means*.

Pa aköz li Onorab. *It could be okenn MNA for that matter*. Aköz get sa. *MNA* i lo en premiz ki ou pa kapab *draw* – *and this is interesting*. Ou pa kapab *draw 2 saler from consolidated fund, granted ki Pension Fund* i pa *consolidated fund*.

The premise i se ki ou ganny peye as en *MNA and that's your dues*. Si ou annan en biznes, *that's another thing*. Ou konpran? *So sort of Government state old funds* konmsi, ou ganny dwa *draw one. One*.

E menm dir ou pou dir ler – *when it comes to pansyon*, si par egzantp mon ti en Minis. ou ti *MNA*. Oubyen ou swazir sa enn i ki ti pli o.

Kantmenm ou'n fer 4 an Minis or *whatever*, ou bezwen swazir sa enn ki pli o. Ou pa

kapab ganny pansyon Minis e *MNA at the same time.*

So toultan i annan en derogasyon dan Lalwa ki montre toultan Lalwa pe sey dir ou poudir i bezwen annan en derogasyon. Avek sa ki nou pe fer, nou riske napa sa derogasyon. *And this is what mon pe konsernen about.*

I'm not saying there's anything wrong with the drafting or the poor wording. The Bill is correct. Correct. Well done.

That not the issue. E se sa, sa bann deba ki nou bezwen fer. Bann deba serye pour nou kapab kestyonnen lentansyon *behind the law.*

E mwan Mr Speaker, mon pou ekout atantivman largiman Vis-Prezidan pour li *convince* nou *on the benefit.* *It's not a political argument,* akòz nou pe koz –

Sa bann dimoun ki pou benefisye. Mon pa konnen. Napa ni US. Napa ni LDS. Napa personn la. I Seselwa ki pou benefisye ek sa.

It could be a teacher ki'n ariv *retirement age* ki anvi kontinyen travay. *It could be a nurse* ki'n ariv *retirement*, ki kontinyen travay. *Provided* Ledikasyon e Minister Lasante i les zot travay.

And it also could be a Judge ki li i kapab travay *up to* mon krwar *70 years.* *So it could be anyone.* So annou

gete si nou kapab fer sa largiman *based on that premise.*

E etabli *whether or not* sa merit *on which* nou pe paz nou lekor, *where the Bill should stand.* E sa *Bill* i devret pase devan Lasanble, *is one that touches on the basis of fairness and what is equitability within* en sosyete demokratik parey pour Sesel.

Mon pou ekout atantivman prezantasyon – *i mean* konklizyon, *Right of Reply* Vis-Prezidan. E nou pou al *Committee Stage*, e nou a kapab, avek ou permisyon Mr Speaker safwasi, *even* lenportans sa Lalwa.

Si ou permet pour ki nou kapab demann serten kestyon ki *merit stage* pa permet nou pou demande e letan ki ou'n donnen pa permet nou sertenman pour nou kapab kouver.

Avek sa mon pou termin la Mr Speaker, e mon remerci Lasanble Nasyonal e tou dimoun ki'n swiv mwan, ki'n ekout mwan pour zot latansyon. *Thank you,* Mr Speaker.

MR SPEAKER

Mersi Onorab. Onorab Georges?

HON BERNARD GEORGES

Mersi Mr Speaker. Mr Speaker, permet mwan pou

konmans avek 2 repons a lentervansyon Onorab Pillay. Premyerman Ziz. In mansyonn sa mo Ziz plizyer fwa.

Koze Onorab. Les mwan koze. Mon pa'n enteronp ou ditou ler ou ti pe koze. *Afford* mwan menm kourtwazi silvouple.

MR SPEAKER

Onorab.

HON BERNARD GEORGES

In mansyonn sa mo Ziz plizyer fwa. Me mwan mon kapab dir li ki sa se move legzanp ki in servi.

Akoz avan sa ladministrasyon – e mwan mon konn sa tre byen. Avan sa ladministrasyon, bann Ziz ki ti ariv 65 an - Lalwa i permet zot travay ziska 70 an, ti pe ganny zot saler Ziz e zot pansyon.

Donk, i pe demann en kestyon ki repons i la kler devan li. Si i ti'n fer en sou resers, i ti'n konnen ki larepons son kestyon.

Dezyenmman, pran mwan konman en legzanp. Mon'n fini ariv laz pansyon mwan. Depi 7 an mon'n fini ariv laz pansyon mwan. E ler mon'n ariv laz pansyon, laz pansyon ti ankor 63 an.

E mon konnen. E i konn tre byen aköz in reponn son kestyon li menm. Si mon retournen – e mon pa pou retourn konman en Manm

Proporsyonnel Mr Speaker. Sa i – sa i en *joke*.

(APPLAUSE)

HON BERNARD GEORGES

Si mon retournen mon pou kapab pran en saler avek Lotorite Konstitisyonnel. Setadir, Lasanble.

Mon pa pou kapab pran mon pansyon Lasanble e mon saler Lasanble an menm tan. Mon bezwen pran enn oubyen lot. In fini reponn sa kestyon. Alor mon pa konnen ki akfer fodre i al rod en lager kot i pa bezwen.

E se sa annan de fwa ki nou bezwen demande. Eski Lepep Seselwa zot konnen kisisa sa Parti US? Eski zot konnen kisisa sa bann dimoun? Be si zot konnen ki *agenda* sa bann dimoun, si zot ariv o bor pouvwar en zour dan sa pei...

(Interruptions)

HON BERNARD GEORGES

La mwan mon *irrelevant*. Li taler tou sa bann zafer ki in koze, li i ti *full relevant* li. Mon'n reste trankil mon'n ekout li.

Li fodre i pas en komanter lo mwan. Silvouple Onorab, aprann – aprann ekoute parey nou lo sa kote latab nou aprann ekoute.

Al en vers – al en vers lot *Leader* dan sa Lasanble Nasyonal Mr Speaker. Mwan mon vwar sa Prozedlwa devan nou konman en lot letap.

En lot pa dan sa semen modernizasyon, *empowerment* ki sa Ladministrasyon *LDS* in anmenn pandan sa 5 dernyen lannen pour nou nasyon Sesel.

I annan 2 keksoz ki sa Lalwa pe montre tre kler. E 2 legzanp ki i pe donnen lo aköz sa Ladministrasyon i devret reste la pour ankor 5, 10, 15, 20 an ankor.

E premye se moderniz nou pei. Retir li dan sa bann sistenm ki zot apel progresis ozordi. Be ki nou, nou konnen i apel sosyalis. Remet li lo en semen modernizasyon.

Dezyenmman, donn swa. *Choice*. Donn en swa Lepep. Pa fer son swa pour li. Pa fer son swa pour li. Pa dir, ler ou ariv 65 an oubyen 63 an ler i ti ete, ou bezwen aret travay, al dan klib trwazyenm az. Al fer pronmnad lo lans Beau Vallon, eksetera.

Les sa dimoun deside. Si i anvi fer sa i a fer li. Be si i anvi kontinyen travay, i a kontinyen travay.

E trwazyenm keksoz se responsabilite. Donn en responsabilite en dimoun, fer li pran son swa dan son lanmen. Deside.

Mwan mon'n ariv 63 an. Mon'n fatigue travay. Mon'n travay dir dan mon lavi. Mon pansyon avek mon Sekirite Sosyal i ase pour mwan viv.

Mwan mon ava travay dan mon pti zarden. Oubyen mon a vey mon bann pti zanfan. Oubyen mon ava al zwe *golf or whatever* ki ou anvi fer.

Me osi les sa enn ki anvi travay, parey ou ek mwan Mr Speaker. Aköz nou tou lede nou'n ariv laz pansyon, me nou ankor pe travay. Donn sa bann dimoun ki anvi travay loportinite pour zot kontinyen servi zot pei.

E sa nou pou war li atraver tou domenn. En *teacher* in ariv 65 an i anvi kontinyen kontribye. I annan posibilite. I annan lafors. I annan lentelizans. E zot bezwen li. Les li travay. E si i bezwen ganny en lapes an plis ki son pansyon. *Well, fair and fine*.

E la Mr Speaker, mon pa konpran lozik enterven an avan mwan. *Fairness*. Ki en Ziz li i pou ganny bokou plis larzan ki en dimoun ki - annou pran sa legzanp; en *teacher*.

Be sa i *obvious* Mr Speaker. Avan sa dimoun in pran son retrait, deza sa Ziz ti pe ganny plis larzan ki sa *teacher*.

So alor, ki ou anvi fer? Ou anvi dir, sa ki anvi travay –

akoz sa se sistenm sosyalis.
Level from the bottom.
Progresis dapre zot.

Alor sa ki ou anvi fer se dir avek sa Ziz ki ariv 65 an; ou kapab kontinyen travay. Solman ou pou ganny menm saler ki sa *minimum wage* ki sa dimoun ki li i lo *minimum wage*, i anvi kontinyen travay.

Akoz nou, nou krwar dan *fairness*, nou anvi *level from* – be lekel ki pou fer sa? Lekel ki pou fer sa?

Ou war Mr Speaker, annan de fwa - annan de fwa lozik - lozik sa bann dimoun i esap mwan konpletman. Kekfwa mwan ki bet. Kekfwa mwan ki pa konpran.

Me solman, en keksoz ki mon konnen Mr Speaker se ki sa Gouvernman, sa Ladministrasyon atraver sa Lalwa, i pe montre nou ki mannyer en pei modern i devret travay. Ki mannyer ou devret larg lanmen dimoun pour zot fer zot swa zot menm.

Si zot anvi travay, travay. Zi zot anvi pran zot pansyon, pran zot pansyon. Me si zot anvi travay anmezir ki zot pran zot pansyon, zot bezwen ganny en *reward*. Akoz zot pe travay pli lwen ki lezot.

E dezyenm keksoz ki sa Ladministrasyon pe fer. Se asire – asire ki i annan *fairness*. Ki atraver ou Fon Pansyon avek ou Sekirite Sosyal ou a kapab ansanm

arrive anmenn dan lakour en sonm larzan ki pou permet ou viv dan dinyite. Se tou.

E si nou pa ankor arrive, e ou krwar ki ou bezwen ankor en pti pe plis. Akoz pa tou dimoun apre laz retret ki pou travay aköz zot anvi travay. I annan ki pou travay aköz zot bezwen travay.

But this is the – sa se lavi Mr Speaker. Personn pa'n promet nou, apard Karl Marx ki zot adore. Personn pa promet nou ki lavi pou en lavi fasil. Lavi i difisil.

I annan dimoun ki pa arrive laz pansyon. Mon prop papa in kontribye Sekirite Sosyal tou son lavi. In mor avan i kapab konmans tous en pansyon. *But this is life! This is life.*

Me i annan en lot bann dimoun ki pou ariv laz 110 an e zot pou kolekte zot Sekirite Sosyal tou le-z-an. *That's life. Their good luck.* Me nou vin lager avek sa? Mon anvi anmenn *fairness*.

Centralized – centralized economy. Sa se sa ki zot anvi fer. Zot ki pou deside. Tou keksoz pou sorti *Maison Du Peuple*. Komite Santral. *Anyway*, zot pou kontinyen asiz *Maison Du Peuple* pou ankor enn de semenn.

Me laba ki i pou sorti. Tou desizyon pou sorti laba. Nou, nou pou bezwen swiv.

Egzakteman parey i ti ete ler zot ti o pouvwar.

E nou fini sove sa. Nou'n sorti dan sa bann demagozi Mr Speaker. Nou'n antre dan en sistenm modern kot responsabilite i vin responsabilite endividyel.

Kot nou *empower* dimoun. Kot nou met divan anba zot lezel. Kot zot ki deside ki zot pou fer avek zot lavi. Pa en Gouvernman.

E alor Mr Speaker, les mwan konklir koumsa. Nou tou nou konnen ki ozordi *70 is the new 50. 80 is the new 60*. Mon manman – mon papa in mor avan ki in kapab tous son Sekirite Sosyal.

Mon manman i annan 89 an. Fek gannyen. Non, i pou al gannyen la semenn prosen, le12. I ankor travay 7 zour par 7. 7 zour lo 7.

Akoz? Akoz i anvi. Akoz i kontan. Akoz i gard li zenn. I gard li aktiv. I pa zis li tousel. I annan en kantite dimoun koumsa.

Kantite dimoun partou ki anvi viv koumsa e ki anvi fer li akoz i donn zot en lazwa. I donn zot en satisfaksyon. I donn zot bonn sante. Me ou pou dir li; *sorry*, ou pa kapab fer sa. Al dan klib trwazyenm az. Be ou pou anter li vitman.

Alor Mr Speaker, annou konpran tre byen ki sa bann zafer *bridge in the gap*, sa bann zafer *fairness* i en

demagozi. I en parol ki pa fer okenn sans lo kestyon pansyon ek lo kestyon *retirement*.

Akoz, parey mon'n dir e mon repete. Sa ki nou Ladministrasyon in konpran e ki zot, zot pa ankor konpran. Se ki an matyer pansyon – an matyer pansyon i annan 2 faktè ki ou bezwen regarde.

Enn se les sa dimoun annan son swa. Se pour sa ki Fon Pansyon i permet ou fer en kontribisyon personnel. Si ou anvi en pansyon pli gro, ou kapab fer li. Personn pa obliz ou fer li. Me si ou anvi, ou kapab fer li.

Si ou anvi fer en *savings*, si ou anvi monte desann *Dubai* tou le semenn, i ou swa, me si olye fer sa ou anvi met ou larzan de kote pour li grosi. Sa se ou swa. *This is the choice* ki pep Seselwa i anvi. E se sa *the choice* ki zot pou gannyen le 27 Septanm.

E dezyenm keksoz, se asire atraver tousala, ki tou dimoun, san eksepsyon i annan en *minimum* pansyon e Sekirite Sosyal ki permet zot viv dan dinyite.

Avek sa de barenm Mr Speaker, ou annan en sistenm ki perfe. E ki tanzantan ou pou bezwen *tweak* parey nou pe fer li la ozordi.

Nou'n bouz en kantite depi *Pension Fund* in konmanse kot kontribisyon ti

R50 sakenn. Nou'n bouz en kantite depi laz – depi Sekirite Sosyal ti en keksoz ki Mr Rene ti donn ou R50 tanzantan ler i ti son laniverser.

Nou'n bouze lo la. Nou'n sorti dan sa bann sistenm. Nou'n ariv lo en sistenm *prochoice. Pro individual - individual responsibility*. Se sa sistenm Ladministrasyon Ramkalawan.

E Mr Speaker, dernyen mo. Akoz mon'n tande ki – mon war ki sa pa'n tous lo la ditou. Mon ti pe demann mon lekor ler Vis-Prezidan in entrodwir sa *Bill* bomaten, in dir an Kreol ki nou pe sorti – nou pe sanz sa mo pansyon retret pou vin laz pansyon.

Annefe, i pa egzakt. *Obviously* nou bezwen sanz sa non akoz *it's no longer* en *retirement pension*. Akoz ou kapab ganny en pansyon ler ou pa'n *retire*.

Alors se pour sa rezon ki zot in dir ou a ganny ou pansyon ler ou'n ariv en serten laz. Pa ler ou *retire*, akoz sa ki nou pe fer se permet ou travay apre ki ou ti'n sipoze *retire*.

Donk, nou pou nepli kapab *call* li – apel li en *retirement pension*. E se pour sa rezon ki an Angle nou apel li en *age pension*. Akoz i *kick in* ler ou ariv en serten laz.

Me an Kreol, mon krwar i pansyon retret ki nou pe tire. E nou pe met en keksoz ki apel

pansyon laz. Pa laz pansyon. Akoz laz pansyon i 65 e i ava sanz an mezir ki nou bezwen sanz.

Alor i ava vin en keksoz ki nou apel en pansyon laz. Ki pa fer okenn sans. Ki en vilen fraz. Se pour sa rezon mon mazine ki i pa'n servi sa. *But basically, that's the idea*.

The idea se ki nou pe sorti lo en sistenm ki fors ou *retire*. E donk, ou annan sa *retirement pension* pou vin en sistenm kot ler ou ariv en serten laz, ou *eligible* pour ou pansyon. Me ou kapab kontinyen travay.

E se sa labote sa *Bill* devan nou. E se sa labote sa Ladministrasyon ki nou siporte isi dan sa Lasanble. Mersi Mr Speaker.

(APPLAUSE)

MR SPEAKER

Mersi Onorab. Bon, a se pwen nou a bezwen pran poz. Vis-Prezidan, mon a remersye ou partisipasyon *so far* e nou a war ou ek ou delegasyon apre midi. Mersi. Lasanble a repran 2er 30. Mersi. 1432hrs.

(BREAK)

MR SPEAKER

Bonn apre midi tou dimoun. Mersi pou repran. Nou ariv lo pwen pour Vis-Prezidan fer

son repons lo deba. Vis-Prezidan, ou annan laparol.

VICE-PRESIDENT AHMED AFIF

Mersi bokou, Mr Speaker. Bonn apre midi tou bann Manm Onorab e tou dimoun a lekout.

Mr Speaker, premyerman les mon a remersye tou bann Manm, parey labitid ki'n fer zot komantr lo sa *Bill*. E i annan ki'n demann plizyer kestyon.

Me mwan mon ti le – mon ti le senpleman fer en rezimen vit lo sa *Bill* li menm. E an realite Mr Speaker, ler mon'n ekout tou bann entervansyon, mwan mon vwar plis benefis dan sa *Bill*, ki nenport kwa.

Par egzansp, sa *Bill* ki i pe demande i tre senp. Pour bann ki ankore kapab. Bann dimoun ki'n pas laz 65 an ki laz pansyon e i anvi travay. Me an menm tan i anvi osi ganny son pansyon. Li i kapab fer sa si i deklare.

En lot group dimoun, bann ki ankore kapab, in pas laz 65 an. I anvi kontinyen kontribye pour li ganny plis pansyon, zour li i deside aret travay. Li osi nou donn li sa swa.

Trwazyenmman. Bann ki ankore kapab in pas 65 an i osi. Me li in mank kriter pou ganny en pansyon. I pa ankore fer sa 10 an kontinyel. Oubyen 20

an, an tou ki in travay in akimile.

Alor, vi ki la ou pe donn li sa sans kontinyen travay, kontinyen kontribye, li i anvi travay pour li kapab zwenn kriter pour li ganny son pansyon demen. Alor, benefis tou le 3 ka ki mon'n nonmen, dimoun i pe benefisye.

Dezyenmman, sa *Bill* i pe ed bann dimoun ki'n trouv zot dan en maler. Ki zot in ganny en keksoz medikal, fizik ou mantal kot zot bezwen aret travay avan zot laz pansyon.

Alor la, bann ki'n zwenn tou bann kriter, zot pou ganny zot en pansyon regilye. E pour lezot ki pa zwenn sa bann kriter, zot kapab ganny ranbourse zot kontribisyon avek lentere.

Mwan pour mwan onnetman Mr Speaker, kan mon pe regard sa, mon pa vwar okenn kestyon lazistis oubyen *fairness* ladan. Mon pa vwar mon. Menm si nou pa pas sa *Bill*.

E ozordi ou en Ziz, ou en dokter, ou en profesyonnel. Ou pe deza pe ganny plis ki en sekreter oubyen en administrater. Oubyen nenport lezot *post* ki annan.

Sa se pa en lenvansyon sa Gouvernman ki la. Parey Onorab Georges in dir taler; se larealite lavi ki koumsa ozordi.

E si ou saler i pli o, byensir ou pansyon pou pli o

demen. E si ou saler i pli ba, byensir ou pansyon pou pli ba. Se pa en lenvansyon sa Gouvernman. Oubyen ki ganny entrodwir dan sa *Bill*.

Mr Speaker, mon krwar si nou regard en pti pe bann lezot komantr ki bann diferan Manm in mete, mon krwar tou bann Manm i resanti sa ki mon'n dir la bomaten.

Ki vreman i annan plis benefis. E ozordi anba sa lamannman, nou pe senpleman donn bokou plis dimoun en swa.

Eski pou annan en kou lo Fon Pansyon? Se enn bann rezon ki sa *Bill* anefer pa'n vin deswit. Akoz, Fon Pansyon ti bezwen en pe letan pour zot zwenn avek zot *actuary*, e pour zot travay lo tou bann detay pou gete si pou annan en lenpak.

E larepons se, non. I pou napa en lenpak lo Fon Pansyon. Akoz bann sif ki zot in gannye par egzant, i pou annan bann dimoun ki zot krwar i kapab vin reklanmen ki zot anvi kontinyen travay. Me ganny zot pansyon. Dizon 126 dimoun an tou.

Alor, i pa pou vreman vin en kou lo Fon Pansyon. Apard ranbours bann kontribisyon ki'n ganny fer depi Zanve sa lannen.

E selon bann kalkilasyon ki zot in fer, sa bann ranboursman i kapab ariv

ziska R3milyon. Me zis pour sa lannen, akoz sa pe ganny entrodwir.

Apard sa, bann dimoun, de tout fason ler zot par la 65 an ti pou ganny zot pansyon. Sa ti'n deza programen dan bann peyman ki Fon Pansyon ti pou fer. Alor i pa vin en kou ekstra lo Fon Pansyon.

Me lo lot kote, i annan bann ki ti pou swazir pour zot kontinyen fer zot kontribisyon. Alor Fon Pansyon ti pou kontinyen anmas larzan e pa peye ziska ler sa dimoun a en serten laz, li i deside i donn notis konmkwa i anvi aret fer son kontribisyon. E i anvi ganny son pansyon.

E la Fon Pansyon pou pey li en pti pe plis ki i ti pou pey li. Me vi ki in pey en pe plis li osi, alor ler ou get lo balans i pa pou afekte Fon Pansyon e son bann finansman.

Si mon kapab al lo bann lezot komantr ki'n ganny leve. Par egzant, Onorab Arissol ti demann detwa kestyon. Eski Gouvernman dan pe revwar Fon Pansyon, par egzant i devret revwar bann lezot *scheme*?

E byensir, Gouvernman pe toultan regard dan plizyer *scheme* ki annan ozordi. Enkli, *scheme lakaz*. Ki mannyer nou kapab ankouraz bann labank par egzant, pou ed bann dimoun ki'n ariv en serten laz

pour zot kapab ganny bann pti loan.

Pa lonterm parey ou ti pe dir. Pa lonterm. Me a kourt term. Sa ki mon konpran, bann labank in annan en ezitasyon. Nou, nou pare pou kontinyen koz ek zot.

Me *Credit Union* mon konpran i ti pe met serten notis e *advert* konmkwa li i ti pare pour li konsidere. Pour son ban manm, byensir. E sa nou, nou ankouraze nou.

Eski bann dimoun pou anmenn se zot plis larzan? Be, definitivman. Malgre ki mon'n tann serten Manm ki dir zot pa konnen kwa ki annan ladan ki pou anmenn plis larzan.

Be byensir pou annan serten manm ki pou anmenn plis larzan kot zot. Akoz? Akoz ler i ariv 65 an, li i decide kontinyen al travay. Alors i pou ganny en larzan. Me an menm tan, i pou kontinyen ganny son pansyon.

Be byensir sa dimoun pou ganny plis larzan. Sa ki pa war sa, mon pa konnen lo ki *planet* i viv. Oubyen anba ki kalite kalkilasyon zot fer.

Eski sa bann dimoun – ou ti demande Onorab. Eski zot pou bezwen en *medical report* si zot anvi kontinyen travay?

Larepons se non, parske zot ti pe travay ziska 65 an. Zot ti an bonn sante. E se zot volontermen ki'n anvi

kontinyen travay. Si zot anplwayer i decide ki li i krwar sa dimoun i bezwen *medical report*, li i a fer sa.

Me Fon Pansyon li i pa pou vin dir ek sa dimoun; be non, pour ou kontinyen travay, anmenn ou *medical record*. Li i pa pou ensiste lo la. Sa dimoun i ava fer son demann. E sa i a ganny zwenn.

Onorab William ti demande – ti plito sizere ki lenformasyon lo Fon Pansyon i devret annan en pti pe plis pour dimoun konnen ki pe pase.

Fon Pansyon i asir mwan ki zot fer otan lavertisman ki zot kapab pou fer dimoun konnen sa ki zot fer. E sirtou, ou ti dir pou fer zot ankouraz bann kontribisyon volonter. Parske sa i pou ed zot.

E ou ti osi fer en komanter ki ou santi i pa normal ki dimoun parfw a i esper plis ki 1 an pou ganny zot – sa ki zot devret gannnen.

Mon ganny asire par Fon Pansyon ki tou bann peyman i ganny fer ase vit. Sof dan bann ka kot i annan kot – e i pa bokou. I annan en dimoun ki par egzantp in travay, in fer son kontribisyon pansyon li.

Me byensir, parey ou konnen, se pa li ki peye. Son anplwayer ki peye. Me i annan de lenstans kot anplwayer pa'n peye li. Pour en serten nonm lannen oubyen mwan.

Aprezan, ler i pou vin fer kalkilasyon, zot pou get ki kantite in kontribye. Li i dir in ganny tire lo son saler. Me selman ler zot get lo zot liv, i pa leka.

E se la kot parfwa i annan keston legal ki monte. Sa i pran en pe letan. I annan bann lezot lenstans - be sa i pa bokou. I en pe rar.

I annan bann lezot lenstans kot en dimoun, malerezman in perdi son lavi. E prezan ou annan bann dimoun ki pe rod benefis anba la.

I annan provizyon pou peye pour bann lezot dimoun. Me selman, souvandfwa i annan sa keston lekel ki devret gannyen.

E sa osi parfwa i pran letan. Se pa lafot Fon Pansyon parfwa. Se, ou bezwen ganny egzekiter ki - oubyen bann lezot dokiman legal pou prouve poudir sa dimoun i sa dimoun ki sipoze ganny sa larzan.

Me selman zot, zot fer otan ki zot kapab pour en dimoun kapab tous son larzan pansyon pli vit posib.

Onorab Henrie ti pe demande, si i soutenab? Wi Onorab, definitivman i pou soutenab.

E nou krwar poudir avek sof pour sa lannen kot zot pou annan 3milyon, probableman *backpay* pour bann

kontribisyon ki'n ganny fer. Apard sa, zot *actuary* pa vwar okenn difikilte ladan.

Onorab Gill ti'n demann en keston lo seksyon 16 lo komansman *Act* i fer referans. Lo seksyon 16 i pe fer referans seksyon 16 dan sa *amendment*. Pa seksyon 16 Lalwa Pansyon li menm.

E seksyon 16 sa amannman i koz - i al direktman lo bann dezabilite e ki mannyer sa i ganny peye. Alor i parfetman normal. E son *backdate* i Septanm 2024. E alor sa i parfetman annord. Ti lentansyon sa *Bill* li menm.

E lafason ki dimoun i ganny peye i baze lo en formil. So par egzamp, si sa dimoun in deside pour li pas 65 an. E i deside ler i ariv 67 an ki li prezan i pou pran son pansyon. Tou sa letan i pa pran. Me selman i kontribye.

A laz 67 an dizon, se la ki zot a kalkil son pansyon ki li i pou gannyen. So, i baze lo formil ki pou ganny fer. E se Fon Pansyon ki pou kalkil sa formil, parey zot pe fer ozordi. E dan menm fason ki zot pe fer ozordi. Sa Lalwa pa pe sanz okenn sa provizyon.

Mr Speaker, mon krwar apard sa, mon vwar poudir Fon Pansyon, sa Lalwa ki pe anmennen i enn ki pou vremen donn plis swa pour tou Seselwa. E tou dimoun ki en manm Fon Pansyon.

E avek sa, i pou permet pei an zeneral kapab benefisye plis avek son lafors travayer. E nou konnen nou menm poudir lafors travayer i toultan en defi pour nou. Akoz Fon Pansyon in vwar en pti rediksyon dan lakantite manm ki li i annan.

Par egzanp dan – depi 2022 ziska la ozordi, zot manm in sorti – in redwir sorti 44mil pou vin 43mil. E sa pandan en peryod 2 an. Pardon. En peryod 4 an, alor i montre poudir – i montre poudir i annan en rediksyon dan kantite dimoun ki pe travay, ki pe kontribye e ki pe benefisye.

E sa i deza montre nou poudir i enportan ki a tou moman zot regard tou mekanizm ki gard zot debout e ki fer sir ki a lonterm zot finans i bezwen reste soutenab. Sansan si sa pa leka, nou pou fer en ditor Fon Pansyon.

Me sa lamannman ki la ozordi i pou ede pour bann ki ankore kapab, swazir pour zot kontinyen travay. Pa pran en pansyon, me kontribye. E pran en pansyon petet en pti pe pli o, ler zot deside pran li.

Oubyen, senpleman kontinyen travay e pran ou pansyon. Ou pa kontinyen fer kontribisyon. Se sa, sa lamannman ki nou pe anmennen.

E finalman, nou pe osi dir pour bann ki ganny bann dezabilite. Nou pe ofer zot sa posibilite atraver sa amannman, ki apre 1 an ki i kler zot pa'n kapab travay.

E sa *Functional Assessment Board* i vwar poudir zot pa pou kapab. E alor otomatikman, apre 1 an zot – si zot zwenn kriter zot kapab ganny en pansyon. Si zot pa zwenn kriter, Fon Pansyon i a rann tou zot kontribisyon avek lentere ki annan.

Alor mon vwar bokou benefis ladan. Mon ti ava ankouraz tou bann Manm pour zot *vote* an faver pour merit sa *Bill*. E ki nou a kapab ozordi pas sa *Bill* parey i ete. Mersi bokou Mr Speaker.

(APPLAUSE)

MR SPEAKER

Mersi Vis-Prezidan. Avek repons lo deba, nou ava apel bann Manm pou *vote* lo Merit Zeneral sa *Bill* dan *Second Reading*. Manm ki an faver, lev lanmen? Mersi. Manm ki kont?

Lo *general merit Seychelles Pension Fund (Amendment) Bill, 2025* – 20 Manm in *vote* pour, 0 kont, 8 abstansyon. *Bill* in aprouve par Lasanble. Madanm Clerk a fer *Second Reading*.

MADAM CLERK

Mersi Mr Speaker. *A Bill for an Act to amend the Seychelles Pension Fund Act (Cap. 220); to provide for the replacement of the retirement pension with an age pension and to allow members with moderate functioning restrictions who are unfit for work for a period of at least one year to be eligible to receive an incapacity pension; and to provide for other connected or incidental matters.* Mersi Mr Speaker.

MR SPEAKER

Mersi Madanm Clerk. Mon war nou annan *amendment* dan sa *Bill*, alor nou a pas dan Staz Komite pour nou kapab pran bann *amendment*. Onorab Hoareau ki pou diriz nou? Yes.

HON JOHN HOAREAU

Mersi Mr Chair. Mr Chair, nou premye lamannman lo sa *Bill* i ganny trouve lo premye *clause*, 3enm laliny. Nou pe tir “0” devan “1” apre “*the*”. Nou pe met en “*st*” *small subscript* anler. So, i lir “01st January, 2025”.

Menm zafer nou pe fer pour 2enm *clause*, 2enm laliny. Nou pe tir sa “0” devan “*the*” 2enm laliny. E nou pe met en “*st*” *at the top* konman en *superscript*. E i vin – i lir koumsa; “01st September, 2024”.

Nou al aprezan lo paz 4 anba definisyon *pension* dan *clause 2 sub3*. 3enm laliny *after the word “to”* nou'n met “*the*”. Olye i lir konman; “*contributions to the Fund*”.

Nou al lo paz 5 anba *clause 4*. 3enm laliny *after the word “member”* nou retir “*submits the member – the members*”. E nou met dan plas sa “*elects to receive their age pension as stated in their...*”.

MR SPEAKER

Thank you.

HON JOHN HOAREAU

So, i pou lir koumsa; “A *member who is eligible for an age pension under section 33(1) shall cease making further contributions to the Fund on the date the member elects to receive their age pension as stated in their application for the age pension to the Fund, and the age pension is to be calculated as at that date.*”

MR SPEAKER

Mersi. Annou ekout Onorab Georges.

HON BERNARD GEORGES

Mersi Mr Chair. Bonn apre midi tou dimoun. Mr Chair, mon oule propoz en *amendment to the amendment*, avek ou permisyon.

Mon pa tro an faver. La e dan 2 lezot, ou 3 lezot landrwa i pou menm komantr. Mon pa tro an faver servi mo “*their*” ler ou pe dil avek en *member in the singular*.

Si Lasanble i swiv mwan, sa *clause i framed in the singular*. “*A member who is eligible to the Fund on the date the member*”. Apre “*elects to receive their age pension*”.

Mon konnen i colloquial. Bokou dimoun i servi li konmela. Me mon pa an faver. E mon ti ava – mon ti ava propoze, san ki nou sanz *the merits of the amendment* ki nou dir, olye “*elects to receive their age pension*”.

Mon ti ava sizere ki nou met “*elects to receive the age pension as stated in the member’s application for the age Pension Fund*”. Sa se mon propozisyon. Mersi.

MR SPEAKER

Mersi. *Panel* i annan okenn preferans?

VICE-PRESIDENT AHMED AFIF

Mr Chairman, nou dakor avek son propozisyon.

MR SPEAKER

Tre byen. *Ok, next amendment* Onorab Hoareau?

HON JOHN HOAREAU

Sa *amendment to the amendment* in ganny note. Alor nou al lo *clause 5 subsection (b)* “*on the date of the member*” – nou retir “*submits the members*”, nou met -

MR SPEAKER

Ou'n dir – ou'n dir “*of*” la. Mon pa war “*of*” dan. Ou a relir silvouple.

HON JOHN HOAREAU

“*On the date the member*” - “*submits the member’s*” i ganny retire *after that*. E nou remet “*elects to receive their age pension as stated in their elects to receive their age pension as stated in their application*”.

Ankor parey in ganny dir. Nou pou bezwen met en *amendment to the amendment*. *Instead of “their” after the word “receive”*. Nou pou met li “*the*”. E osi after “*in*” nou pou met li “*the*”.

MR SPEAKER

After “*in*” nou pou met “*the member’s application*” dapre *amendment* ki'n ganny aksepte? *Ok*. Korek, Onorab Hoareau.

Napa okenn lobzeksyon *on the floor*. *Panel* in fini dakor avek sa *wording*. Mersi. *Next one* Onorab Hoareau.

HON JOHN HOAREAU

Nou al aprezan lo paz 8, Mr Chair, *clause 10. 7enm laliny dan sa paragraph. After the word “for” nou insert “the” e nou tir “an age”.*

12enm laliny. After the word “for” – “applying for”, nou met “the”, nou retir “an age”.

E nou al lo paz 11. Ankor *clause 17 ““Eligibility of members who have attained the prescribed pensionable age as at”.* Nou retir sa “0” avan “01st”.

E nou al lo subclause 2 anba, 6enm laliny. *After the word “the” – “date the”. “application is” i ganny retire. Nou met “member elects to receive their age pension as stated in their application for the pension is”.*

MR SPEAKER

Sa i enn bann *amendment* ki Onorab Georges in fer referans avek ankor. Petet ou kapab relir li mannyer in ganny amande deza, Onorab Hoareau.

HON JOHN HOAREAU

Ok. Byensir Mr Speaker. So, nou pou fer *amendment to the amendment*. Prezan i pou lir koumsa. *Instead of “member elects to receive their age Pension Fund”.*

Nou pou mete; *“member elects to receive the age pension as stated in the application for the pension”.*

MR SPEAKER

“in the member’s application”.

HON JOHN HOAREAU

“member’s application”. Yes.

MR SPEAKER

Thank you. That’s done.

HON JOHN HOAREAU

“member’s application”. Ok, nou al aprezan lo paz 12. Lo paz 12 5enm laliny. *After “date” nou retir “of application to the Fund”.*

E nou met *“The member elects to receive the age pension as stated in the member’s application for the pension lodged with the Fund”.* E sa ti nou dernyen lamannman Mr Speaker. Mersi.

MR SPEAKER

Thank you. Tou bann lamannman ki nou'n swiv mon krwar nou'n fini – *panel* in fini komant lo la. Alor, in ganny aksepte e Manm osi in aksepte.

Alor nou a termin la pour *amendment*. Nou a repas dan Staz Lasanble pour Mosyon pour *Third Reading*.

HON BERNARD GEORGES

Mersi Mr Speaker. Mr Speaker, annakor avek *Order 76* nou *Standing Orders* mon move ki *the Seychelles Pension*

Fund (Amendment) Bill, 2025 as amended, i ganny lir en 3enm fwa. Mersi.

MR SPEAKER

Mersi. Nou a ganny segonnman pour Mosyon. Onorab Esparon?

HON REGINA ESPARON

Mersi Mr Speaker. *Motion seconded for Third Reading.* Mersi.

MR SPEAKER

Mersi. Manm a *vote* lo Mosyon dan *Third Reading*. Manm ki an faver lev lanmen? Manm ki kont?

Lo *Formal Third Reading Seychelles Pension Fund (Amendment) Bill, 2025 as amended* - 20 Manm in *vote* pour, 0 kont, 8 in *abstain*.

Donk, *Bill* in ganny aprouve pour *Third Reading* e Madanm Clerk a fer *Third Reading*.

MADAM CLERK

Mersi Mr Speaker. *This Act may be cited as the Seychelles Pension Fund (Amendment) Act, 2025 and shall be deemed to have come into operation on the 01st January, 2025.* Mersi Mr Speaker.

MR SPEAKER

Mersi. *The Bill is passed.* Mersi bokou. Mersi bann Manm pour zot kontribisyon. Mersi

Vis-Prezidan ek ou *panel* pour partisipasyon lo sa *Bill*.

At this point, nou pou kontinyen avek *Bill*. Me selman nou pou resevwar en lot *panel*. Donk, mon swet *the present panel* bon depar e bonn kontinyasyon dan zot travay. Mersi.

An menm tan, madanm *Hansard* raporter i ava apel lot delegasyon ofisyel pou zwenn Vis-Prezidan.

Bonn apre midi e byenveni Ms Odile Vidot - Direkter *General* pour *Financial Services Development Division* dan Minister Finans, Plan Nasyonal e Komers.

Ms Gayathri Chetty - *Commissioner of Tax, Tax Division, Seychelles Revenue Commission (SRC)*.

E Ms Vania Marimba - *Legal Draftsperson* dan AG's Office.

Zot in zwenn nou pour nou pran *Revenue Administration (Amendment) Bill, 2025*. Nou a ganny Mosyon pour *Second Reading* pour sa *Bill*.

HON BERNARD GEORGES

Mersi Mr Speaker. Bonn apre midi bann dimoun ki pe swiv nou e bann ki'n fek *join* nou.

Mr Speaker annakor avek *Order 69(2)* nou *Standing Orders* mon *move* ki *Revenue Administration (Amendment)*

Bill, 2025 i ganny li en Dezyenm Fwa. Mersi.

MR SPEAKER

Nou a ganny segonde. Onorab Sandy Arissol?

HON SANDY ARISSOL

Mersi Mr Speaker. Bonn apre midi nouvo *panel*. Mosyon Onorab Georges i ganny segonde. Mersi.

MR SPEAKER

Mersi. Vis-Prezidan, nou a fer prezantasyon lo sa *Bill*.

VICE-PRESIDENT AHMED AFIF

Mersi bokou Mr Speaker. Bonn apre midi Mr Speaker, *Leader* Biznes Gouvernman, *Leader* Lopozisyon. Tou Manm Lasanble, tou dimoun a lekout.

Mr Speaker, sa Prozedlwa Ladministrasyon Reveni 2025 pe propoz en seri sanzman enportan dan Lalwa prensipal ki ti ganny adopte an 2009.

Bann reform ki pe ganny propoze dan sa Prozedlwa i fondamantal pou ranforsi kredibilite nou pei konman en ziridiksyon ki serye, transparan e an konformite avek bann standar dan domenn *tax*.

Lobzektif sa Prozedlwa se pou donn pouvwar Komisyoner Zeneral pou enpoz

en penalti administratif lo en dimoun ki pa respekte en notis ki ganny donner anba seksyon 34 sa Lalwa.

Mr Speaker, seksyon 34 i donn pouvwar Komisyoner Zeneral pou demann okenn dimoun oubyen biznes par en notis an ekri, pou fourni lenformasyon, asiste e donn levidans.

Oubyen prodwir bann dokiman e rikord, avek bi pou administre okenn Lalwa Reveni oubyen akonplir en lobligasyon anba en Trete ou Lagreman *Tax*.

Aktyelman, en dimoun ki pa respekte en tel notis ou demann, i konstitye en lofans. E Lalwa pa donn en mekanizm non kriminel dan bann ka parey.

Sa i kit Komisyon Reveni Sesel avek en proses ki ase long. Ki enplik lenvestigasyon par lapolis e prosekisyon par Prokirer Zeneral.

E ler Komisyon Reveni Sesel pe servi sa bann pouvwar pou demann lenformasyon, i souvandfwa akòz i pe asiste avek bann revni lo *tax* ki bezwen ganny fer dan en dele letan rezonnab.

Par egzanp; Pandan ki zot pe fer en determinasyon lo en odit pour zot asire ki *tax* ki pe ganny kolekte i apropiye e anliny avek Lalwa.

Okenn dele ki annan dan resevwar bann tel

lenformasyon i alor kapab koz en risk dan koleksyon reveni koman en pei.

An di-z-an sa, i alor enportan ki sistenm i ganny ranforsi e bann tel dimoun i pa rann li in efektif. E nou bezwen annan rekour pou ankouraz dimoun e lorganizasyon pou korpere, e evit bann retar ki pa neser.

Sa i pa zis pour koleksyon *tax* domestik. Me i osi relevan avek tou bann obligasyon anba bann Lagreman *Tax* enternasyonal.

Pou adres sa bann defi, in ganny rekomande ki sanksyon administratif i ganny entrodwir anba seksyon 34 koman en zouti ranforsman pli fleksib e efikas, san bezwen pourswiv aksyon kriminel dan tou lenstans. Sa lamannman pou donn Komisyoner Zeneral SRC pouvwar pou enpoz en penalti administratif dan sirkonstans, kot apre konsiderasyon i determinen e i satisfè ki in annan vyolasyon dan provizyon anba Lalwa.

An fezan en tel determinasyon, Komisyoner Zeneral pou bezwen pran konsiderasyon sa bann faktor swivan;

Premye; natir e gravite sa kontravansyon.

Dezyenm; nesosite pou asire ki Lalwa i ganny strikteman respekte. E

lenportans egzekisyon penalti, e anpes lezot kontravansyon sa Lalwa.

Si sa dimoun i deza oparavan an kontravansyon avek sa Lalwa. Si sa kontravansyon ti par ekspre, irresponsab ouswa an rezilta neglizans de lapar sa dimoun.

Si lezot dimoun in ganny afekte an rezilta sa kontravansyon. Kapasite sa dimoun pou pey sa penalti. Enkli okenn benefis ki sa dimoun in gannnen an rezilta sa lofans. E osi, okenn lezot keksoz ki Komisyoner Zeneral i konsider koman apropiye.

Mr Speaker, o moman ki Komisyoner Zeneral i decide pou enpoz en penalti administratif lo en dimoun, an prenan kont sa bann faktor ki mon'n fek site, i sipoze servi en notis ofisyel sa dimoun ki pe demann li pou pey en penalti administratif avek sa kantite ki pou ganny spesifye dan sa determinasyon.

Sonm *maximum* – e mon repete, i en sonm *maximum* sa penalti se R250mil par kontrovansyon. Valer egzakt okenn penalti pou ganny determinen lo baz gravite sa lofans e bann faktor ki mon'n mansyonnen.

Okenn penalti monneter ki ganny enpoze lo en dimoun i devret ganny peye dan sa peryod letan. E fason ki ganny endike dan sa notis.

E petet zis pou azoute ki mon'n koz lo en sonm ki kapab ganny vwar koman o. Me pa bliye, nou pe osi dil avek bann *assessment tax* ki tre, tre o. Parfwa, de dizenn de milyon Roupi. E sak zour ki ou pe perdi, i kout larzan pour Gouvernman.

Si sa dimoun i annan okenn lobzeksyon avek sa penalti, i annan drwa met en lobzeksyon. Ki bezwen ganny konsidere par Komisyoner Zeneral, dan menm fason ki okenn lezot lobzeksyon anba Lalwa *Tax* i ganny administre an se moman.

Si sa dimoun pa pey sa penalti dan peryod letan ki'n ganny donner, e kot napa okenn lobzeksyon ki'n ganny fer dan sa letan, Komisyoner Zeneral pou kapab deswit etabli bann letap pou rekiper sa sonm penalti administratif.

Finalman, si en penalti administratif in ganny mete dapre sa prosedir, napa okenn prosedir legal adisyonnèl ki kapab ganny pran lo sa menm ka. Eksepte pou fer sa peyman ganny egzekite.

Setadir, si Komisyoner Zeneral i pourswiv sa penalti administratif, i pa pou kapab pourswiv en ka kriminel pour sa menm lenstans.

Mr Speaker, apre analiz lo lapratik oparavan, in ganny vwar ki i pa fezab pou Komisyon Reveni Sesel pou

servi larout kriminel pour tou bann ka.

Pour bann kontravansyon ki senp kot dimoun pa'n respekte Lalwa, i pe ganny propoze ki zot kapab ganny konsidere pour laplikasyon en penalti administratif. Depandan lo gravite sa bann kontrovansyon.

I pli efikas pou annan en prosedir administratif pou fer keksoz mars pli byen e asire ki prosedir i ganny swiv.

Dan lapratik, i dan lentere koleksyon reveni pou ganny lenformasyon nesese atan. An relasyon avek bann demann ki swa lo kote domestik oubyen enternasyonal.

Sa bann lenformasyon i souvandfwa relye avek lenvestigasyon odit. Oubyen lezot travay ki Reveni Komisyon Sesel pe fer.

E Komisyon Reveni pa ekspekte kapab kolekte reveni a ler si i pa kapab resevwar lenformasyon avek bann trwazyenm parti osi pou kapab reponn bann partener enternasyonal. E nou konnen ki arive kan nou an retar avek nou bann partener enternasyonal.

Lenportans sa lamannman i aplik an zeneral an term koleksyon reveni. Me osi an term respekte nou bann

lobligasyon anver nou bann partener enternasyonal.

Donk, Komisyon Reveni i kapab met en penalti administratif baze lo gravite lenformasyon ki pe ganny demande. E ki mannyer i enpakte sa Komisyon si sa lenformasyon pa ganny resevwar.

Mr Speaker, i bon fer kler ki larout kriminel i ankor aplikab pour bann ka ki pli grav. Me larout administratif i la pou dil avek bann ka non konformite, kot gravite pa telman o.

Sa i a permet bann dimoun konpran ki menm bann aksyon ki zot konsider pa grav, i toultan annan konsekans pou evite annan kontravansyon.

Sa lamannman i ede amelyor loperasyon Komisyon Reveni. E an menm tan, i tir presyon lo lapolis, Biro Prosekiter Zeneral e Sistenm Zidisyer. Kot bann ka senp i kapab ganny rezourd lo nivo administratif.

Finalman, tou sa i ede pou servi larzan *tax* pli efektivman. E avek sa Mr Speaker, mon demann Lasanble pou donn sipor sa Prozedlwa.

E permet nou pei pou kontinyen fer progre dan kad bonn gouvernans, konformite legal e latransparans *tax*. Mersi bokou Mr Speaker.

MR SPEAKER

Mersi Vis-Prezidan pour ou prezantasyon. *Bill* i prezan devan Lasanble pour deba. Manm ki oule entervenir? Onorab Hoareau.

HON JOHN HOAREAU

Mersi Mr Speaker. Mr Speaker, mon pa pou tro long lo sa size. Me selman sa ki mon anvi fer resorti, ki petet *VP* pa'n fer resorti dan son ladres.

Se ki, ozordizour i annan bann lorganizasyon parey *OECD* ki fer bann *review* lo bann size *tax*, biznes, ensidswit. E nou Sesel konman en ziridiksyon, nou ganny *assessed*. Nou ganny *review* lo sa bann keksoz.

E si par egzanp, en lakonpannyen ki zot bezwen lenformasyon lo la. Lenformasyon *tax*, ki sa lakonpannyen petet i anrezistre isi Sesel.

Alor zot bezwen demann avek swa *FSA*, swa avek *Tax* li menm, bann lenformasyon lo sa lakonpannyen. Pou fer sir ki sa lakonpannyen pe pey son bann *tax* kot i *due*.

Alor Mr Speaker, i enportan pour nou konpran poudir sa bann lenformasyon i *very timely*. E si sa bann lenformasyon pa ganny remet *to the third party on time*, i

annan bann konsekans ki agrave avek sa.

Alor Mr Speaker, parey nou konnen an Fevriye an 2023 Sesel ti ganny mete lo en *blacklist – European Union Blacklist* konman en ziridiksyon ki *non-cooperative* lo bann size *tax*.

Akoz ti annan en *case* kot ti annan lenformasyon lo *tax*. Ti date depi 2018. Kot ti annan en *supposedly tax avoidance* par en lakonpannyen.

E sa ti ganny demande – sa bann lenformasyon ti ganny demande avek Sesel, e Sesel pa ti kapab donn sa bann lenformasyon lo en nivo *timely*.

Alor, ti neseseur pour nou revwar en serten nou bann Lalwa lokal. Parey nou *IBC Act* ki nou'n amande. Lezot ankor bann lezot Lalwa ki annan pou fer avek lakonpannyen enternasyonal. Tousala ti ganny amande.

E a lafen 2024 nou'n ganny retire – Fevriye 2024 nou'n ganny retire lo sa *annex blacklist*. E nou'n ganny mete lo en *grey list*.

Savedir nou pe fer serten zefor pour nou amelyor nou Lalwa pour nou kapab reponn sa bann legzisans enternasyonal.

Mr Speaker, parey nou'n vwar poudir sa i annan en – sa bann biznes i *associate* avek en serten risk. E nou pei i

bezwen toultan sofgard son repitasyon. Bann risk repitasyon.

Pou fer sir ki lo kote *OECD e European Union*, napa okenn bann lenpak finansyel lo sa bann tranzaksyon ki ganny mete lo nou, aköz nou pa pe *comply*.

Zis pou fer resorti, i annan bokou pei ki lo sa lalis nwar. I annan parey *American Samoa, Antigua, Fiji, Guam, Palau, Panama, Russia, Samoa, Trinidad and Tobago*.

So i annan deza detrwa pei ki lo sa bann lalis kot zot pa'n kapab ganny – zot pa'n kapab donn sa bann lenformasyon *European Union* a ler.

E sa in fer annan serten aksyon ki'n ganny pran kont zot. Par egzanp bann *remittance*. Bann *withholding taxes* kot sa bann pei pa'n ganny *remit*.

So nou, nou pe pran en pa dan bon direksyon pour nou fer sir ki nou bann Lalwa i annord avek bann norm enternasyonal.

E parey in ganny trouve dan sa morso amannman. I annan 7 kriter ki *Commissioner or General of Taxes* pou bezwen met ankoz avan ki i pran okenn aksyon. Pou gete si sa dimoun in *contravene* sa. Sa 7 diferan kriter.

E gravite parey in ganny dir, lofans, i pou determinen ki kantite sa dimoun pou ganny sarze.

E sa dimoun i annan – oubyen sa lakonpannyen *or whatever*. I pou annan en rekour avek – pour li kapab *lodge* en lobzeksyon avek *Commissioner General* si i santi poudir i annan keksoz ki pa'n ganny adrese.

E si sa pa ganny – si i pa satisfè avek sa, i still kapab met en – anmenn en *appeal* avek *the Revenue Tribunal*. E si *Revenue Tribunal* i pa still satisfè, i kapab anmenn en – anmenn sa ka Ankour kot i a ganny ekoute dan *Supreme Court*.

So alor i annan diferan mezir, *checks and balances* ki pou fer sir ki sa Lalwa pa ganny abize, premyerman. E osi, pou fer sir ki *compliance* e *efficiency* i ganny mentenir atraver nou *tax system*.

Mr Speaker, sa Lalwa parey mon'n dir i pou en Lalwa ki anmenn nou anliny avek bann norm enternasyonal.

Alor, mon pou siport sa Lalwa ki pou fer sir ki nou ziridiksyon i reste touzour en ziridiksyon ki prop, ki transparan.

E ki kapab donn lenformasyon. Fourni lenformasyon azour avek bann legzizans enternasyonal. Avek

sa Mr Speaker, mon ava remersi ou.

(APPLAUSE)

MR SPEAKER

Mersi Onorab. Onorab Pillay, ou annan laparol.

HON SEBASTIEN PILLAY

Mersi Mr Speaker. Mr Speaker, apre midi mon pour fer parey mon'n fer lo lot Prozedlwa. Mon a konsantre lo lesansyel size, mon a kit politik pour mon koleg *Leader* taler ler i vini.

Mr Speaker, nou pe fokaliz lo seksyon 34 Lalwa *and this is where* nou pou reste aköz nou'n deza gannyen sa deba dan Lasanble, lo pouvwar ki nou pe *grant* Komisyoner Zeneral.

E problemm avek sa se ki ou etabli en premis kot desizyon i ganny pran par en dimoun, en endividi baze lo son determinasyon byensir i annan bann lezot lenformasyon.

Me i osi annan potansyel pour annan, si oule lenfliyans ki ganny servi dan sikonstans ban ka. Annou pran premis sa Lalwa li menm. Ler nou gete sa Lalwa li menm i pa pe vreman adres nanryen li. Me i *more* en *requirement*, ki ler mon pe gete nou bezwen annan, *when it comes to* nou *compliance* an relasyon ek lenformasyon.

Fodre nou rapel koman Lasanble, ki enn bann rezon nou ti ganny sa problemn dernyen fwa. Sirtou ziridiksyon Franse sete aköz ezans lenformasyon. E lenformasyon i toultan enportan dan konteks bann sityasyon *tax*.

Alors i nesese ki si ou pa pe kapab kolekte sa lenformasyon. Mon konpran sa i normal, en keksoz natirel aköz i pa pour posib a tou moman pour ou kapab ganny tou lenformasyon ki oule gannyen.

Me fodre ou annan en deterrent ki anpese ki si en dimoun pa donn lenformasyon premye fwa, i pa anvi fer li dezyenm fwa.

So ou anpes bann kontravansyon ki ganny fer e se sa ki mon war kot Lalwa pe pozisyonnn son lekor. Sa i byen sa mon napa problemn avek sa.

Me selman kot mon komans ganny konsern, se sa term ler Komisyoner Zeneral i satisfè ki e dimoun in *contravene* provizyon sa seksyon. E la i kapab *impose* en *administrative penalty*.

Sa ki ti ava nesese pour Vis-Prezidan fer, eksplike pour kominote biznes e tou dimoun ki pe ekout nou. Se eski Gouvernman aktyel son *policy* se *deny* en dimoun rekour

devan Lakour an sa ki konsern en kontravansyon ki'n fer?

Akoz mon dir sa Mr Speaker? Aköz ler nou regard nou Konstitisyon, nou tou nou sipoze annan tretman egal devan Lalwa. E nou *subject to* en seri Lalwa ki permet nou pour nou zwir sa bann *freedom* ek bann *choices* ki nou annan.

Zisteman parey bann biznesmenn i annan, me la ki nou pe dir ek zot? Nou pe dir poudir *ok* nou *still* annan provizyon mon krwar seksyon 47, si mon pa tronpe.

An sa ki konsern *criminal proceeding* me an se ki konsern sa ki la. Ou pe dir mwan ki Komisyoner Zeneral pour annan sa pouvwar pour *impose* sa *administration penalty*. *So it's a lot of power to lodge into an individual.*

Kantite pouvwar sa. So i annan en nesese pour asire ki ou bezwen fer sir poudir ou *comply* avek bann demann pour met sa *fine* lo sa endividi ki'n komet sa lofans.

Enportan sa, i bezwen annan en striktir an plas. E sa ki pa'n arive la apremidi ler zot in prezant sa Lalwa, zot pa'n dir nou sa.

Zot pa'n dir nou lo ki baz zot in dir nou pour annan sa pouvwar me zot pa'n dir nou lo ki baz i pour etabli sa. Ki mannyer sa lenformasyon pour vini? Ki mannyer sa pour

ganny fer, pour ki Komisyoner Zeneral finalman dan son determinasyon ler i satisfè, i dir ou li ki satisfè.

Li i satisfè poudir i devret enpoz en *administrative fine*, lo en endividi kelkonk. Prezan ler nou desann, ler nou desann pli ba e nou regard lezot provizyon sa Lalwa. Nou vwar bann derogasyon ki li Komisyoner Zeneral i sipoze pran an konsiderasyon, ler i pe *impose* en *penalty* anler anba seksyon 3(A) konmsi.

E pour lenformasyon piblik sa penalty i lir koumsa, i dir ou koumsa poudir ler Komisyoner Zeneral i satisfè ki en dimoun in kontravin en provizyon sa seksyon. Komisyoner Zeneral, i annan pouvwar pour li enpoz en penalty administrativ ki pa plis ki R250mil an relasyon ek sak kontravansyon ki sa dimoun in fer.

Si enn dimoun in fer 4 kontravansyon, i pa R250mil, i tonm R1milyon. I dir an relasyon avek sak kontravansyon ki i annan dimoun in fer.

So R250mil i par en *total sum* li, i pour sak kontrovansyon ki sa dimoun in fer. Sa ki *panel* ti devret dir nou osi dan ou prezantasyon se, normalman eski i annan bann dimoun ki fer plis ki en kontrovansyon?

In which case, dan plas ki sa dimoun pour pey sa *fine* R250mil pour al pey si i fer 3, 750mil, si i fer 4 R1milyon.

So nou, nou bezwen konnen si baz lenformasyon ki zot annan i permet nou pour konnen, si i annan dimoun ki'n fer plis ki en kontravansyon? Eski sa *fine* i vin R250mil?

E mon konpran largiman ki nou pe koz bann *tax assessment* ki serye. Me nou bezwen osi mazine poudir en biznes, i pa egziste pour pey *tax* i egziste pour kree larises. I egziste pour devlop en laspe ekonomik.

E si biznes pa egziste, i pa kapab fonksyonnen, *then* i pa kapab pey *tax*. Gouvènmman pa kapab kolekte reveni pour met dan son bann program sosyal.

So i annan en *link*, dan fer ki biznes i kontinyen fonksyonnen e ganny promote e devlope pour li fer plis. E en biznes pa zis pey *tax* atraver biznes *tax*, i pey *tax* lezot *tax* ankor.

Son travayer, e pey *income tax* pour zot, i pey Fon Pansyon son travayer. I *provide* finansman pour bann servis. So i annan tou - ler ou regarde mwan mon krwar poudir parfwa nou pa get - nou get en biznes tou an izolasyon avek son *tax* ki i peye. Me pe an izolasyon avek

son kontribisyon ekonomik ki i anmennen an zeneral Mr Speaker.

Dezyenmman ler nou vin lo sa bann provizyon. Ler i koz lo, si en dimoun in *previously contravene any provision of this Act*. La prezan nou pa kler avek sa provizyon. Sa Komisyoner Zeneral i annan pouvwar pour *impose an administrative penalty*. Yes. I *impose* en penalti administrativ i fer sans.

Me pour ki rezon i annan sa derogasyon si in fer en kontravansyon anba sa Lalwa? Ki arive ler i fer sa kontravansyon? Eski i pa reganny sa penalti, si in fer kontrovansyon anba sa Lalwa avan?

Oubyen eski i pour ganny en lot penalti an plis ki sa enn ki in fer? So, sa i bezwen ganny fer kler aköz ou pa konnen si sa in dir nou i en derogasyon, zis in dir nou poudir i pour pran sa an konsiderasyon avan ki enpoz sa penalti.

Mon pe prezimen ou pe dir poudir in deza fer en lot fot anba Lalwa e i pe ganny pini anba en lot seksyon Lalwa. Alors i pa kapab ganny pini en dezyenm fwa la.

Or eski ou pe dir i kapab ganny pini ankore enn fwa la? *In which case mon pa krwar it means the budget really means*

ki sa dimoun sa dimoun pe ganny pini de fwa.

Sa i en keksoz ki nou bezwen konsidere. Malgre ki la in koz lo en kontrovansyon, en pinisyon anba seksyon 34 spesifikman Mr Speaker.

Prezan *then*, nou vin lo sa dernyen pwen. *Ok so*, nou'n etabli tou bann baz ki Komisyoner Zeneral pour pran konsiderasyon avan i enpoz sa penalti.

Be *then* nou vin lo sa *(b)(vii)* kot nou dir ek li koumsa poudir, okenn lezot keksoz ki Komisyoner Zeneral i konsider apropiye.

Mr Speaker, sa i en *catch-22* pour tou biznes. Okenn lezot keksoz ki Komisyoner Zeneral i konsider apropiye i en pe vag. Tre vag.

Petet ti ava byen, si *panel* i kapab donn nou en lendikasyon ki bann keksoz, eksplik bann kominote biznes bann dimoun ki pe ekout ou.

Ki bann keksoz ki sa ki en Komisyoner pour konsider apropiye dan sa sirkonstans. Aköz i fasil pour sa pouvwar Mr Speaker, ganny abize. Dan le sans ki ou'n fer kontrovansyon, ou'n fer en fot me ou ganny dir poudir ou fot i aköz seksyon 7.

Mon enn pti pe konsernen *about* sa seksyon Mr Speaker, koman en Lezislater. Aköz i donn, nou'n deza donn en kantite pouvwar

Komisyoner Zeneral. Me malerezman nou pa pe *check* sa pouwvar avek en lot keksoz. Ti ava neseseur pour *panel* eksplik nou, kwa ki zot konsider bann lezot keksoz ki apropiye pour Komisyoner Zeneral konsidere si pour donn sa *fine* oubyen non?

Akoz se sa ki mon pe konpran la. Sa i bann keksoz ki ganny konsidere si pour donn sa *fine* oubyen non, Mr Speaker.

Prezan Mr Speaker, i dir ek nou koumsa poudir sa dimoun ki *aggrieved* par en desizyon Komisyoner Zeneral, i pour kapab fer en *objection* annakor avek seksyon 15.

Be Mr Speaker, ler nou get seksyon 15. Eski i adekwa pour dil avek en *appeal* kot Komisyoner li menm ki'n determinen pour ki rezon ou pe ganny en penalti?

Sa ki en problem la, Mr Speaker, konpran? Akoz Komisyoner li menm – sa pouwvar in dir mon kapab donn ou en penalti, baze lo sa ki mon krwar i apropiye. Me *then* mon oule ou *appeal* lo sa *ground* ki mwan mon krwar i apropiye.

How do I – ki mannyer mon pour prouve poudir sa *ground* ki ou'n donn mwan sa *appeal* lo la, sa *fine* lo la, pa apropiye. Nou kapab *go back to* par egzant bann lezot keksoz parey en *deliberate*

reckless or cause by negligence.

Nou kapab al lo la. Konpran, aköz nou kapab dir poudir ou ti negligans aköz la, la, la, larezon.

Nou kapab dir poudir i annan *loss or damage* ki'n ganny *incur*. Konmsi i annan bann keksoz ki fer kler anba sa Lalwa ki mannyer nou kapab *lodge en appeal*.

Be sa baz pour mwan *lodge en appeal* lo la i bezwen annan en kler, en keksoz kler pour mwan kapab anmenn mon *case* devan. E *challenge* desizyon Komisyoner Zeneral si mwan mon'n ganny *fine* anba sa provizyon Lalwa.

Me seksyon 15 *is not adequate enough* pour en biznes fer sa. *It's not*. Dan mon lopinyon, sertenman okenn dimoun i kapab pa tonm dakor avek sa ki mon pe dir. Be dan mon lopinyon, i pa ase.

So eski zot in konsidere dan sirkonstans kot en *appeal* i fel ki rekour sa dimoun i annan? Mon pe mazinon son sel rekour ki i pour annan.

Ankor enn fwa *I stand to be corrected*, se pour li al *challenge* e demann en *judicial review* dan desizyon ki'n pou'n ganny pran. Me tou dimoun ki ou pour koz avek i dir ou en *judicial review* i pa en keksoz ki sitan fasil pour *come to fruition*. Ou pour menm kapab

trouve ki pour arive atraver en *judicial review*.

So ou kapab konpran ki manner i pour annan en difikilte, anbigite la. Mwan mon konpran aköz sa Lalwa i neseler. Aköz nou, nou bezwen montre poudir nou annan bann *deterrent*.

Ki kler an sa ki konserne *the obligation of* sa dimoun to *provide* lenformasyon. Nou amann Lalwa *Beneficial Ownership*. Be i annan *en full disclosure* ki bezwen ganny fer par tou dimoun ki sipoze pey *tax*.

But at the same time, bezwen get lize sa dimoun ki bezwen donn ou sa *disclosure's* lenformasyon. Li osi ou pe met en *burden* pour li *comply to* aköz par li ki pour kapab kolekte tou sa lenformasyon.

I bezwen al kot en lot dimoun ki annan *expertise* pour kapab asize e regarde ki lenformasyon i annan. So i annan tout en seri keksoz ki bezwen ganny fer pour armoniz tou bann keksoz ki bezwen vin annord pour ki sa Lalwa i fonksyonnen.

E se la kot mon krwar poudir i petet, napa ase leksplikasyon par *panel* ozordi apre midi pour eksplik dimoun an deor pour fer konpran egzaktman *what we are bringing up* e *what we are coming up with*.

Mon dernyen pwen Mr Speaker. E sa mon krwar nou bezwen get li dan loptik eski nou le promot sekter prive? Eski nou le promot biznes? Oubyen eski nou le *focus* lo *being* en landrwa kot *the regulations - the regulatory powers of* bann lotorite i ganny *reinforce to the point* ki i *strangle the very essence of* fer biznes dan nou pei.

This is what we need to consider going forward. Aköz *as we move along* sa *continuum of compliance* avek bann *international obligations* avek bann lobligasyon ki nou bezwen fer.

Nou bezwen konsider osi nou *local context* e *the climate within which* nou bann biznes i *operate*. E klima ki nou bezwen donn zot pour zot kapab kontinyen grandi e kontinyen grosi.

There is such a thing as overcompliance. Kot ler nou *over comply*, nou kree kondisyon pour fer biznes ganny *stifle*. E nou kree bann birokasi ki anpes biznes *either grow*, ouver oubyen epanouir.

So Mr Speaker, i annan sa bann eleman ki nou bezwen konsidere. E mon met sa devan *panel* pour donn nou serten leksplikasyon lo la. Aköz i pour neseler pour eksplike e fer kler pour tou

dimoun la deor *what this is about? What it entails?*

E akòz i bezwen ganny fer me pli preziman ki rekour ki ou annan akòz ou bezwen get *both sides*. Pa zis pour SRC, me osi get kominote pour sa biznes.

Ki manner li prezan i pour vin devan, si i santi poudir en desizyon ki'n ganny pran kont li i bezwen ganny *challenge*.

Akòz la i napa en Lakour pour al rode la. I bezwen *lodge* en *appeal* ki *basically* se SRC, ki pe deside. Akòz ou'n dir li poudir, *under any other any other thing* ki Komisyoner i kapab *come up with*, i donn li en kontrovansyon. So vwala ki nou bezwen met an perspektiv Mr Speaker. Mersi.

MR SPEAKER

Mersi Onorab. Onorab Loze, ou annan laparol.

HON JOHAN LOZE

Mersi Mr Speaker. Mr Speaker, mon pran egzakteman kot Onorab Pillay in kite pour mwan ilistre en pwen. “(d)” i dir ou, “*A person who is aggrieved by a decision of the Commissioner General to impose an administrative penalty under this subsection*”, i kapab *lodge* en obzeksyon an akòrdan avek 15.”

Prezan letan ou al lo “(f)” i dir ou konmsa. “*Where the*

Commissioner General determines that the objection is frivolous or vexatious, the person who lodged the objection may be ordered to pay reasonable costs or interest, as may be determined by the Commissioner General”.

Now, pwen ki nou anvi i listre se konsantrasyon pouwar dan lanmen Komiser Zeneral Tax. I annan en konsantrasyon pouwar enorm dan son lanmen.

E sa Lalwa ki devan nou ozordi pe lezitim sa konsantrasyon pouwar. In fer en determinasyon orizinal kont ou, e ou bezwen retourn kot li menm pour ou *lodge* en lobzeksyon kont determinasyon ki li menm li in fer dan en peryod spesifye.

Prezan, si li i fer en lot determinasyon konmkwa sa lobzeksyon ki ou'n fer *frivolous and or vexatious*, la i penaliz ou en dezyenm fwa. *On top of* sa ki ou'n resevwar orizinalman.

Mwan mon napa *issues* avek Lalwa anfori bann prensip ki Gouvernman i santi i bon pour pei. Be sa enn la, la, nou pa santi petet nou pe dekouraz dimoun pour met son lobzeksyon.

I ti a fer sans pour mwan, si sa dezyenm determinasyon ti ganny fer par kelken dot. Be ou'n anvoy li - in al kot *headteacher* in ganny bate, i

konplent ek son paran ki *headteacher* in bat li. Be ou dir li al konplent ek *headteacher* menm, *headteacher* i determinen ki son konplent pa bon i ganny ankor de kout roten.

Se sa bout la, ki mon krwar i ilistre klerman i annan en tro gro konsantrasyon pouvwar, atraver Lezislasyon dan lanmen Komiser Zeneral *tax*.

E konsern avek sa, eski i kapab dekouraz Bidze pour agrandi, biznes pour agrandi, biznes pour fleri, biznes pour devlope? Si wi, mon ti a kontan zot donn en lesplikasyon, zot eksplik nou e zot pas lenformasyon zeneralman pour dimoun konnen.

Mon personnelman mon ti a kontan konnen ki mwan ki mal dan sa ki mon pe dir la. Akoz i ti pour pli bon pour nou pei, pli bon pour sekter biznes, si bann konklizyon ki mwan mon pe tire i mal.

Mr Speaker mon lot issue se ki mon krwar koman en pei, koman en sosyete e la mon pa pe fer okenn largiman politik. Mon krwar nou annan nou bokou desizyon pour fer.

Nou annan nou desizyon pour fer sirtou avek sa bann Lalwa Finansyel ki nou pase tanzantan. Nou annan desizyon pour fer, vizavi sa bann Rekomandasyon *FATF*,

ESSAMLAG ki donn nesans sa bann Lezislasyon finansyel ki pour pase.

Mon pa konnen si ou pe realize, nou pe kree bann lenstitisyon par lao nou sitwayen, par lao - biznes mon sipoze i en *legal person* i en sitwayen li osi. Par lao aktivite ekonomik, nou kontinyelman pe kree bann lenstitisyon ranforsi bann lenstitisyon, konsantre pouvwar dan lanmen bann lenstitisyon.

E anba non, anba leskiz *compliance* avek bann rekomandasyon sa bann *regional e international bodies* ki pe avans sa bann rekomandasyon Lalwa Finansyel.

Akoz la prezan pe donn bann sityasyon kot ou annan plizyer lenstitisyon gouvènmantal, ki kapab fouy dan ou kont labank. Ki kapab rod ou lenformasyon labank, ou lenformasyon banker.

E danze avek sa se, liberte personel. Drwa pou zwir ou propriyete. Oli ou bann drwa konstitisyonnel koman en sitwayen Sesel? E nou pe donn pouvwar legal bann lenstitisyon, pour zot fer sa bann aksyon san ki zot bezwen pas par Lakour. E bann aksyon administratif.

Going forward koman en nasyon nou pour bezwen asize fer en bon lodit dan ki nou'n fer depi ler nou'n komans pas

sa bann Lalwa Finansyel. E get en meyer fason pour nou bouz devan.

Akoz mwan si ou pour demann mwan mon koze avek mon bann kanmarad lo *Bills Committee*, nou esanz serten *view*. Zot konnen ki mon pwennvi lo sa bann pouvwat enstitisyonnel ki nou pe donner.

Ankor mon pa pe dir mon byen, posib mwan ki mal Mr Vis-Prezidan pa pran sa koman en latak. Me selman mon pa konfortab. Personnelman koman en sitwayen mon pa konfortab.

Ki *SRC* i kapab fouy dan kont nenport ki, *FIU* i kapab fouy dan kont nenport ki, *FCIU* i kapab fouy dan nenport ki. I pa vedir ki sitwayen i annan keksoz pour kasyet. I pa pe dir sa, me selman a lafen dizour i vin en dezord mon krwar.

Annou annan nou en *body* ki li i kapab fouy dan kont dimoun, gete ki annan ki napa. *Provide* sa lenformasyon kot i bezwen ale.

Oule dir mwan tou dimoun avek zot kouzen ki en lenstitisyon gouvènmantal pour fouy lo kont dimoun? E *again* mon pa pe target Gouvènmàn *LDS* mwan.

Nou tou ki la anndan nou Lezislater nou tou ki la anndan nou kontribye pour amann Lalwa e nou konnen kot sa bann keksoz i sorti.

Nou konnen lorizin sa bann prensip kot pe vini. Be a la menm enstan nou koman en pei, koman en sosyete, nou bezwen desid nou prop direksyon *going forward*.

I annan bokou nou kapab dir lo rezim *tax* ki nou annan an se moman. Be *mood* ki Lasanble i ladan mon pa pour tous sa aköz i annan dimoun i kapab pran sa koman en latak personnell.

Akoz mon pa krwar sa reform *tax* ki nou ti fer, in donn nou sa rezim ki nou, nou ti bezwen koman en pei. Mersi Mr Speaker.

MR SPEAKER

Mersi Onorab. Onorab Gervais Henrie, ou annan laparol.

HON GERVAIS HENRIE

Mersi Mr Speaker. Bonn apre midi tou dimoun e espesyalman apre midi bann zabitan Mont Buxton. I en pe fre dan Lasanble Nasyonal ozordi apre midi.

Mr Speaker, dan son prezantasyon ouswa lentervansyon Onorab Hoareau in koz lo norm enternasyonal ki sa Lalwa i pe ed pei al ladan. E le de enterven an lo kote Lopozisyon in osi evok fason i nou pe zer, ouswa *manage* relasyon avek biznes ki prensipalman pey *tax*. E mwan mon le koz enn pti pe lo la.

Akoz ler nou pe koz *revenue administration*, pour mwan mon konsernen avek koman enn Pti Leta Zil, enn pti pei. Koleksyon reveni dan pei, nou bezwen ganny li byen. Nou bezwen ganny li byen aköz la senp rezon.

Gouvernman i depan presidir antyerman lo koleksyon reveni apard bann *grants* ki i gannyen, ouswa apard bann *loans* ki i pran. Me nou depan lo la, pour nou kapab zer loperasyon Gouvernman.

E deplizanpli ki nou ale i annan logmantasyon dan demann ki servis piblik i bezwen donn popilasyon.

E Lopozisyon zot lapriyer pour ogmant saler, donn tou trezyenm mwan, *long service allowance* be i sorti laba sa, prensipalman.

E i enportan alor nou kapab zer sa reveni sa pti Sesel i gannyen pour nou kapab asir stabilite finansyel nou pei. Me pli enportan son sikse lonterm ekonomikman.

E bomaten ler nou ti pe koz lo zafer pansyon, nou'n koz lo nesesite *broaden the tax base*, e la nou ti pe koz avek bann endividi ki kontribye dan pansyon, ki kontribye dan Fon Sekirite Sosyal.

E la apre midi prezan mon le met aksan lo bann konpanyen ki bezwen pey *tax*. E si nou regard par

egzanp Rapor Finansyel *Annual Report SRC*. Pour 2023 zot in raporte ki ti annan apepre 21mil879 *registered taxpayers*.

E sa bann sif i donn nou en *insight* enteresan, lo ki fason zot pe kapab zer nou reveni. E alor koleksyon ki li SRC i fer pour 2023, ti 96poursan Bidze pei. 96 *percent*, i konsiderab.

E se sa lar mesaz ki nou merit pe anvoye pour dir i bezwen ganny fer byen e i ki tou dimoun i pran son responsabilite, i fer se ki Lalwa i dir, e koumsa nou *ok*.

E zot in dir poudir sonm ki zot in kolekte an 2023, i ti en logmantasyon 738.35milyon lo sif 2023. *Which is remarkable*. E ankor enn fwa felisitasyon travay ki SRC i fer. Nou apresye sa en kantite.

E an term koleksyon *tax* vizavi *GDP* pour 2023, 27.54poursan remarkab. Me sa ki enportan se sa bann lezot sif swivan Mr Speaker.

Par egzanp poursantaz dimoun ki fayle son bann *tax return*, sirtou biznes a ler, selman 65poursan. 65*percent*. Non. *We can do better*. E se sa ki nou pe dir la apre midi avek bann biznes, fer li a ler, fer li byen. Prezan zot bezwen anvoy bann let pour bann *non-filers*. Zis an 2023, 7933 let pour *remind* dimoun.

So i annan en *issue*, *that we need to address*. Lakantite poursantaz bann *outstanding business tax return* pour 2023, 345. E la en lot sif enteresan Mr Speaker.

Zot fer bann lodit, an 2023 - 525 odit. E ti annan en letan zis apre 2020, e mon rapel en fwa Onorab Clifford Andre ki ti lev sa konversasyon. Ki SRC ti pe fer en kantite odit dan en bann lakonpannyen.

E sa i en lenformasyon ki'n osi ariv kot mwan. Akoz i annan bann dimoun dan mon distrik koman bann *tax*, bann businessman ki'n ganny afekte. Zot *turnup* e zot dir ou baze lo 2017,18 laba ou drwa tan milyon.

E la zot bezwen asize avek zot bann Avoka, negosye prouve poudir non nou drwa mwens, e finalman bezwen peye irespektiv ki poursantaz.

E i kree en problem sa. Parfwa i menm vin en problem politik e nou koman bann dimoun responsab enn bann keksoz ki nou pa kapab fer. Se enn fwa ki nou'n konnen lekel sa bann biznesmenn ki'n ganny afekte dan en fason swa dan en lot.

Apre pas kot zot, dir zot poudir be si nou, nou ganny pouvwar nou pour rann ou en poursantaz sa larzan. Mon krwar sa i pa normal pour nou

fer sa, irespektiv ki parti ki ou sorti ladan.

E i annan dimoun la anndan pour konnen ki mon pe dir, kote i ti dir ek lekel i ti dir. Prezan bann *arrears* ki'n ganny kolekte Mr Speaker.

Zis pour lannen 2023 R239milyon175mil en ta larzan Mr Speaker. E i annan ankor bann sonm ki pour zot, bann *outstanding collectable debts* ki ankor deor. 512milyon *plus* e lakantite ka ki zot pe prosekite 22. So la i annan en *issue* dan *revenue management* dan nou pei.

Akoz mon'n anvi pran laparol Mr Speaker akoz si ti annan en *Bill*. Ki Lopozisyon mon ti ava krwar poudir zot ti pour fer en travay serye. Zot ti dan en pozisyon. Zot a konnen akoz mon dir sa zot ti dan en pozisyon akoz *Bill* in ganny gazete depi le 28 Zilyet.

Vin avek bann propozisyon konkret e menm propoz bann lamannman pour al en e pli lwen ki ti'n kapab anbelir. E zot ti dan en pozisyon pour fer sa, zot a konnen akoz mon pe dir zot sa.

Zot ti dan en pozisyon pour fer akoz i annan dimoun lo zot kote laba ki ti kapab donn zot sa bann *inside information*. E zot ti ava prouve koman en parti ki pe *aspire to be the next government*, ki zot

care about the business community.

Pa zis vin la anndan vin dir nenport kwa, e pase promet bann kominote biznes bann keksoz ki zot pa kapab akonplir.

Plito donn nou, donn nou koman en Lopozisyon konstriktiv, bann landrwa kot nou kapab anbelir. Pour ki *revenue management* dan nou pei i ganny byen ankadre legalman e ki Seselwa koman Gouvernman e koman en pei an zeneral nou benefisye aköz reveni ki SRC pe kolekte i benefisye nou tou.

E i pey pour sa bann demann ki toulezour zot fer isi anndan. Mersi Mr Speaker.

MR SPEAKER

Onorab Georges.

HON BERNARD GEORGES

Mersi Mr Speaker. Mr Speaker, mon pour dezapwent bann Manm Lopozisyon. Sirtou Onorab Pillay. Aköz mon pa pour fer politik lo sa *Bill*.

Annefe, annefe mon krwar ki bokou, bokou bann propo ki zot avanse i enteresan e i merit, i merit ganny pran konsiderasyon e diskite dan en fason non politik.

An Out lannen pase egzakteman lan, lan sa. Mon ti *Addis Ababa* avek Lakour COMESA e nou ti pe revwar

presizeman sa. Bann *administrative*, sa ki nou apel laba bann *administrative fines*.

E ti annan bokou, bokou diskisyon lo sa mo *fines*. Eski en *administrative penalty* i en *fine* ki donn li en konotasyon penal, oubyen non. San al dan detay, pwen ki mon anvi fer sorti se ki sa ki tou dimoun in dakor avek *right* atraver the COMESA region. Se ki *administrative penalties are the way forward. That's the new modern*.

Se pour la senp rezon ki biznes i bouz vit e Lakour sa leksepsyon, e Sesel sertennman pasan en lekspektasyon e Sesel pa en leksepsyon i dousman. *The wheels of justice it is said grind exceedingly slowly and grind exceedingly fine*.

Sa se – pa mwan ki'n envant sa, sa parol me se en parol ki absoliman vre. E donk pour permet, pour permet lanvironnman biznes marse ou bezwen trouv en lot fason koersyon pour sa bann sa bann dimoun ki pa pe swiv Lalwa.

E se pa nou ki'n envante *administrative penalties*, i vin ranplas, i vin ranplas sa metod koersyon avan sa ki kot ou ti bezwen al Ankour.

Annefe dan son '*Objects and Reasons*' Vis-Prezidan li menm li in dir se aköz i nepli posibil pour Komisioner

Zeneral *Tax* dan bann landrwa. E dan bann fason ki i bezwen met presyon lo *taxpayers* pour li ganny lenformasyon ler sa lenformasyon pa pe ganny donnen.

In nepli kapab anvizaze fayle en *case* kriminel akòz sa i pour pran plizyer lannen e i pour *defeat the whole purpose*. Alor en *administrative penalty is the way to go*.

Me Onorab Loze i annan rezon. I donn en kantite pouvwar sa dimoun ki annan pouvwar *apply* en *administrative penalty*.

I en pouvwar enorm e i bezwen ganny natirelman *manage* dan en fason ki zis. E ki ekitab e ki *fair* pour servi en mo *Leader* Lopozisyon bomaten.

E donk se sa balans ki nou bezwen trouve. E lo en kote nou bezwen donn pouvwar avek *Commissioner General* pour bann rezon ki Onorab Gervais Henrie fekevoke.

Pour kolekte *tax* akòz *tax* se moter lekonomi. Se si ou napa larzan ou pa kapab fer marse ou pei. So ou bezwen annan sa posibilite. *But at the same time* ou bezwen fer de sort ki, parey Onorab Loze in fer nou rapel, ki ou pa enpoz en keksoz tro *stringent*. Ki ou pour touy *the goose that lays the golden egg*.

Donk i en balans ki ou bezwen trouve. E mon krwar sa balans in ganny trouve dan sa *Bill*. E mon ava eksplike dan en minit akòz. Ou vwar Mr Speaker, en Lalwa *Tax* - annou pa krwar ki *tax* i nou zanmi.

SRC pa nou zanmi, zot la pou fer en travay ki depi letan dan Labib bann *tax collectors*, sete dernyen de dernyen. Bann dernyen dimoun pour al dan lesyel se zot. E sa pa'n sanze. E sa pa'n sanze.

By the nature zot travay zot pa fer zanmi, zot pa fer zanmi e nou bezwen nou bezwen aksepte sa.

E nou Lalwa parey nou'n diskite detrwa mwan pase ler nou ti pe anmenn en lot lamannman. Nou Lalwa ki i ase - *in fact* i tre *stringent* lo nivo *tax*. Ou ganny *assessment* ou bezwen peye. Ou a fer ou obzeksyon, *despite* ou obzeksyon ou bezwen peye.

E si ou dan biznes e ou pa peye, si ou en kontrakter ou pa pour ganny en *Tax Certificate* alor ou pa pour kapab al *bid* pour *tender*, pour ou kapab fer biznes pour ou kapab pey *tax*.

So i en bann, i en bann penalti ki sever e bann konsekans i sever. E annefe resaman in annan en *assouplissement* dan sa Lalwa. Akòz *VP* li menm li in anmenn en lamannman Lalwa, ki fer ki

ou pa bezwen pey *the whole penalty, the whole tax*.

Ou pey zis en poursantaz alor sa i trouv sa balans, in retrouv sa balans ki bezwen egziste ant en sistenm ki koersiv ek drwa en *taxpayer* pour li kapab fer son biznes dan en fason ki ni *OECD* ni Gouvernman Sesel, pa met en fizi lo son latet.

Donk, donk se koumsa ki mon prefere vwar sa *Bill* ki devan nou apre midi. E mon'n dir taler ki mon krwar i trouv son balans. E mon ava dir aköz *in fact* mon'n sorti mon'n al regard enn pti kou sa seksyon 34 ki sa *clause 3 capital "A"* i amande.

E si nou regard seksyon 34, i vin anba en seksyon "*The Revenue Administration Act*", ki *record keeping and information collection*. I annan tou pour fer avek Komisyoner Zeneral. *Collect information* pour li kapab pran en determinasyon lo en *tax assessment* lo en biznes.

E sa ki i kapab fer anba seksyon 34. Se demann lenformasyon avek sa *taxpayer*. Demann sa *taxpayers* donn li lenformasyon, demann sa *taxpayer* vin devan li pour li diskrit son bann zafer *tax*.

E trwazyenmman pour li *produce* son bann kont, son bann dokimantasyon eksetera. Ki i annan, ki

releван avek *tax*. Si ou pa fer sa, si Komisyoner Zeneral i pe fer en *assessment* lo ou aköz i pa satisfè avek ou *self-assessment*.

E ou pa donn li lenformasyon. Ki konsekans? Konsekans se ki, i pour fer en *assessment* lo li menm. Ki pa pour *fair* probableman pour ou.

E ou pour bezwen peye menm en poursantaz, an mezir ki ou pe fer sa seri obzeksyon, konsiderasyon *Revenue Tribunal* ki pour bezwen ekoute *appeal* - non - napa *appeal to the court but at least Revenue Tribunal*.

Donk i pour pran, i pour pran en kantite letan e possibleman en *judicial review in the mix* ki pour retarde ankor.

Ki mannyer ou pour kapab fasilite sa *gathering of information* san pas atraver tou sa bann *hoops* e san - aköz Komisyon Zeneral i imen - san fors li fer en *assessment* ki possibleman pa *fair* dan ou lespri?

Zis pour ou kapab vin, zis pour li kapab kolekte sa *tax* ki i krwar ki ou devret kolekte. Donk ki mannyer sa - ki mannyer i kapab fors ou pour *comply* avek sa seksyon?

Olye anvoy ou *file* kot *Attorney General*, fer ou ganny sarze e pas atraver Lakour. *Well* i fer li atraver en

administrative penalty, ki sa Lalwa in deside anmennen.

E menm la Mr Speaker, nou vwar i annan serten, i annan serten gardfou e tou sa bann gardfou in fini ganny koz lo la. Mon pa pour bezwen pas an detay lo la.

Me ler nou regard son bann keksoz ki sa Lalwa li menm. Nou vwar ki i pa en pouvwar ki ganny donnen zis otomatikman ki *Commissioner General* i kapab zis enpoz en penalti ki kapab ariv ziskan R250mil.

Premyerman R250mil i *maximum*. I pa oule dir ki dan tou ki i pour *fine* ou R250mil ki pour fer R1milyon, si i annan 4 *non-compliance*. *That's not the case. Maximum penalty is for the maximum offence.*

E ler ou pa'n *comply*, ou pa'n *comply*, ou pa'n *comply* eksetera, e sa la ki ou pour ganny penalize sa kantite.

Me i bezwen, e mwan mon ti'n *query* sa mo "*shall*". Mon'n ti'n dir eski i bezwen met, in reste pour bann rezon ki'n ganny eksplike.

I bezwen pran en seri keksoz an konsiderasyon. I pa kapab zis, Bernard Georges mon pa kontan li, alor mon pour enpoz en *fine*. I pa kapab. I bezwen pran set keksoz an konsiderasyon.

Gravite sa kontravansyon, *compliance* ki

enportan. Eski sa dimoun in fer sa plizyer fwa avan oubyen eski i en *first offender*? Eski sa kontravansyon i delibere, i *reckless* oubyen i zis negligans. Mon'n bliye, mon omisyon mon'n al *Dubai*, mon'n bliye anvoy ou sa enn lenformasyon *whatever*.

Eski en trwazyenm, en *third party* in sibir en serten domaz oubyen serten perd? Tou sa bann keksoz i bezwen pran - e *obviously the gain*, lakantite *invasion* ki ou pe sey *evade* par pa donn sa lenformasyon.

Tousala i bezwen pran konsiderasyon avan ki i konsidere ki penalti pour li enpoze. E ler i enpoz sa penalti, i pa fer li zis dir ou mon'n enpoz *x Rupees* lo ou. I bezwen donn ou zot *grounds*.

E *that is the key, that is the absolute key* pour nou, bann dimoun ki travay dan Lalwa ou bezwen donn rezon. Ou bezwen dir mon pe enpoz sa penalti *for that, or that, or that reason*. E se la kot ou *check mate* Komisyoner Zeneral si i al an deor son konpetans.

Akoz si i pa donn ou *grounds* oubyen si son ground i *frivolous or vexatious*. La ou kapab ganny ou *judicial review* imedyatman.

E *obviously* i pour donn ou peryod letan. Donk i pa zis en *straight line*, ou pa'n *comply*

ou pe pey R250mil *goodbye so long*. Ou napa - apre of course i annan posibilite fer en lobzeksyon.

Me ankor enn fwa e mon konpran ou pe fer obzeksyon e sa menm dimoun ki'n enpoz sa penalti. Me *it's not the* - i pa premye fwa ki arive sa, i dan bokou ka ou obzeksyon ou *lodge* li avek menm dimoun ki'n penaliz ou.

Menm Ankour, menm Ankour si ou anvi Lakour donn ou en *right* pour ou *appeal*, ler ou napa en *right* pour ou *appeal*. Ou bezwen demann sa prop Ziz ki'n fek kondann pou. Eski mon kapab fer rapel kont ou prop desizyon?

E bann dimoun ki dan sa nivo, zot pour azir dan en fason alaoter zot pozisyon. Zot pa pour fer li *on a whim*. Alor Mr Speaker, pour tou sa bann rezon malgre ki mon konpran, mon konpran egzakteman problem ki serten biznes.

E mwan menm mwan mon'n azir pou plizyer, ler zot krwar ki zot pa devret pey *tax*. Zot krwar ki *the assessment* i mal, zot krwar ki zot pa devret ganny, ou pa ganny en *tax clearance*. Mon'n azir pour bokou sa bann dimoun e mon konpran, mon konpran fristrasyon biznes.

E nou pa devret inyor fristrasyon biznes zis aköz nou, nou lo kote Gouvernman

e sa Gouvernman i fer i byen alor nou bezwen siport, siport *tax*. Non.

Nou bezwen balans sa de drwa e ariv a en solisyon ki nou krwar i apropiye. E mwan parey mon ekspekte, ki monn fer apre midi. Mon'n balans sa de kote e mon vwar, ki sa *administrative penalty* dan sa lankadremman ki dan sa *Bill* i trouv sa balans.

I donn serten pouvwar kot i neser, san ki i *take the balance away from doing business*. E pour sa rezon alor mon pe demann avek tou bann Manm Lasanble pour siport sa Prozedlwa. Mersi Mr Speaker.

MR SPEAKER

Mersi Onorab. I sanble mwan nou pour bezwen ankor en pe letan, pour sa. E zot in asiz 90minit deza, donk nou a pran en poz e nou a repran 4er edmi.

(BREAK)

MR SPEAKER

Mon annan en dernyen entervenman. Se Onorab William.

HON WAVEN WILLIAM

Mersi Mr Speaker. Bonn apre midi tou dimoun ki a lekout. Mr Speaker, lo sa lamannman *Revenue Administration (Amendment) Bill, 2025*, mon

pour aport mon sipor Mr Speaker.

E Mr Speaker, mon vwar, petet o debi mon anvi felisit *Revenue Commission* avek tou zot bann *staff* e profesyonnel. Mon vwar ki zot pe fer en louvraz vremen formidab.

E Mr Speaker, letan ou regard sa lamannman sa lamannman, in vin mon panse baze lo leksperyans travay e bann defi ki zot in rankontre vizavi ranmasaz larzan *tax*.

Mr Speaker, aköz ler ou pe regard dan zot “*Explanatory statement*” ladan i dir ki, “*Currently, while failure to comply with such a notice constitutes an offence under section 47(1)(vi), the Act does not presently provide a non-criminal enforcement mechanism in such cases*”.

So Mr Speaker, i vedir ki pour zot travay vin pli efektiv, zot in war sa nesesite pour bezwen vin avek sa lamannman Mr Speaker, ki vremen fer sans.

Mr Speaker, Onorab Georges mon krwar in donn en bon leksplikasyon e mon santi poudir repetisyon parfw a enportan. Aköz si ou pe pran *the amendment of section 34*.

Amendment section 34 Mr Speaker, i pe dir, “*Where the Commissioner General is satisfied that a person has contravened the provisions of this section, the Commissioner*

General may impose”. Mr Speaker i pa dir, “*shall*”

I pa en zafer kot Komisyoner Zeneral i pe, konmsi i pour fer li. Me i kapab fer li, e parey in ganny dir, son penalti *maximum* se R250mil.

E i annan serten fleksibilite ki mon vwar e parey Onorab Georges in dir i annan enn pti pe sa balans Mr Speaker, e prezan i annan en seri lalis bann kondisyon, ouswa kriter ki donnen. Anba ki sa bann zizman pour enpoz sa penalti i tonm anba la. Par egzanp.

Nimero (i), i dir, “*the nature and seriousness of the contravention;*”

“(ii) *the need to ensure strict compliance with this Act and to penalise and deter contraventions;*

(iii) *whether the person has previously contravened any provision of this Act;*

(iv) *whether the contravention was deliberate, reckless or caused by negligence;*

(v) *whether any loss or damage has been sustained by third parties as a result of the contravention;*

Sizyenmman i pe dir, “*any financial benefit or gain derived from the contravention; and lastly,*

(vii) *any other matter the Commissioner General considers appropriate*”.

E Mr Speaker, an menm tan mon a dir ki i donn osi sa dimoun, sa sans pour li *lodge* en lobzeksyon Mr Speaker. So i pa zis kot *Commissioner General* i vini, i pe enpoz en sanksyon me i pa donn sans lot parti pour li kapab fer serten defann.

E i donn li sans pour li kapab prouve si sa ki Komisyoner Zeneral pe dir i fouswa i byen. An menm tan Mr Speaker, i dir osi ki dan sa lespas letan, kot laplikasyon sa *fine* ki pour vini, sa i ganny sispann letan sa aplikan i *lodge*, i *lodge* en *appeal* kont sa *contravention*.

So mon war Mr Speaker, ki Lalwa i kler e rezondet pour anmenn sa lamannman Mr Speaker, i osi kler. E i pa en zafer kot *Revenue Commission* pe vin enpoz serten keksoz san vreman ki i annan bann rezon pour fer li.

Avek sa de pti mo Mr Speaker, mon anvi osi demann avek Vis- Prezidan. Par lefe ki dizon en dimoun i kapab demann sa kestyon la deor. Menm si Komisyoner in war sa dimoun koupab, in enpoz sa sanksyon.

Eski en dimoun i kapab apre sa, rod en rekour Lakour kont desizyon ki'n ganny pran? I pour enportan pour

dimoun kapab konn konpran e konnen la deor si sa i posib. Akoz i pa'n ganny mansyonnen ladan. Mersi.

MR SPEAKER

Mersi Onorab. Mon apel Vis-Prezidan pour fer son repons lo deba.

VICE-PRESIDENT AHMED AFIF

Mersi bokou Mr Speaker. Bonn apre midi ankor tou bann Manm Onorab. Mr Speaker, parey labitid mersi bokou tou bann entervan - bann dimoun ki'n fer zot lentervansyon, ki'n pas bann komantr lo sa Lalwa enportan pour nou moderniz nou Lalwa *tax*.

Mr Speaker, mon krwar an gro rezonnman par deryer sa lamannman ki nou'n anmenn. Mon mazine i annan 2.

Premyerman se pour nou anmenn en lefikasite, dan lafason ki nou pe kolekte *tax* ozordi. Akoz mon dir lefikasite? Akoz ou pour anmas larzan pli vit. E rezon i pour vin pli vit, se parske ozordi ler Komisyoner *Tax* i demann serten lenformasyon. Oubyen enn ler lotorite i demann serten lenformasyon.

I annan plizyer lenstans kot zot in war kot sa lenformasyon pa vin deswit. E kan i pa vin deswit oubyen dan

sa dele letan ki zot donnen normalman.

Rekour ki SRC i annan, se i bezwen al rod lapolis, i bezwen al rod Prokirer Zeneral, i bezwen fer en *case*, al devan Lakour. E tousala i pran letan.

Me avek sa lamannman ki nou pe propoze se ou met en lanmann, i en *fine* annefe ki toudswit i fini met sa zafer ater. Kot sa dimoun i konnen i bezwen vin peye, i bezwen anmenn sa lenformasyon.

E i en fason ki globalman zot in vwar ki Lotorite *Tax* ler ou donn li bann pouvwar administratif me byensir i pa kapab abize, sa i kapab ede pour anmas *tax* ase vit.

Dezyenm rezon. Premye sete lefikasite. Dezyenm rezon, se nou bezwen realize ki ozordi Sesel i annan plizyer lakonpannyen ki enkli bann lakonpannyen ki pe fer biznes sa ki nou apel enternasyonal.

Savedir zot pa neseserman pe fer biznes zis Sesel, me zot form parti en rezo bann biznes enternasyonal. E alor bann biznes Sesel i vin parey, nou'n vin parey en vilaz global.

Kot nou annan plizyer lakonpannyen atraver lemond, en pe - pe fer biznes Sesel, e nou annan plizyer Lotorite *Tax* dan lemond. Ki kolabor ansanm pou fer sir ki

zot tou, zot annan en *oversight*, zot pe vwar ki pe pase dan bann diferan ziridiksyon, konsernan menm *taxpayer*.

E souvandfwa sa i nesese ki nou partaz lenformasyon avek nou bann partener. Pareyman nou, nou kapab demann zot lenformasyon lo serten bann antite ki nou krwar pe fer biznes Sesel. Me zot anrezistre aletranze. I mars de fason.

E ozordi i annan en standar ki ganny etabli, kot ler ou demann lenformasyon ou sipoze kapab ganny lenformasyon ase vit. Parske tou dimoun i konn standar ki ganny mete dan lemond pour donn lenformasyon.

E deplizanpli nou'n amande serten Lalwa pour donn lenformasyon. Par egzanp ozordi dan *tax* nou pe dir ki zot bezwen gard lenformasyon pour 7an. Avan zot ti napa en lobligasyon nou'n aranze tou sa bann keksoz. Nou'n dir ki zot bezwen fer sir ki a nenport moman sa bann lenformasyon i azour.

E zot kapab fer bann lenspeksyon ler nou pe koz biznes enternasyonal, lo zot osi ki napa nanryen pour fer ek sa direktman. Selman nou'n met serten lenpozisyon kot ler lotorite i demann

lenformasyon zot bezwen kapab gannnen.

E sa i an grand parti akòz nou, nou annan en lobligasyon enternasyonal ver tou nou bann partener osi. Alor sa, se sa de rezon prensipal pou lakel nou'n met sa lamannman, ki vremen i ranforsi lebra SRC pou li kolekte ganny lenformasyon.

Prezan i kapab ganny vwar ki Komisyoner Zeneral oubyen SRC i annan en kantite pouvwar. E i korek, ki i annan pouvwar an plis ozordi se sa pouvwar administrativ ki si nou pas, sa i gannnen.

Me mon mazin sa ki Lalwa i fer provizyon se ki i donn bann granliny lo ki sa bann lenformasyon ki li i bezwen rode, ki li i bezwen gannnen. Ki li prezan si i pa gannnen sa bann lenformasyon a tan, se la ki li i pou deside pou li egzers sa pouvwar pou met en lanmann, ziska.

E parey Onorab William ti dir, "*may imposed an administrative penalty*" ki pa desot R250mil. Me Lalwa i al pli lwen, i donn bann faktè ki sa Komisyoner Zeneral i bezwen pran kont avan i fer en desizyon ki pou al enpoz en lanmann.

E sa bann faktè in liste 3(A)(B)(i) ziska (vi). Me selman nou lir byen i pe dir par egzansp i kapab pran sa bann faktè

comme swivan, natir ki degre serye sa kontrovansyon i ete.

Si i bezwen anpes li pou anpes repetisyon. Si sa dimoun in deza fer sa bann tel lofans avan. Si in fer li avek en rezon ekspres pou li pa donn sa lenformasyon. Si i annan lezot dimoun ki pe perdi an rezilta.

Si i annan okenn benefis ki en lot dimoun pe gannnen an rezilta sa. E i fini avek e si i annan lezot keksoz ki Komisyoner i konsider koman apropriye. Me ler ou lir li an gro i vedir Komisyoner i bezwen konsider tou sa bann keksoz.

Enn apre lot e si an ka zot pa ladan, i donn li sa fleksibilite poudir be si i annan en lezot keksoz ki manke anler. Me solman an gro nou pe - lafason ki mwan mon lir li. Ou pe met sa bann ki anler (i) ziska (iv) koman bann faktè prensipal.

E si - e anplis i kapab azout enn me ou pa kapab zis vin avek en keksoz ki ou'n anvan me sa bann anler pa ladan. Se pou sa rezon ki mwan mon pa krwar sa i pe donn batas pou sa Komisyoner Zeneral pou abiz son pouvwar.

Me de lot kote, de lot kote sa ki i kler osi. Se ki si sa dimoun i pa dakor avek sa *assessment* ki'n ganny fer. Sa dimoun prezan i annan rekour

premye pour li ekrir sa Komisyoner pour dir ek li, be get sa kekfw a ou'n mank en keksoz dan ou sa *assessment* ki ou'n fer.

Petet ou'n mank tel keksoz e mon pe demann ou pour rekonsidere. Be si dan sa ka ki i fer sa dimoun i decide pa konsidere ou annan rekour pour al kot *Revenue Tribunal*.

Revenue Tribunal i bann dimoun separe, ki prezan ki'n konstitye anba Lalwa. E zot, zot a regard sa de pre e zot a donn en desizyon. E nanryen e sa mon pe reponn Onorab William direkteman nanryen pa anpes sa dimoun si i pa dakor menm avek tou sa ki pe ganny fer. I annan drwa al kot Lakour Siprenm oubyen evantyeleman ariv kot Lakour Dapel.

Alors se sa bann provizyon ki Lalwa i kler lo la, nou pa kapab anpes okenn dimoun annan son drwa, anba tou lezot Lalwa nou pei kot i krwar i devret kapab ganny lazistis atraver Lakour, sa byensir nou pa pour kapab anpes li fer sa.

Vwala Mr Speaker, petet en kestyon ki ti ganny demande. Eski nou pe ankouraz biznes oubyen nou pe dekouraz biznes atraver sa?

Pour mwan Mr Speaker, mon krwar ler nou pe fer nou annan en pei kot son Lotorite *Tax* i kredib dan lizye non

selman nou piblik, me dan lizye nou bann regilater enternasyonal. Zot vwar Sesel koman kredib.

Parske Sesel i en pei kot dimoun i krwar dan *tax*, dimoun i respe Lalwa *Tax*, dimoun i respe demann pour lenformasyon anba *tax*. E ler nou koumsa, nou pour trouve nou bann *rating* vizavi nou bann regilater enternasyonal i vin en o nivo.

E ler i en o nivo, zeneralman nou lanvironnman biznes i vin bon. An pli ki sa, si nou pe anmas reveni parey Onorab ti dir taler, nou pe anmas reveni aköz, aköz nou annan depans. Nou bezwen balans nou liv.

E mon tann souvandfw sirtou lo sa kote latap kot zot pe demande pe reviz *scheme*, revwar isi, pey lot, pey trezyenm mwan, pey tou keksoz. Solman zanmen mon tandè, ki mannyer nou pour al rod larzan pour fer li.

E la i en loportinite, kot nou donn plis bataz pour *tax* pour li fer son louvraz dan en fason efikas. Se zisteman pour sa bann rezon, ki ler zot fer zot louvraz byen i pour ed nou pour nou kapab delivre dan servis Gouvernman li menm e fer sir ki nou annan tou ban resours nesaser pour nou fer li.

Osi mon krwar Onorab ti mansyonn. Onorab Henrie ti

mansyonn lo kote *tax*, bann *statistics*. Ti Rapor 2023 ki mon krwar ki ou ti pe site. 2024, i paret lakantite dimoun ki ti pe *file* zot bann *assessment* a ler in monte.

E in depan lo ki kalite *tax* ou pe koze. Si ou pe koz *VAT*, *business tax*, eksetera. Me selman i paret in monte prezan i ant 70 -80 pousan. Alor nou war sa pe monte.

E zeneralman *tax* pe fer tou sa ki i kapab pour donn bann fasilete pour dimoun soumet zot bann *return online*. Sa osi nou pe fer tou posibil pour sa arive.

Alor an gro Mr Speaker, mon krwar sa lamannman i enn ki byen, i enn ki pour donn bann zouti dan lanmen SRC pour li kapab kolekte *tax*. Pour li *as* servi sa bann, sa zouti, sa lenstriman dan en fason ki lozik.

Dan en fason ki zis e dan en fason kot vreman i pour fer, i pour donn kredibilite Lotorite *Tax*. E avek sa mon ti a kontan rekomann sa *Bill* pour zot laprouvasyon. Mersi bokou Mr Speaker.

MR SPEAKER

Mersi Vis-Prezidan. Avek sa mon ava apel bann Manm pour vot lo *Bill general merit* dan *Second Reading*. Manm ki vot an faver. Lev lanmen. Mersi Manm ki vot kont?

Lo general merit Revenue Administration (Amendment) Bill, 2025. 21 Manm in vot pour, zero kont, 8 abstansyon. *Bill* aprouve pour *Second Reading*. Madanm Clerk a fer *Second Reading*.

MADAM CLERK

Mersi Mr Speaker. *A Bill for an Act to amend the Revenue Administration Act to provide for the imposition of administrative penalties on a person for failure to comply with a notice requiring the furnishing of information, giving of evidence, or production of documents for the purposes of administering a revenue law or fulfilling an obligation under a tax treaty or agreement.* Mersi Mr Speaker.

MR SPEAKER

Mersi Madanm Clerk. Bon nou'n pas *Second Reading*. Eski nou annan *amendment*? Onorab Hoareau.

HON JOHN HOAREAU

Mersi Mr Speaker. Mr Speaker, ankor mon pour demann ou parey ou'n fer bomaten pour nou anba 97(1) demann *leave of* Mr Speaker, pour nou sot Staz Komite ki ganny trouve anba 70.

So nou pe demann pour sot - pour sispann *Order 70* pour nou kapab pran en vot

apre pour fer Trwazyenm *Reading*. Mersi.

MR SPEAKER

Mersi Onorab mon a ganny en segonnman pour sa Mosyon. Onorab Georges.

HON BERNARD GEORGES

Motion seconded Mr Speaker.

MR SPEAKER

Mersi. Nou a vot lo sa Mosyon. Manm ki vot an faver lev lanmen. *Thank you*. Manm ki vot kont.

Bon, lo Mosyon *to skip Committee Stage* lo sa *Bill* 21 Manm in vot pour, 0 kont, 8 abstansyon. Donk Lasanble aprouve pour nou sot *Committee Stage* e nou ava al direkteman lo *Third Reading*.

Nou a ganny Mosyon pour *Third Reading*.

HON BERNARD GEORGES

Mersi Mr Speaker. Mr Speaker, an ankor *Order* 76 nou *Standing Orders*. Lannen lendepandans mon *move* ki *the Revenue Administration (Amendment) Bill, 2025* i ganny lir en Trwazyenm Fwa.

MR SPEAKER

Mersi mon a ganny segonnman. Onorab Arissol.

HON SANDY ARISSOL

Mersi Mr Speaker. Mosyon Onorab Georges is ganny segonde.

MR SPEAKER

Mersi. Manm a vot lo *Bill* dan *Third Reading*. Manm ki an faver lev lanmen? *Thank you*. Manm ki kont? Lo *formal Third Reading* *Revenue Administration (Amendment) Bill 2025, without amendment*.

21 Manm in vot pour, 0 kont 8 abstansyon. *Bill* in aprouve par Lasanble. Madanm Clerk a fer *Third Reading*.

MADAM CLERK

Yes, Mr Speaker. *This Act may be cited as the Revenue Administration (Amendment) Act, 2025*. Mersi Mr Speaker.

MR SPEAKER

Mersi. *The Bill is passed. Thank you*. Mon a remersye bann zofisye ki avek VP la. An se moman Ms Vidot, Ms Chetty, Ms Marimba. E mersi pour zot partisipasyon e mon swet zot bon depar e bonn kontinyasyon dan zot travay. Mersi. Zot kapab fer depar.

Byen, nou annan ankor en *Bill*. E i enn ki vreman senp, e alor mon'n nou'n met li *Order Paper*. Me selman nou pour bezwen pran en vot pour *waive 7 days' notice* pour sa *Bill*. Akoz nou'n fek fer *First Reading* bomaten.

Donk mon pour envit bann Manm, pour met en Mosyon pour nou fer sa, si Manm i dakor. Onorab Hoareau.

HON JOHN HOAREAU

Ki *Bill* ou pe refer to silvouple? *Business Tax Bill*. Ok.

MR SPEAKER

Business Tax. Yes. *Business Tax (Amendment) Bill, 2025*.

HON JOHN HOAREAU

Mr Speaker, anba *Order 69(1)* mon pour demann ou pour *waive, suspend sa 7 days' notice between First and Second Reading*. Pour nou kapab pran sa *Bill Business Tax (Amendment) Bill, 2025*. Mersi.

MR SPEAKER

Thank you. Mon a ganny segonnman. Onorab Esparon.

HON REGINA ESPARON

Mersi Mr Speaker. *Motion seconded*.

MR SPEAKER

Thank you. Eski madanm raporter - nou annan lezot zofisye ki konsernen avek sa *Bill*. E mon mazine zot pe atann pour *join VP* avek Ms Chetty. So nou ava apel zot.

Anh nou pa ankor pran kot nou *waive* - (sorry) - Madanm Clerk pe remind

mwan ki nou pa ankor pran vot lo Mosyon.

Ok, Manm ki vot an faver pour nou *waive 7days notice* lev lanmen silvouple? *Thank you*. Manm ki kont. Mersi. Lo vot pour *waive 7 days' notice* pour *Second Reading Business Tax (Amendment) Bill, 2025*. 21 Manm in vot pour, 8 kont, zero *abstain*. Donk nou ava aksepte pour pran sa *Bill* pour *Second Reading*.

MR SPEAKER

Alor bonzour Ms Seylina Joymon Direkter Zeneral pour *Domestic and International Tax Policy Division*, dan Minister Finans Plan Nasyonal e Komers.

E osi Mr Srinivasa Rao *Principal Legal Draftsperson* dan AG's Office, ki ti avek nou bomaten. Byenveni zot tou lede pour zwenn Vis-Prezidan avek Ms Chetty *Commissioner of Tax* pour pran sa *Bill*.

Nou a ganny Mosyon pour *Second Reading* sa *Bill*. Onorab Arissol.

HON SANDY ARISSOL

Mersi Mr Speaker. Mon ti a kontan anba *Order 69(2)* mon pe *move* ki *Bill Business Tax (Amendment) Bill, 2025*. I ganny lir en Dezyenm Fwa.

MR SPEAKER

Mersi nou a ganny segonnman. Onorab Georges.

HON BERNARD GEORGES

Motion seconded Mr Speaker.

MR SPEAKER

Mersi. Vis-Prezidan ou a eksplik sa *Bill*.

VICE-PRESIDENT AHMED AFIF

Mersi bokou Mr Speaker. Bonn apre midi ankor tou bann Manm Onorab. Mr Speaker, sa Prozedlwa *Business Tax (Amendment) Bill, 2025*, pe propoz lamannman dan seksyon 61 dan Lalwa *Tax Business*.

I enportan nou eksplik sa provizyon avan ki nou bouz lo amannman ki pe ganny propoze atraver sa Prozedlwa anba Lalwa *Tax Biznes*. En operater ou lakonpannyen aeryen ki pa ganny klasifye koman en rezidan Sesel i annan lobligasyon *tax* a en to 3poursan lo sa reveni ki'n fer dan Sesel. Sa ki nou apel an Angle '*sourced in Seychelles*'. '

Seksyon 7 e 61 anba sa menm Lalwa, i al pli an detay pour eksplike ki mannyer sa *tax* i devret ganny peye.

E dan sironstans kot sa operater aeryen i pa anliny avek son bann lobligasyon seksyon 61, sou seksyon (5), i enkli en alternativ pour asire ki Komisyon Reveni Sesel i kolekte sa *tax*.

Sa sou seksyon i donn pouvwar Komisyoner Reveni pour enform Lotorite ki responsab pour loperasyon erport pour refiz permisyon pour okenn avyon sa operater pour apoze, ou leve lo okenn Erport Sesel.

An se moman sa Lotorite ki ganny mansyonnen dan seksyon 61 i Lotorite Lavyasyon Sivil Sesel oubyen SCAA.

Mr Speaker, nou ava rapel ki an 2024, Gouvernman ti vin devan Lasanble Nasyonal pour vin prezant 2 nouvo Lalwa. Swivan restriktirasyon Lotorite Lavyasyon Sivil Sesel. Sa ti *Seychelles Civil Authority Act 2024* e *Seychelles Airports Authority Act 2024*.

Restriktirasyon Lotorite Lavyasyon Sivil Sesel, ti ganny fer pour ki i annan en separasyon ant sa Lotorite ki ansarz Loperasyon Erport Sesel. E sa enn ki etabli Regilasyon Lavyasyon. Asir bann standar enternasyonal e ki fer sipervizyon.

Anba sa 2 nouvo Lalwa, ki ti ganny etabli an 2024, (SCAA) i aprezan regilater Lavyasyon Sivil e (SAA) *Airport Authority* li in pran sarz tou fonksyon loperasyon bann Erport Sesel.

Serten fonksyon e pouvwar ki oparavan anba (SCAA) i aprezan ganny

transfer anba (SAA) *Airport Authority* e sa i enkli zesyon bann *landing, take-off slots*, servis navigasyon aeryen e zesyon bann avyon.

Alor Mr Speaker. Anvi ki se Lotorite Erport Sesel oubyen SAA, ki'n pran tou responsabilite loperasyon lo tou erport dan Sesel. Minister Finans Planifikasyon ek Komers, i vwar nesesite pour amann seksyon 61 Lalwa *Tax Biznes* pour reflekte sa sanzman.

Swivan sa lamannman se *Seychelles Airport Authority* oubyen (SAA) ki pour annan pouvwar pour refize donn *clearance* en avyon. Si sa lakonpannyen aeryen pa onor son bann responsabilite anver *tax* biznes.

Mr Speaker, avek sa leksplikasyon mon prezant sa nouvo Lalwa *Business Tax (Amendment) Bill, 2025* pour laprouvasyon Lasanble Nasyonal. Mersi bokou.

MR SPEAKER

Mersi Vis-Prezidan. Eski i annan okenn entervansyon lo sa *Bill*? Nou napa. Vis-Prezidan? Onorab Pillay bon, ale mon a rekonnet zot. Onorab Pillay.

HON SEBASTIEN PILLAY

Mersi Mr Speaker. Mr Speaker, mon konnen sa *Bill* i zis en laliny. E nou pe bouz

en, sanz en fer en sanzman dan Lalwa, pour fer ki nou pran kont en sanzman Lalwa ki nou'n fer pour separ rol *Civil Aviation Authority and Seychelles Airport Authority*.

Selman ou konnen kwa ki enteresan, ler in ariv ler pou donn Seselwa tou lenformasyon an sa ki konsern sa bann sanzman e ki pour arive dan lefitir.

Lasanble Nasyonal pa kapab fer li. Nou pa kapab demann kestyon lo sa ki pe ganny dir lo zesyon erport e rol (ADAC) *Abhu Dabi Airports Company*, ki pertinan pour sa largiman.

MR SPEAKER

Onorab! Ou pe – Onorab.

HON SEBASTIEN PILLAY

I pertinan -

MR SPEAKER

Onorab, lo sa *Bill* silvouple. Ou pe al dan ou *PNQ*, mon konnen ou enterese avek *PNQ*. Mon'n donn otan sans pour ou kapab poz ou *PNQ*. Silvouple, evit sa bann largiman ki ou pe fer, ki refer ek *PNQ* ki ou'n deza anmennen. Mon'n donn ou en *ruling* lo la e *that's final*.

Silvouple lo sa *Bill*. Lo sanzman sa non dan Lalwa *tax*.

HON SEBASTIEN PILLAY

Mersi mon ti pe vin lo la zisteman pour mwan eksplike ki mannyer sanzman sa non i vin, i vin relevan.

Akoz *following* lefe ki mon ti met en *PNQ* mon'n war Prezidan fer en *press conference*. E dan son *press conference* in eksplike e sanmenm sa aköz *business tax* pour ganny peye par *Seychelles Airport Authority*.

Ou konpran mwan aköz ler nou get sa bann *assets* ki *Seychelles Airport Authority* i annan. I pour annan en konponan *tax* ki pour bezwen ganny peye.

Prezan mwan ki mon pour demande? Mon pe zis demande, - (mannyer manrmay i dir sa, *asking for a friend*). Mon pe zis demande si sanzman sa Lalwa i pour aköz pour annan en partenarya ki pe arive la e ki nesaser arive aköz negosyasyon in fini ant *Abu Dhabi Airports Company* e *Lotorite Airport*.

E si sa sanzman i al ver sa? Ou pa kapab dir mwan sa pa relevan aköz i relevan. Aköz i konnekte le de. I konnekte Mr Speaker.

Non ou konnen ou kapab *move* pour tenny sa mikro ki mon pe koz al dan me i pa mwan ki'n met sa bann keksoz dan domenn piblik. Ou bezwen admet se Prezidan li menm, ki'n fer *press*

conference e met sa dan domenn piblik.

Now it's only fair, it's only fair ki ler nou pe pas en lamannman. Menm si sa sanzman non, i fer ki la ou fer *Seychelles Airport Authority* vin sa lotorite ki pour, si ou le reponn a lobligasyon a legzizans sa Lalwa.

So ou pa kapab dir mwan poudir sa pa relevan avek en deba lo merit sa Lalwa. *If that is not relevant I don't know what is*, an relasyon avek sanzman non ki nou pe fer.

But be done as it may Mr Speaker. Mon konnen mon pe *walk en fine line*.

MR SPEAKER

Non, non, non! Onorab, Onorab ou pe akiz mwan. Napa sanzman - napa sanzman non ki pe ganny fer la. Sanzman pe ganny fer dan en Lalwa pour ranplas en non ki ti egziste dan Lalwa avek non ki'n deza ganny sanze.

HON SEBASTIEN PILLAY

Ok. Mr Speaker, parey ou kontan fer parfwa serten lenterpretasyon literer, bann keksoz, avek *due deference* Mr Speaker, Ou'n dir mwan sanzman non in ganny fer dan en lot Lalwa, nou pe ranplase. So en lot mo, en lot sinonim pour ranplase se sanze.

Mon pa konnen si ou pour dakor ek mwan. So ler ou

dir ek mwan koumsa poudir *repealing the words, "Seychelles Civil Aviation Authority and Civil Aviation Authority" and therefore substituting the word "Seychelles Airport Authority" at both places respectively.*

Savedir ou pe dir mwan poudir ou pe fer en sanzman dan sa Lalwa. Sa ki efektifman pe arive. E si nou demann sa bann kestyon. I aköz piblik la deor pa pe gannyen sa bann lenformasyon.

E i normal pour demande. Me Mr Speaker, ou'n fer kler poudir nou pa kapab abord sa size. Mon pa kapab *disrespect ruling* ki ou'n donner so mon ava respe ou *ruling*. Sa ki mon kapab dir Mr Speaker.

Se ki selman ki nou'n vwar. Nou'n vwar sa vini *Standing Orders*, in ganny *bypass*, i napa ni 7 zour. Zis apre ki Prezidan in donn *interview* lo *management Airport* Sesel, zis apre. *Suddenly* Lasanble pe pas en lamannman minwi ven douz zis apre.

Now, enterpret sa mannyer nou anvi, *bypass Standing Order* pour fer pour sispann *requirement*. Seselwa pe war la deor.

(APPLAUSE)

HON SEBASTIEN PILLAY

Dir sa ki nou le, Seselwa pe war la deor. Alor Mr Speaker, alors Lalwa in vin devan Lasanble. I ava ganny aprouve par mazorite ki dan Lasanble. Aköz apre tou zot la pour aprouv tou keksoz ki Gouvernman i anmennen.

E zot fel dan zot lobligasyon pour debout kont, debout pour reprezant bann dimoun ki'n met zot dan Lasanble. E nou lo sa kote latab nou a fer toultan sa ki nou fer pli byen. E sa se edik sa pep pour zot konn laverite lo kwa ki pe pase.

E apre Prezidan, i ava fer sa ki i fer byen ler nou'n koze ava al fer en *press conference* pour li eksplike. Mersi Mr Speaker.

MR SPEAKER

Mersi. Onorab, ou'n kontinyen *impute improper motives*. Me mon le dir ou, mwan napa konsiderasyon avek sa ki Prezidan in dir.

Mon'n aksepte sa Lalwa lo *Order Paper* aköz mon ti krwar i en senp teknikalite mon kapab dir, pour sanz non ki'n deza soz lo la.

Mersi selman mon pa anvi *argue* plis ki sa. Onorab Loze, mon a enplor ou, pour reste lo sa Lalwa silvouple.

HON JOHAN LOZE

Mersi Mr Speaker. Mr Speaker, devan nou parey ou

pe dir i annan en senp teknikalite e sanzman non i en keksoz ki nou'n deza fini fer par amannman ki nou'n fer lannen pase.

E prezan nou pep i bezwen port serten refleksyon. Ozordi nou'n *waive* 7 zour ant *First e Second Reading*. En keksoz ki *SNP, LDS* in toultan kont. Zot in toultan kont zot in toultan koz kont, i ti kont zot bann prensip.

Mr Speaker, mwan mon pa oule antre dan bann gran polemik. Selman mon pour poz serten kestyon. Akoz soudennman la eleksyon mwen senk, zot vwar li nesaser irzan e enportan pour pas en senp teknikalite ki fors zot vyol zot prensip ki zot ti gard ser letan zot ti dan Lopoziyon?

Zot prensip sa, sa zafer *waive* 7 zour, zot pa ti le tann parle. Mwan mon pe zis poz en senp kestyon avek Lepep Seselwa pour zot prop ledifikasyon e refleksyon. Kwa ki pe pous Gouvernman pour fer sa ki zot pe fer ozordi senk minit avan eleksyon?

Eleksyon mwen senk. Kwa ki sitan enportan ladan Mr Speaker? Lenpresyon ki mwan mon gannyen se ki son met in realize i annan en fot la. E in dir Gouvernman ale al koriz sa fot avan mon pran mon propriyete avek ou. Mersi Mr Speaker.

MR SPEAKER

Onorab Georges.

HON BERNARD GEORGES

Mersi Mr Speaker. Mr Speaker, i annan – annan de fwa ou war komedi dan sa Lasanble. E la apre midi nou'n war, nou'n war ankor enn. La apre midi nou'n war ankor enn.

Onorab, tou sa de Onorab, tou le de in koz lo en lyen dapre zot ant vizit ki Prezidan in fer Erport e sa *Bill* ki'n vin la apre midi. Me si zot ti'n fer zot travay, zot ti pou'n konpran de keksoz.

Premye keksoz ki zot ti pou'n konpran se ki Prezidan ti vizit erport, Zedi le 31 Zilyet. E sa *Bill* ti ganny gazete Merkrede le 30 Zilyet en zour avan Prezidan al lo erport.

Alor ki si sa - ki si sa ki zot, zot pe dir ki akoz in al laba zot - nou'n bezwen taye pour vin anmenn en lamannman. Ler sa lamannman ti'n fini ganny gazete depi avan.

Savedir ki i ti'n bezwen ganny drafte depi avan, savedir i ti'n bezwen ganny konsevwar depi avan.

(comments off-mic)

MR SPEAKER

Order!

HON BERNARD GEORGES

E dezyenm keksoz ki sa i montre Mr Speaker. E mon krwar Lepep Seselwa laba deor i konn sa tre byen.

Se ki nou Prezidan Wavel Ramkalawan i telman war kler, i telman war lwen ki i war en keksoz avan menm ki i fer, parey in fer la ...

(APPLAUSE)

HON BERNARD GEORGES

En boug, en boug i konnen i konnen avan ler ki si sa ki pour al arive. Se pour sa rezon Mr Speaker, ki le 27 Septanm nou bezwen kit li lanmenm.

Akoz zanmen, zanmen Sesel nou pour war en Prezidan e en *leader* parey sa enn ki nou annan la konmela. E mon pe demann avek Seselwa laba, desann an gran nonm, vot pour Prezidan Ramkalawan le 27 Septanm. Mersi.

MR SPEAKER

Vis- Prezidan –

(Interruptions)

MR SPEAKER

Order!

HON SEBASTIEN PILLAY

Mr Speaker, eski sa i annord sa ki'n fer la? Eski sa i annord.

MR SPEAKER

Order!

HON SEBASTIEN PILLAY

Sa i annord sa ki'n arive la? I *ok*.

MR SPEAKER

Order!

HON SEBASTIEN PILLAY

Sanmenm Seselwa pour met zot deor! Sanmenm zot pour al deor!

MR SPEAKER

Order!

HON SEBASTIEN PILLAY

Be i kler zot pa kapab annan tolerans. Selman ler li i koze ou les li koze.

MR SPEAKER

Order! Bon.

HON SEBASTIEN PILLAY

Ou war ki pa normal.

MR SPEAKER

Bon.

HON SEBASTIEN PILLAY

Sa i pa normal sa Mr Speaker. I pa normal.

MR SPEAKER

Bon mon regrete.

HON SEBASTIEN PILLAY

Sanmenm Seselwa pour met zot deor!

MR SPEAKER

Order! Mon regrete ki ozordi apre ki nou'n pas en lazournen kot Manm in respekte konsantre lo *Bill*, ki nou'n fini ek en note ki pirman politik. Vis-Prezidan ou a fer ou repons lo sa *Bill* – pour sa deba silvouple.

VICE-PRESIDENT AHMED AFIF

Mersi bokou Mr - mersi bokou Mr Speaker. Mr Speaker, ler mon'n ekout sa lentervansyon lo sa kote latab. Mon konpran tre byen aköz Dokter Gedeon ti dir, si ou napa nanryen poudir pa dir nanryen.

(APPLAUSE)

VICE-PRESIDENT AHMED AFIF

Akoz sa lamannman ki devan nou ozordi Mr Speaker, i tre senp. Sa lamannman enkli sa enn ki nou fek anmennen avan. Se pour fer nou Lotorite *Tax* vin pli efikas.

Lo enn nou'n dir donn – en kote...

(Interruption)

MR SPEAKER

Order! Wi. Silvouple.

(Interruption)

HON SANDY ARISSOL

(Off-mic)

HON JOHAN LOZE

(Off-mic)

MR SPEAKER

Wi mon – *order!*

(Interruption)

MR SPEAKER

Onorab Loze si ou le reste dan lasal, reste trankil silvouple. Reste trankil. Vis-Prezidan. Mon konpran i annan en keksoz, mon pa konnen egzaktaman ki si sa ki'n arive. Mon pa pe *rule* lo la. Mon pe zis demann ou, mon pe zis demann ou kontinyen avek ou repons lo deba silvouple.

VICE-PRESIDENT AHMED AFIF

Mersi bokou Mr Speaker. Mon ti pe senpleman fer le pwen ki sa *Bill* avan sa enn la e sa enn la. I annan en senp rezonnman par deryer.

Anmenn lefikasite avek SRC, sa enn avan nou ti pe senpleman dir. Donn li plis bataz pour li anmas lenformasyon pli vit. Sa enn la i pe dir, i pe dir nou annan bann operater Sesel. Bann operater avyon, ki *operate* Sesel ki dwa *business tax*.

E i annan en fason ki nou ti annan egziste, ki ler pa pey sa ki zot drwa avek lotorite, Lotorite Erport i annan dwa dir zot, ou pa kapab *operate*

isi, nou kapab anpes ou avyon apoze oubyen dekole.

Ler nou'n sanz non sa Lotorite lo erport ki kapab annan sa pouvwar ganny donner par *tax*. Sa pouvwar *tax* i sorti. Alor nou pe senpleman remet li. Napa nanryen pour fer avek erport li menm, i annan pou fer avek sa bann operater avyon. Ki ater lo erport ki pe fer biznes, ki nou, nou bezwen anpes zot kapab, evite pey *tax* isi.

Nou bezwen annan sa lebra pour kapab fer sa. Alors dan sa lamannman nou pe senpleman donn sa lebra *tax* pour li kapab dir avek Lotorite Erport ou ki annan sa lotorite.

E non Lotorite Erport in sanze, i *Seychelles Airport Authority* avan sa Lotorite sete *Seychelles Civil Aviation*. Sa lamannman i senp.

Nou'n tir sa "C" dan milye "SCAA", in vin "SAA". Mon pa konnen aköz bezwen fer sitan konplikasyon lo en keksoz ki sitan senp. Pe al anmenn en sanzman kot ou pour donn plis pouvwar pour nou anmas plis reveni pour nou depans plis pour sa pei. Nou pe fer tou sa ki byen pour sa pei. E aköz nou pe fer tou sa ki byen pour sa pei.

Se sanmenm sa rezon mon konpran Onorab Georges be kit li lanmenm. E mwan mon dir, kit sa bann lamannman parey i ete. Annou

kit li parey i ete, e se sa ki pour anmenn plis reveni pour nou pei. Mersi bokou.

MR SPEAKER

Mersi. Manm a vot lo sa *Bill* dan *Second Reading*. Manm ki an faver lev lanmen? Mersi. Manm ki kont. Mersi. Lo *general merit Business Tax (Amendment) Bill, 2025*. 21 Manm in vot pour, zero kont, 8 abstansyon. *Bill* in aprouve dan *Second Reading*. Madanm Clerk *Second Reading*.

MADAM CLERK

Mersi Mr Speaker. *A Bill for an Act to amend the Business Tax Act*. Mersi Mr Speaker.

MR SPEAKER

Mersi. Mon krwar. Mon pa war okenn lamannman. Korek. Nou bezwen pran Mosyon pour *waive Committee Stage*.

HON JOHN HOAREAU

Yes, Mr Speaker, anba *Order 97(1)* mon pour demann ou *leave* pour nou *suspend Standing Order 70*. Ki anmenn nou dan *Committee Stage*. Alor nou *suspend 70* pour nou kapab pran en *Third Reading*. Mersi.

MR SPEAKER

Mersi. Nou a ganny segonnman. Mosyon i ganny seconde.

HON REGINA ESPARON

Mr Speaker, Mosyon i ganny segonde.

MR SPEAKER

Mersi. Manm a vot lo Mosyon. Sa ki an faver lev lanmen. *Thank you.* Manm ki kont? Mersi. Lo Mosyon *to skip Committee Stage* lo *Business Tax (Amendment) Bill, 2025*, 21 Manm in vot pour, 0 kont, 8 abstansyon. Lasanble aprouve ki nou *skip Committee Stage*.

Nou a ganny Mosyon pour *Third Reading*. Onorab Arissol.

HON SANDY ARISSOL

Mersi Mr Speaker. Parey labitid anba *Order 76(1)* mon le *move* ki *Bill Business Tax (Amendment) Bill, 2025* ki napa nanryen ki pour fer ek Erport i ganny lir en Trwazyenm Fwa. Mersi.

MR SPEAKER

Mersi. Nou a ganny segonnman Onorab Esparon.

HON REGINA ESPARON

Mersi Mr Speaker. *Motion is seconded.*

MR SPEAKER

Mersi. Nou a vot lo Mosyon – nou a vot lo *Bill* dan *Third Reading*. Manm ki an faver lev lanmen? Mersi. Manm ki kont? *Thank you.*

Lo *formal Third Reading Business Tax (Amendment) Bill 2025 without amendment*. 21 Manm in vot pour, 0 kont, 8 abstansyon. *Bill* in aprouve pour *Third Reading*. Madanm Clerk *Third Reading*.

MADAM CLERK

Mersi Mr Speaker. *This Act may be cited as the Business Tax (Amendment) Act, 2025.* Mersi Mr Speaker.

MR SPEAKER

Mersi. *Bill* in pase par Lasanble. Bon, nou'n fini tou bann *Bill* ki ti lo nou *Order Paper* pour ozordi. Pour annan en lot *Order Paper* pour demen. E Madanm Clerk in notifie mwan poudir pour annan 2 *Bill* lo sa *Order Paper*.

Donk zot a resevwar sa a tan pour demen bomaten. Lasanble ava *adjourn* e nou a repran demen *matin* 9er. *Adjourn.*

(ADJOURNMENT)